

NY FANAMBARAN'I

JESOSY KRISTY



Misaotra, betsaka indrindra, ry Rahalahy Neville.

Afaka mipetraka ianareo.

Mino aho fa izao no voalaza indray mandeha, fa, “Faly aho raha hoy izy ireo tamiko, ‘Ndeha isika ho any an-tranon’ny Tompo.”²

² Ankehitriny, miala tsiny fa tsy manana efitra izahay, na efitra fitoerana, ho an’izay rehetra manatrika eto, sady mbola hitombo angamba izany amin’ny herinandro ho avy, ny olona ho avy izany, rehefa handre ny amin’ny favoriana.

³ Fa ny anton’izao fotoana manokana izao dia ny mba ahafahantsika... Nametraka fandresen-dahatra tato am-poko an’izao fampitandremana izao ny Fanahy Masina, fa, “Ny Fiagonana amin’izao andro izao dia tsy maintsy manana an’ity Hafatra ity.” Satria, inoako fa ireto no Hafatra tena malaza indrindra an’ny Baiboly, satria manambara an’i Kristy ao amin’ny Fiagonany amin’izao fotoana izao izany.

⁴ Ary koa, tsy misy afaka hanana finoana na hahafantatra an’izay ataony, na izay alehany, raha tsy efa manana, mananjavatra hametrahany ny fisainany sy ny finoany. Noho izany, raha nanambara an’i Kristy tamintsika ny Soratra Masina amin’izao andro farany izao, sy ny toetran’ny fotoana, dia ho tsara ho antsika ny—ny mikaroka an’Izany ka hahita hoe aiza ho aiza no misy antsika.

⁵ Ankehitriny, izahay dia—izahay dia miala tsiny fa tsy malalaka ny fiagonanay, indray andro any dia manantena izahay fa hanana an’izany.

⁶ Tao anatin’ireo efatr’andro farany, indrindra, raha nandinika ny amin’ity tamin’ny ampahany ara-tantaran’ny—ny Bokin’ny Apokalypsy, dia tafiditra tao amin’ny zavatra izay tsy mbola noeritreretiko mihitsy hoe efa tena nisy aho. Ary izany dia nitondra ho ahy he—hevitra anankiray fa, ao aorian’ireto *Taona Fiton’ny Fiagonana* ireto, avy teo amin’izany aho izao, dia tiako ny hanana favoriana hafa mifanesy mba hampisehoana “ny—ny Fiagonana marina sy ny fiagonana sandoka,” miaraka, ary amin’ny alalan’ny tantara sy ny Soratra Masina fotsiny. Tahaka izay efa nandramako indray mandeha, tamin’ny toriteny anankiray, naka “ny Voaloboka marina sy voaloboka sandoka,” izay hita ao amin’ny Baiboly. Ary izahay dia...

⁷ Izahay dia hiezaka hahazo sezazitsivitsy, raha eto am-pieritreretana ny olona miezaka ny hipetraka aho. Ary hiezaka izahay ny hahazo, hiezaka ny hahazo, sezazitsivitsy amboniny, hiezaka ny hameno ny toerana etsy aorianam etsy, sy any ivelany, ary ny manodidina sasany rehetra, mba ahafahanay mampipetraka olona bebe kokoa mandritry ny fivoriana.

⁸ Ankehitriny, mikasika an'izany, te-hangataka ny tsirairay aminareo izay tena liana amin'izao zavatra izao aho, ho—ho tonga amin'ny fotoana rehetra izay—izay hanazavana an'Ity. Ary tsy te-hiditra an-tsehatra aho, na nieritreritra tato anatiko aho...[Elanelana tsy voaraki-peo—Mpand.]... hiditra an-tsehatra amin'ny...[Elanelana tsy voaraki—peo.]... ity Boky lehibe an'ny Apokalypsy ity...[Elanelana tsy voaraki—peo.]... ny Taona Fiton'ny Fiagonana. Fa miankina tanteraka tokoa amin'Andriamanitra aho, mba—mba hanambara an'izany amiko fotsiny rehefa tonga eo aho.

⁹ Ny tantara nitranga, izay avy amin'ireo...nalaina amin'ireo mpahay tantara malaza indrindra izay fantatro avy. Manana aho ao amin'ny efitra fiasako ao, izao ankehitriny izao mihitsy, fitantarana dimy na enina eo ho eo, *Two Babylons* an'i Hislop, *Book Of The Martyrs* an'i Foxe, sy boky lehibe hafa; toy ny Mialoha ny Fivoriamben'ny Nicée, eo amin'ny boky efatra eo ny amin'izany, manodidina ny efa-jato pejy ny boky tsirairay. Ary ao ny Fivoriamben'ny Nicée, sy ireo tantara rehetra mety ho hita. Satria, aorian'ity, avy amin'ny horonam-peo, dia hanoratra laha-tsoratra mikasika ny Taona Fiton'ny Fiagonana isika, izay halefa eran'izao tontolo izao, rehefa azontsika atao, satria efa ao anatin'ny andro farany isika. Efa eo amin'ny fotoana farany isika.

¹⁰ Mbola tsy nipetraka tato am-poko toy izao mihitsy izany raha tsy—tsy tamin'ny fifidianana farany teo, ary teo no nahitako hoe aiza no misy antsika. Fa nanomboka nanambara tamiko ny Fanahy Masina, mba—mba hampitandrina ny olona, sy hametraka an'izao. Ary tsy vitako ny hanao an'izany ao—ao amin'ny fiagonana tahaka an'izao, amin'ny fomba ampy. Ary noho izany raha nipetraka aho ka nanoratra fotsiny an'ilay boky...Tsapako fa raha mankeo amin'ny polipitra aho, ka milatsaka amiko ny tsindrimandrin'ny Fanahy Masina izay eo anivon'ireo Kristiana, mba hanampy ahy, dia ho ampy kokoa aho hanoratra ny boky amin'izay fotoana izay, avy eo dia raisiko amin'ny horonam-peo izany, satria ao no hahazoanay ny tsindrimandrin'izany. Ireo boky, mazava ho azy, dia somary ho voalamina kely kokoa, satria, rehefa ety, dia manao zavatra izay tsy azo atao ao anaty boky isika. Fa avy eo isika...Ary handany fotoana be loatra isika amin'ireo teny miverimberina ataontsika, na izay ataoko. Koa noho izany àry, ao amin'ilay boky, dia hilamina tsara izany rehetra izany. Fa hiezaka ny

hahazo azy rehetra io izahay, arak'izay azonay atao, ao amin'ireo horonam-peo.

¹¹ Eny, ireo horonam-peo, isan-kariva, ny tahirin-tsoratra sy ny sisa, dia ireo tanora no hisahana azy etsy ivelan'ny trano etsy.

¹² Eny, mety tsy ho vitako isan-kariva, satria efa noraisintsika ny hiezaka ho an'ny voninahitr'Andriamanitra, ny—ny hitondra an'ireto Hafatra fiton'ny fiangonana ireto, na ny Taona Fiton'ny Fiangonana, ao anatin'ny hariva fito; hariva iray, ho an'ny taona anankiray. Ohatra, ny Alatsinainy hariva, Efesosy; ny Talata hariva, Smyrna; ny Alarobia hariva, Pergamosy; ny Alakamisy hariva, Tyatira; Zoma hariva, Sardisy; ary ny Asabotsy hariva, Filadelfia; ary ny Alahady maraina sy ny Alahady hariva, ny Laodikia, ilay taonan'ny fiangonana izay iainantsika ankehitriny. Ka hanome ny tantaran'ilay fiangonana tany am-boalohany, sy ireo—ireo mpanoratra sy ireo mpahay tantara, ary ireo anjelin'izany taona izany, sy—sy ireo hafatra, sy ny fizotry ny fiangonana, mandra-pahatongany tamin'izao fotoana izao.

¹³ Ary mahatalanjona ny mahita hoe ahoana no tena mampifandray tanteraka an'ireo izay voalaza mialoha rehetra ao amin'io Soratra Masina io amin'ny tantara, tena marina fotsiny, raha tena mandinika an'ilay izy. Tena nahatalanjona ahy tokoa ilay izy, hany ka, hatramin'ny omaly, dia namaky foana aho mandra-pahatsapako fa toy ny efa mipotsaka ny masoko. Dia nivoaka aho nilaza tamin'ny vadiko hoe, "Tsy mbola noheveriko ho toy izao mihitsy ilay izy." Hitanareo? Toa inona ny hahalehibeny!

¹⁴ Fa ankehitriny, indraindray, mety tsy ho vitako ny hitondra azy rehetra io ao anatin'ny hariva anankiray, ilay fiangonana, ilay hafatra ho an'ny fiangonana. Ary raha tsy vitako ny hamarana azy, amin'io hariva io, dia ny ampitso marainan'ny amin'ny folo ora indray. Ho lazaina isan-kariva izany, ho an'ireo izay te-ho tonga sy hihaino ny tohiny, satria hiezaka izahay ny hanao azy ity ao anaty horonam-peo. Hataoko amin'ny folo ora ny fivoriana, ny maraina, ka hatramin'ny mitataovovanana, amin'ny antoandro, mba hahafahana mamarana azy, ny ambin'ilay hafatra, satria mba ho voarain'izy ireo ao amin'ny horonam-peo izany. Tsy . . .

¹⁵ Efa nilaza isika fa tsy hisy ny fivoriana ho an'ny fanasitranana, satria isika dia miezaka ny hitoetra eo ambanin'ny fitenenana ara-paminanian'ny Baiboly. Fa, vao haingana isika no nanana fivoriana ho an'ny fanasitranana teto. Ary noho izany rehefa tapitra ireto fivoriana ireto, amin'izay fotoana izay isika vao hanana fivoriana ho an'ny fanasitranana indray eto.

¹⁶ Fa ankehitriny dia tiako ny hanao azy ity hazava tsara, mba hahatsiarovan'ny rehetra, fa ankehitriny, izay ato, fa mety

handidy sy hanosika, ary hanome antsika fandonana mafy izy ity. Nefa tompon'andraikitra aho, tsy amin'ny—tsy amin-javatra hafa ankoatry ny mitory ny Teny. Izay, izay ihany. Izay fotsiny... Saingy, mihazona tsara amin'ny Teny fotsiny. Ary matetika izany dia mety, ao amin'ireto taonan'ny fiangonana ireto, dia mety hanome taratry ny anaram-piangongan'olona anankiray. Ary raha izay no miseho, dia tsy midiaka akory izany hoe te-ho sarotiny. Izany—izany dia entina hanazavana an'izay lazain'ny Soratra fotsiny, sy ny fanambarana azoko ny amin'io. Ary raha neverinareo fa diso aho ny amin'izany, dia aza tazonina hanoherana ahy izany, fa mivavaha fotsiny ho ahy mba hanehoan'Andriamanitra amiko izay marina, satria maniry mafy tokoa ny ho marina aho.

¹⁷ Ary ny zavatra anankiray hafa koa, dia ny fahatsapako ny andraikitra izay ananako, eo—eo amin'ny karazana favoriana tahaka an'izao, ny mampianatra ny olona, fa ho tazonin'ny Fanahy Masina ho tompon'andraikitra amin'ny teny izay lazaiko eto amin'ity polipitra ity aho. Koa hitanareo hoe ahoana no hanantonantsika an'ity am-pahamatorana. Ankehitriny, isika...

¹⁸ Tiako ny hitondra an'izao any amin'ny toerana hafa. Saingy, satria fampianarana izy ity, noho izany ao amin'ny... Any amin'reo favoriana fitoriana filazantsara any ivelany any, ny tsirairay amintsika dia manana hevitra anankiray, na-na famantarana, na tahaka an'izay nisy nandritry ny taona maro, ary manana ny fiangonantsika ihany koa isika, sy izay nampianarin'ny fiangonantsika antsika, sy izay inoantsika. Isika... Tsy tiako ny ho any amin'ny fiangonan'olon-kafa anankiray, na eo anivon'ny olona toy izany, ka hilaza zavatra mifanohitra amin'izay efa nampianarina ny olona tao. Satria, na izany na tsy izany, dia niezaka aho nilaza mazava an'ireo fanambarako fa ny...

Raha Katolika ny lehilahy anankiray, ka ankininy amin'ny fiangonana Katolika ny famonjena azy, dia very izy. Raha Batista izy, ka hiankina amin'ny fiangonana Batista, dia very izy. Na Pentekotista, ka hiankina amin'ny fiangonana Pentekotista hamony azy, dia very izy. Fa, tsy fiangonana! Fa raha mijanona tsara eo amin'ny finoana an'ireo asa efa vitan'i Kristy teo Kalvary io olona io, dia voavonjy izy, tsy mampaninona ahy izay fiangonana misy azy. Satria, "Finoana no namonjena anareo, ary tamin'ny alalan'ny fahasoavana izany."

¹⁹ Ankehitriny, matetika, rehefa manao an'izany, avy eo dia mieritreritra aho, ao amin'ilay trano keliko izay nanombohanay taona maro lasa izay, niaraka tamina trano vato tranainy anankiray sy ny sisa, ary karazana toerana masina anankiray ho anay izy io. Halanay izy io, halanay fotsiny ny mahita azy novana, amin'ny endrika hafa, satria teo no

nanombohan'Andriamanitra nihaona taminay voalohany, fony tsy mbola nanana gorodona akory aza izahay tao anatiny. Fa izy io—izy io ankehitriny dia lasa toerana anankiray mandrapahantitra azy, ary isika izao dia ao anaty trano—trano kasaina hatao eto, hamenoana an'ity toerana ity ho fiangonana anankiray eto.

²⁰ Eny, hatreto, dia tsapako fa rehefa tafaverina avy any amin'ny asam-pitoriana aho, izay tsy nandratrako an'ireo rahalahy sy, na, ireo hafatra sy ny sisa, ka dia manome ahy zo haneho ny hevitro manokana izany, avy eto—avy eto amin'ny... avy eto amin'ny polipitra eto. Ary raha hilaza ianareo hoe, "Somary hafa kokoa ny nampianarina ahy." Izaho te... Ka noho izany, ao amin'ity, dia manasa fotsiny an'izay rehetra te-ho tonga izahay. Hitanareo? Tsy misy olona manohana ara-bola an'izao, na inona na inona. Ny tabernakla eto izany. Ary izay rehetra te-ho tonga, dia arahabaina tonga soa fotsiny. Tongava fotsiny. Koa manasa anareo aho hitondra ny Baibolinareo, isaky ny favoriana, ary mitondrà pensily sy taratasy.

²¹ Koa ankehitriny, raha ny amin'ireto lahatsoratra sy ny sisa ireto, tsy nahavita nitondra an' ireo boky rehetra aho. Noho izany dia nanoratra fotsiny aho, manoratra eto, ny fotoana tsirairay, eto amin'ity taratasy ity, naoty kely avy amin'ny tantara sy ny soratra, sy ny sisa, mba ahafahako mamaky azy fotsiny avy amin'ireo—ireo naoty eto ireto, toy izay haka boky ka hamadibadika pejy. Fa na izany aza anefa, rehefa tonga eo amin'ny Soratra kosa ilay izy, dia hampiasa Baiboly isika. Ary raha eo amin'ny lahatsoratra indray, dia hazavaiko izany; na ny tantara, iza ilay mpitantara nilaza azy io, sy ny sisa. Noho izany ao amin'ny... Mazava ho azy, fa amin'ny fotoana hivoahan'ny boky, eny, amin'izay fotoana izay dia hataonay printy tsara izy, dia hahazo ny zavatra rehetra tena vita tsara.

²² Ankehitriny, ataontsika izay rehetra azo atao mba hanombohana aloha ka hivoaka araka izay azo atao. Ho valo andro izy ity, ireo favoriana, ny Alahady ka hatramin'ny Alahady.

²³ Amin'ity maraina ity aho dia hanomboka ny toko 1 ao amin'ny Apokalypsy, ao amin'ny Bokin'ny Apokalypsy. Ary ny Apokalypsy dia misy fizarana telo. Ary ireo toko telo voalohany no ho resahintsika mandritr'ireo valo andro ireo. Raha, ny taonan'ny fiangonana anankiray dia mety hitazona antsika iray volana. Fa ireo zavatra goavana fotsiny ihany no halaintsika, araka ny fiantso azy. Koa rehefa azonareo ilay boky, dia ho voasoratra ao izany, amin'ny antsipiriany bebe kokoa.

²⁴ Ankehitriny, ny Apokalypsy, ireo toko telo voalohany, dia mikasika ny Fiangonana, avy eo dia tsy hita intsony ny Fiangonana. Tsy hitantsika intsony Izy raha tsy any amin'ny andro farany. Ny Apokalypsy 1 ka hatramin'ny 3, dia ny

Fiangonana; ny Apokalypsy 4 hatramin'ny 19, dia ny Isirael, firenena anankiray; ary ny 19 hatramin'ny 22, dia izy roa, miaraka. Ary ireo loza sy ireo fampitandremana, sy ny sisa, amin'ny andro farany! Misy fizarana telo. Hitanareo? Ary ireo toko telo voalohany no raisintsika, izay mikasika ny Fiangonana, sy ny taonan'ny fiangonana izay iainantsika.

²⁵ Ankehitriny, voalohany, dia toy ny hoe maina ny eto satria tsy maintsy miverina any aoriana isika mba hanao fototra iray. Nivavaka sy nandinika aho, sady nanao izay rehetra azoko natao, mba hiezaka ny—ny hanana tsindrimandry avy amin'ny Fanahy Masina, izay lalana iray hametrahana an'izao, hahitan'ny olona azy, ary ianareo dia tokony, rehefa mahita izany, ho voazava ka hahatonga anareo hanakaiky kokoa an'i Kristy, satria eo amin'ny andro farany isika.

²⁶ Ary tena zavatra mahafinaritra, rehefa nandinika ny tantara aho, ny mahita hoe ahoana no niandohan'io fiangonana io, sy ny fomba niongotany, ka inona no naka toerana, ary ny mahita an'io Voan'Andriamanitra kely io namakivaky teo amin' ny tsirairay tamin'ireo taona ireo; ka nivoaka tanteraka, efa saiky, tao amin'ny toerana anankiray.

²⁷ Eny, rahampitso hariva, dia hanomboka isika, ary hanana—banana sa—sary anankiray eto; tsy hoe sary, fa solaitrabe, izay tiako hampianarana azy amin'ny solaitrabe. Mino aho fa ny mpampianatra sekoly Alahady, ny iray amin'izy ireo, dia manana solaitrabe. Hitako etsy aoriana etsy izany. Hangataka ny mpiandry varavarana aho mba hitondra azy io, hametraka azy eto aloha eto, dia ho afaka hampianatra avy amin'io solaitrabe io aho, sy hanoratra azy mba hanananareo antoka. Ary dia afaka handray azy ao amin'ny taratasinareo ianareo, sy ny sisa, dia ho azonareo tsara ilay izy rehefa hitondra azy isika.

²⁸ Fa tiako fotsiny ny hilaza an'izao alohan'ny hanombohana. Ny mahita ny fiandohan'ny taonan'ny fiangonana; sy ny mahita hoe ahoana ireo apostoly, ireo foto-pampianarana, sy ireo zavatra nampianariny, ary ireo fitsipiky ny Baiboly. Ary avy eo dia mahita an'io fiangonana io, teo amin'ny taranaka faharoan'ny apostoly, ahoana ny fomba nampalazo Azy; ilay tena izy, ilay fampianarana marina. Ny taranaka fahafelo, niha-nanalavitra hatrany. Teo amin'ny taranaka fahefatra, dia niha-nalazo izany lasa tao amin'ny—ny matimaty. Namoaka fiangonana matimaty anankiray ilay fiangonana.

²⁹ Ary avy eo ilay Fiangonana feno ny Fanahy! Izay, lazaiko miaraka amin'ny fanajako indrindra ny fivavahan'ny rehetra izao. Hatramin'ny voalohany, ka hatramin'izao fotoana izao, ny tena izy, ny Fiangonana marina dia Fiangonana pentekotista anankiray. Marina izany. Nitahiry an'io Fiangonana io Andriamanitra.

³⁰ Manontany tena aho matetika, rehefa nanao fanamarihana Jesosy, nanao hoe, “Aza matahotra, ry ondry vitsy, fa sitraky ny Rainareo ny hanome anareo ny Fanjakana.” Nanontany tena aho matetika hoe inona no dikan’izany, fa azoko izy io ankehitriny.

³¹ Tamin’ny herinandro lasa dia nanao fivoriana izahay tao Shreveport, Louisiana, fivoriana tena ara-panahy indrindra izay tsy mbola nalehako, teo amin’ny fiainako. Shreveport!

³² Izaho dia nahazo andro fialan-tsasatra vitsivitsy, ka nandeha tany Kentucky niaraka tamin’i Rahalahy Wood izay eto, iray amin’ireo diakon’ny fiangonana, na mpandraharaha, no tena marina, mba hihaza. Nankany anaty ala izahay.

³³ Voatifitro ny vontsira voalohany. Dia hoy aho, “Hiandry fotsiny aho,” satria nisy olona nandalo niaraka tamin’ny alika maromaro. Hoy aho hoe, “Hiandry fotsiny aho mandrapivoakan’ireo vontsira avy ao anaty lavaka. Mandositra ao anaty hazo izy ireo, ao anaty lavaka, ary miafina.” Hoy aho hoe, “Rehefa mivoaka izy ireo... Hipetraka eto aho dia hiandry.” Satria, tena nangatsiaka sady namanala tamin’izay, ary ny sofiko nafana. Ary, fantatrareo, ilay—ilay rivotra mamirifiry avy eny an-dohasaha. Hoy aho hoe, “Hiandry fotsiny aho mandrapivoakan’ireo vontsira.”

³⁴ Tsy mbola tafapetraka akory aho, dia nilaza tamiko ny Fanahy Masina hoe, “Mitsangàna, ka mandehana eo amin’ilay toerana antsoinao hoe ‘lohasahan’ny mpanao fanatanjahan-tena.’ Hiresaka amina any Aho.”

³⁵ Nankeo amin’io toerana izay nantsoiko hoe “lohasahan’ny mpanao fanatanjahan-tena” io aho. Satria, ny antony niantsoako an’ireo lohasaha ireo, izaho manokana, dia ny mba ahafahako mahalala hoe aiza no nisy ahy. “Lohasahan’ny mpanao fanatanjahan-tena,” satria izy ireo dia nanana... Nandeha tao aho dia nahita vontsira enina ambin’ny folo teo ambonin’ny hazo anankiray; notifiriko izay tratrako, navelako tany ny ambiny, dia lasa aho. Ary izay ilay fanatanjahan-tena, ilay zavatra atao. Noho izany dia nantsoiko hoe, “lohasahan’ny mpanao fanatanjahan-tena,” izy io.

³⁶ Dia niresaka tamiko Izy hoe, “Ilay toerana izay nantsoinao hoe ‘lohasahan’ny mpanao fanatanjahan-tena.’” Tsy hoe ilay Iantsoany azy, fa ilay iantsoako azy.

³⁷ Dia nandeha niakatra teny amin’ny lohan’io lohasaha io aho ary nipetraka teo ambanin’ny hazo ôka fotosy anankiray, ary niandry teo amin’ny antsasak’adiny teo, tsy nisy na inona na inona nitranga. Nitsilany teo amin’ny tany aho, niankohoka tamin’ny tany, nahinjetro ny tànako. Dia niresaka tamiko Izy.

³⁸ Ary rehefa niresaka Izy, ireo Teny izay Nambarany ahy, eto amin’ity Soratra Masina ity izay hojerentsika anio maraina ity mihitsy, dia tsy mbola hitako mihitsy izany tany aloha, tamin’ny fiainako rehetra.

³⁹ Ary avy eo aho rehefa nankany Shreveport, tao Louisiana; dia nisy vehivavy anankiray izay vehivavy nanana fanomezam-pahasoavana, Rtoa Shrader no anarany.

⁴⁰ Taona maro lasa izay, rehefa nihaona tamiko ny Anjelin'ny Tompo teo amin'ny renirano, ny fotoana voalohany, ka niseho tao amin'io Hazavana io, sy ireo Teny izay Nambarany teo; iraika ambin'ny folo taona taty aoriana, rehefa nankao amin'ny favoriana anankiray aho, dia nitsangana io vehivavy kely io ary niteny tamin'ny teny tsy fantatra sady nandika. Fa ilay zavatra mitovy ara-bakiteny izay nolazain'ilay Anjely mihitsy ilay izy.

⁴¹ Ary io vehivavy kely io ihany, rehefa nankao amin'ny tabernakla aho ny...na tao amin'ilay toerana nisy anay tao Shreveport, ny Life Tabernacle, dia niasa teo amin'io vehivavy io ny Fanahy Masina ka nilaza ara-bakiteny izay Nolazainy tamiko teny amin'ilay havoana. Koa dia nanomboka niasa ny Fanahy ka nanome ny fandikana, nilaza zavatra mialoha tamin'ny alalan'ny fanambarana, tamin'ny alalan'ny faminaniana, ireo zavatra hitranga amin'ny favoriana hariva manaraka an'io, ary tsy nisy latsaka mihitsy izany na indray mandeha aza.

⁴² Talohan'io, nisy vehivavy kely anankiray nitsangana teo amin'ny favoriana, tonga teo ny vehivavy Batista anankiray, izay tsy nahalala akory izay hataony. Fa nitsangana teo afovoan'ny favoriana izy ary nanenika azy ny Fanahy Masina, dia nanomboka niteny tamin'ny fiteny tsy fantatra izy, vehivavy Batista anankiray avy amin'ny Fiagonana Batista Voalohany tao Shreveport. Ary dia tsy fantany akory izay nataony. Ary teo, talohan'ny nitenenany zavatra, dia nanome ny fandikana ny Fanahy Masina, nanao hoe, "HOY NY TOMPO HOE, 'Ao anatin'ny telo volana, ny Fanahin'i Mosesy, Elia, ary Kristy, no hiasa ato amin'ity tabernakla ity." Ary nitranga io, tanteraka mihitsy.

⁴³ Lehilahy Batista anankiray avy any Meridian, Mississippi, no ndeha hametraka ny tànany teo amin'ny vata fampangatsiahana, haka zavatra tao amin'ny vata-fampangatsiahana, ary dia tonga taminy ny Fanahin'Andriamanitra. Ary niteny tamin'ny fiteny tsy fantatra izy, tsy nahalala akory izay nataony. Ary talohan'ny nahazoany...nahalalany ny zavatra nataony, dia nilaza taminy indray ny Fanahy Masina nanao hoe, "Mandehana any Shreveport, any Louisiana. Ny mpanompoko no hilaza aminaizay hataonao."

⁴⁴ Ary tonga teo izy, nanao hoe, "Tsy azoko ity; tsy mbola nitranga tamiko mihitsy izao tany aloha." Oh, oadray!

⁴⁵ Miaina amin'ny andro farany isika mialoha ny Fihavian'ny Tompo.

⁴⁶ Io Fiagonana kely io dia tao amin'ilay havitsiana hatrany, ilay pentekotista. Tsy ny anaram-piagonana Pentekotista

no tiako lazaina. Tsy izay no tiako lazaina. Fa, ny olona miaraka amin'ny fahatsapana pentekotista! Ny pentekosta dia tsy rafi-piagonana. Ny pentekosta dia fahatsapana izay tonga amin'izay mila azy. Katolika, Jiosy, Proselita, Metodista, Batista, "N'iza n'iza mila, aoka izy ho avy." Fahatsapana isam-batan'olona izany... Andriamanitra tsy mifampiraharaha amin'ny anaram-piagonana, tsy mifampiraharaha mihitsy koa Izzy amin'ny Jentilisa amin'ny firazanana na vahoaka. Fa mifampiraharaha amin'ny isam-batan'olona Izzy, "N'iza n'iza mila." Avelao izy ho fotsy, mainty, mavo, zarazara; Metodista, Batista, Protestanta, Katolika. Na iza izy na izy, "Aoka izy ho avy," n'iza n'iza. Tena faly aho satria izay no fomba Nanaovany azy. Izaho...

⁴⁷ Tahaka ny nolazain'ilay sakaiza indray mandeha hoe, "Naleoko kokoa Izzy nilaza an'izany toy izay niantso ny anarako hoe, 'Aoka ho tonga William Branham,' satria mety hisy William Branham maromaro. Fa rehefa niteny kosa Izzy hoe, 'N'iza n'iza,' dia *fantattro* fa tafiditra ao anatin'izany aho."

⁴⁸ Koa izay no fomba hahatsapan-tsika rehetra azy, "N'iza n'iza mila, dia aoka izy ho avy."

⁴⁹ Eny, fantattro fa maro ny olona miandry any amin'ireny hotely sy trano fivahinianana ireny, izay avy any amin'ny manodidina an'izao tontolo izao. Hitanareo? Misy olona avy any Irlandy eto sy toerana samy hafa, miandry an'ireo fihaonana ireo. Saingy tsy azoko raisina izany izao. Te-hanokana ny fotoanako ho an'ity aho, azonareo.

⁵⁰ Rehefa tafaverina avy any amin'ireny dia alehako ireny aho, matetika aho miverina mba handray—handray olona ho sahanina, satria mitazona ny fotoana nomena azy izy ireo. Saingy raha izao aloha dia tsy maintsy alefantsika handeha izy ireo noho ny amin'Ity.

⁵¹ Eny, zavatra anankiray fotsiny alohan'ny hanombohantsika an'ity Boky ity. Tamin'ny voalohany dia Fiagonana pentekotista anankiray. Io Fiagonana pentekotista io dia nivoaka avy tamin'ny herin'ny Fanahy ary nanoratra ny Bokin'ny Asa. Ny taranaka faharoa, dia nanomboka nihena izy, lasa fiagonana mpanaraka fombafomba. Ilay taonan'ny fiagonana faharoa, tena mpanaraka fombafomba izy, saingy io Voa Kelin'ny pentekosta io kosa dia nitohy nandroso ihany, ilay ara-panahy. Avy eo dia lasa tany amin'ny toeran'ireo taona maizina izy, nandrity ny efa-jato sy arivo taona teo ho eo sy ny sisa, karazana fanenjehana maizina anankiray. Io taona pentekotista kely io dia velona hatrany nandrity'izany. Ahoana no nahafahany niaina an'izany, aza anontaniana ahy. Ny tangan'Andriamanitra izany, izay no hany zavatra tokana afaka nahavita an'izany.

⁵² Satria, nohomboany tamin'ny tsatoka izy ireo, hambenana. Ary nalainy ireo lehilahy ireo ka nahodiny teo amin'ny—ny

hazo voakapa anankiray, ary naka hazo tsatoka izy ireo izay natrobany tao amin'ny tongotr'izy ireo, ary navelany ireo biby, ireo alika, hihinana azy ireo avy aoriana, ka nanala ny tsinain'izy ireo tao aminy, alohan'ny nahafatesany mihitsy aza. Nalainy ireo vehivavy, notapahany ny nonony, tamin'ny antsy toy *izany*, ny nonony ankavanana, dia natsangany ary navelany hikoriania tsotra izao ny rà, mandra-pialan'ny ainy tao aminy. Nalainy ireo zazakely avy ao amin'ireo reny bevohoka ka nomeny hohanin'ny alika sy kisoa, teo imason'izy ireo. Ilay Kristianisma sarintsariny; saingy ny Baiboly no nilaza, ary hoy Jesosy hoe, "Ho avy ny andro izay hamonoany anareo, iheverany fa manao fanompoam-pivavahana ho an'Andriamanitra izy." Hitanareo?

⁵³ Ary ankehitriny izany zavatra izany dia nikisaka hatrao amin'ilay taona nanaraka. Ary voaseho ihany izany tamin'ny farany. Ary avy eo dia voamaritsika fa, ilay fiangonana, dia lasa nivoaka nankany amin'ny fanavaozana. Niala izany dia niala hatrany, hatramin'izany fotoana izany, ary lasa nanalavitra ny Fanahy, nanalavitra ny Fanahy, mandra-pahatongan'izao taona farany izao izay mahavonona azy mihitsy hitambatra ka hanao ny sarin'ny bibidia.

⁵⁴ Fa io Fanahy kely io dia ho velona hatrany ao am-pon'ny olona mandra-pihavin'i Jesosy. Tsy maintsy izay ilay izy. Ataovy ao an-tsaina izany.

⁵⁵ Ho entintsika eo amin'ny kisarisary izany, alaintsika ireo tantara sy ny zavatra rehetra, ary haseho anareo fa tena izany marina tokoa no fandehany. Ianareo no aoka handray ny tantara, ianareo ihany, ka hamaky izany. Jereo izay lazain'ny Baiboly, ary avy eo dia izay lazain'ny tantara. Jereo ny fomba tena ifanaraharan'izy ireo tanteraka mihitsy tahaka an'izany. Oh!

⁵⁶ Enga anie isika tsy handray an'izany toy ny famakian-teny fotsiny, fa enga anie isika mba ho am-panajana, am-panajana no handraisantsika ny fampitandreman'ny Fanahy Masina ka hivavaka, andro aman'alina. Aza avela hisy na inona na inona hanakana anareo hivavaka.

⁵⁷ Hiditra isika izao, ary handalina ny fiainan'ireo lehilahy malaza fahiny, ahoana no nanolorany tena. Ho hitanareo hoe tena kely ny vitanareo. Mahatonga ahy ho menatra ny tenako izany indraindray, hoe ahoana no hanamoramoran-tsika ny zavatra rehetra, kanefa sarotra daholo ny zavatra rehetra teo amin'izy ireo. "Nirenireny tetsy sy teroa izy ireo," hoy i Paoly ao amin'ny Hebreo 11, "nitafy hoditr'ondry sy hoditr'osy, efa lao sy ory, fadiranovana." Inona no ho filazantsika rehefa hitsangana eo anilan'izy ireo? Ho toy inona izany raha mohoatra amin'izany? Fa isika dia mila mahazo ny zavatra rehetra mora foana.

⁵⁸ Ankehitriny, ao anatin'ny fanajana, alohan'ny hanokafantsika ny Boky, dia tiako isika rehetra, izay afaka, mba hitsangana fotoana fohy hivavaka. Ankehitriny amin'ny

fahatsoran'ny fonareo, manonona tonom-bavaka anankiray ho...amin'Andriamanitra.

⁵⁹ Tompo Andriamanitra, ilay Mpahary ny lanitra sy ny tany, ilay mpanao ny Fiainana mandrakizay, sy mpanome ny fanomezana tsara sy tanteraka rehetra. Hangataka Aminao izahay, Tompo, voalohany aloha, dia ny hamelanao anay tamin'izay rehetra tsy fahombiazanay, sy ny fahotanay ary ny fandikan-dalàna nanohitra Anao, sy nanohitra ny hafa ary ireo namanay.

⁶⁰ Enga anie ity fotoana kely hiarahanay ity mba tsy ho fampandrosoana ny fanahinay fotsiny ihany, fa enga anie izy ity mba hanazava anay koa amin'izao lèlana izao, ka hanome tsindrimandry anay, mandra-pahatonga anay hilaza amin'ny hafa. Enga anie ity mba ho fotoana fanokanan-tena indray, hiraisansa amin'ny fahafenoan'ny Vatan'i Kristy ka ho vonona ho amin'ny Fampakarana.

⁶¹ Andriamanitra Ray, tsy avy amin'ny fahatsapako manokana, amin'ny fahafantarana fa ny Mpanomponao, sy izay mpanompo hafa rehetra, dia tsy ampy amin'izao andraikitra lehibe izao. Mahatsapa hoe ahoana no nataon'ireo lehilahy malaza ireo, raha nandeha, dia nanao tao am-pony ny hiezaka hanambara an'Ity, na hitantara ny amin'ilay Fanambarana lehibe; amin'izay dia tsapanay fa izahay, mihoatra lavitra noho izy ireo aza, dia tsy ampy. Saingy Ianao no fahampianay.

⁶² Ary mangataka aho, ry Ray any An-danitra, mba Hanaovanao zavatra manokana mandritr'ity fotoana ity, ka ny Fanahy Masina no hanana ny fahamboniana ao amin'ny fo tsirairay. Foray ny molotra izay miteny sy ny sofina izay mandre. Ary rehefa tapitra ny zavatra rehetra, ka atokanay ho Anao izany, dia enga anie izahay handeha eo amin'ny tokonambaravarany trano ity, hanao hoe, "Nahatsara anay ny tonga teto. Ny Fanahy Masina no niresaka taminay raha nipetraka teo izahay. Koa ankehitriny dia vonona izahay ny hanao an'izay rehetra azonay atao raha mbola mamiratra ilay Hazavan'ny hariva." Ekeo izany, Tompo.

⁶³ Enga anie, mandritr'ity fivoriana ity, ny lehilahy sy ny vehivavy handray tanjaka, vaovao indray. Ianao anie hanangana mpiteny amin'ny fiteny tsy fantatra, mpandika fiteny tsy fantatra. Manangàna fanomezam-pahasoavan'ny faminaniana. Manangàna mpitoriteny, pastora, evanelista, sy ny sisa, mba ahafahan'ny Fiangonana handroso. Manangana misionera ho any amin'ny saha fanompoana sy hitondra ity Filazantsara be voninahitra ity. N'aiza n'aiza alehan'ny Teny, dia enga anie hilatsaka ao amin'ny tany tsara Izzy, ka hamoa zato heny, satria mino izahay fa eo amin'ny taona farany no misy anay. Akaiky ny fandevonana.

⁶⁴ Ekeo ireo zavatra ireo, Ray. Ary ambonin'ny zavatra rehetra, Tompo, amin'izao fotoana izao, hanampy ahy anie Ianao, izany no tena ilaiako. Fa mangataka izany aho, raha manankina ny tenako Aminao ho an'ireto fivoriana ireto, amin'ny Anaran'i Jesosy Kristy. Amena.

⁶⁵ [Misy anabavy anankiray miteny amin'ny fiteny tsy fantatra. Misy rahalahy anankiray mandika—Mpand.]

⁶⁶ Ry Andriamanitra Mahery, Izay nanangana an'i Jesosy tamin'ny maty, tena faly tokoa izahay raha mahalala fa mitoetra eto anivonay ny Fanahinao. Marina hatrany Izy ary tsy misy mihitsy teny tsy marina anankiray. Koa ankehitriny, Ray, hamarino hatrany ny Teninao raha hamaky izahay, ho Vonitorahitao. Ary aoka ny fo rehetra, arak'izay Nolazaina hoe, "Ho voaomana sy ho vonona, satria hisy zavatra ho tonga." Angamba handray ny fampitandremany farany ny olona mba hialany amin'ireo zavatra izay ataony ankehitriny, ho ao amin'ny lalan'ny fahitsiana. Misaotra anao izahay, ry Andriamanitra Masina, amin'ny Anaran'Ilay Zanany, Jesosy Tompo. Amena.

⁶⁷ Hamadika ny ao amin'ny Bokin'ny Apokalypsy isika izao, ny toko 1. Ankehitriny, voalohany aloha, dia tiako ny hamaky an'ireo andininy telo voalohan'ny Apokalypsy.

Ny Fanambaran'i Jesosy Kristy, izay nomen'Andriamanitra azy, mba hasehony amin'ny mpanompony izay zavatra tsy maintsy ho tonga faingana; ary nandefa sy naniraka ny anjeliny izy ho any amin'i Jaona mpanompony:

Izay nanambara ny tenin'Andriamanitra, sy ny filazana an'i Jesosy Kristy, sy ny rehetra... dia ny zavatra rehetra izay efa hitany.

Sambatra izay manaiky, sy ny mihaino ny tenin'ity faminaniana ity, ka mitandrina izay voasoratra ato anatin'y: fa antomotra ny andro.

⁶⁸ Tahaka izay vao nolazaiko teo aloha, ankehitriny, eto dia hiezaka isika ny hanome famakafakana kely ny amin'ny Boky, araka ny tantara sy ny sisa. Ary isaky ny mahita ahy mitodika amin'ireto pejy izay nosoratako eto ireto ianareo, dia zavatra izay nalaiko avy tamin'ireo lahatsoratra sy ny sisa izany.

⁶⁹ Koa, ny mpanoratra an'ity Boky ity dia i Jaona, Jaona ilay Masin'Andriamanitra, no nanoratra ho an'ny taranaka ho avy (A). (B) Nivantana tamin'ireo anjely fiton'ireo vanimpotoana fito niavaka tsara ho an'ny taona Kristiana izany, taona nanomboka tamin'ny andron'ireo apostoly ka hatramin'ny Fihavian'ny Tompo. Ary ankehitriny, nifanesy ny fivoahan'ireo taona, ny tsirairay avy, nanomboka teo amin'ny niakaran'ny Tompo ka hatramin'ny Fiverenany indray. Ny taonan'ny fiangonana tsirairay dia manoritra ny toetra ara-panahiny avy. (E) Ny taonan' ny fiangonana tsirairay dia afaka manondro

ny tenany manokana amin'ny alalan'ny nilazana taminy aratSoratra Masina sy ara-panahy. Rehefa miteny ny Fanahy, dia afaka manondro ny tenany ny taona tsirairay. Ary ny taona tsirairay dia nitondra ny tena Voalobok'i Kristy, dia ny virijina Hendry. Ary ny taona tsirairay koa dia nitondra ny voaloboka grefy, dia ny virijina adala.

⁷⁰ Ireo mpanoratra tantara dia miara-manaiky, fa fiainan'i Jaona ity. Tao an-tanànan'i Efesosy no niainan'i Jaona an'ireo taonany farany ary tao izy no maty. Tao amin'ny Nosy Patmo izy, tamin'ny fotoana nanoratany ny Boky, ny Apokalypsy. Tsy tantaram-piaiany akory ity, fa tantaran'i Kristy ho an'ireo taona izay ho avy. Hitanareo? Faminaniana izy io. Tsy ny fiainan'i Jaona, tsy ny fiainan'i Kristy, fa faminaniana ny amin'ny taona anankiray izay ho tonga. Tsy teny faminaniana avy aminy manokana akory io; fa, fankalazana ny Tompo, am-panajana. Tsy Fanambarana an'i Jaona ilay Masin'Andriamanitra akory io, fa ny Fanambaran'i Kristy Tompo.

⁷¹ Io no Boky faran'ny Testamenta Vaovao, nefà kosa milaza ny fiandohana sy ny fiafaran'ny andron'ny Filazantsara. Miara-manaiky ireo mpahay Baiboly.

⁷² Ireo taratasy ho an'ireo taona fiton'ny fiangonana dia nosoratana, ara-paminaniana, ho an'ireo taona izay ho avy. Paoly no nanoratra ny fiainana sy ny voninahitr'ireo fiangonana fito nisy tamin'ny androny. Jaona no nanoratra ny fiainana sy ny voninahitr'ireo fiangonana fito izay ho avy, izay no nalefan'i Jaona tamin'ireo pastora fito na ireo iraka izay nivantana tamin'ireo Kristiana rehetra tao ambanin'ireo anjely fito samy hafa ireo.

⁷³ Ankehitriny, ny Bokin'ny Apokalypsy, no raisintsika ankehitriny, satria zaraintsika ho amin'ny maraina sy hariva izy ity. Ary hiezaka isika ny hivoaka eo amin'ny iraika ambin'ny folo na amin'ny iraika ambin'ny folo sy sasany, zavatra toy izany, dia hanomboka indray isika rahariva amin'ny fito.

⁷⁴ Ankehitriny ireo votoatinin'ity toko 1 ity. Ny andininy 1, io—io dia miresaka ny amin'ny Tenany mihitsy, satria io no Fanambaran'i Jesosy Kristy. Ny andininy faha 2, Jaona ilay Masin'Andriamanitra no mpanoratra sy mpanompo. Ny andininy faha 3, ireo fitahiana voatonona. Ny andininy faha 4 hatramin'ny andininy faha 6, ny fiarahabana ho an'ny fiangonana. Ny andininy faha 7, ireo filazana miharihary. Ny andininy faha 8, ny maha-Andriamanitra ambony indrindra an'i Jesosy Kristy. Ny andininy faha 9 hatramin'ny andininy 20, ny fahitana tao Patmo.

⁷⁵ Ary, koa, ny andininy faha 14 sy ny faha 15 dia manoritra an'ireo Endrika fitony mirakitra ny voninahitry ny Tenany. Oh, tena mahafinaritra rehefa mahita an'i Kristy isika ao amin'ireo

Endrika fiton'ny maha-Izy Azy, ny vatana fiton'ny Tenany, ao amin'ilay Fitsangananany be voninahitra.

⁷⁶ Ankehitriny, ilay lohateny dia manoritra ny toetra.

Ny Fanambaran'i Jesosy Kristy, . . .

⁷⁷ Tsy ny fanambaran'i Jaona ilay masin'Andriamanitra tsy akory, fa ny Fanambaran'i Jesosy Kristy, ilay Zanak'Andriamanitra.

⁷⁸ Ankehitriny, ny teny Grika ny amin'ny hoe *fanambarana* dia ny *apokalypsy*, izay midika "fampisehoana." Ary nalaiko io teny io ka notadiaviko izy. Ny dikany dia hoe, ny apokalypsy, dia ny. . . Tahaka ny mpanao sokitra, izay manao sarivongana lehibe, ary norakofany sarona anankiray izany. Fa avy eo dia tonga izy ka mandrovitra indray an'io sarona io ary mampiseho an'izay nisy tao ambadik'ilay sarona. Famoahana anankiray izany.

⁷⁹ Ary ity Boky ity dia tsy ny famoahana ny, tena hoe, ny maha-Izy an'i Jesosy Kristy. Kanefa, azo antoka fa miresaka ny amin'ny maha-Andriamanitra Azy sy ireo Endrika fiton'ny maha-Izy Azy izy ity, sy ireo zavatra izay maha-Izy Azy ihany koa, tahaka ny hoe Mpisorona, Mpanjaka, sy ny sisa. Nefa kosa izy ity dia fanambarana ny amin'ireo Asany aty aoriania ao anatin'ireo taonan'ny fiangonana Fitony izay ho tonga. Izany. . .

⁸⁰ Fony tety an-tany ny Tompontsika, dia nanontany Azy ny mpianatra, nanao hoe, "Mpampianatra, izao va ny fotoana Hampodianao ny Fanjakana ho amin'ny Isiraely?"

⁸¹ Dia hoy i Jesosy hoe, "Tsy anareo ny hahalala ny andro na ny fotoana." Ary tsy misy olona hahalala. Hoy Izy, "Na ny Zanaka," koa aza, "dia tsy mahalala."

⁸² Saingy tao aorian'ny Fahafatesany, ny fandevenana, ny fitsangananany, ary ny fiakarany tany amin'ny Voninahitra, dia Noraisiny avy tamin'Andriamanitra izay ho avin'ny Fiangonana. Ka dia niverina Izy, mba hitondra an'ity Hafatra ity ho an'ny Fiangonana, dia ity Hafatra ny amin'ny Fihaviany ity sy ny toerana misy ny Fiangonany mandritry ny Taona.

⁸³ Tsy Azony natao izany talohan'ny Fahafatesany, ny fandevenana, ary ny fitsangananany, satria mbola tsy Fantany io teo. Saingy efa mba tsikaritraiseo ve hoe ahoana no hamakian'ny Soratra Masina eto?

*Ny Fanambaran'i Jesosy Kristy, izay
nomen'Andriamanitra azy (Kristy), . . .*

⁸⁴ Ahoana no nanomezan'Andriamanitra Ray ny Fanambarana ho an'i Jesosy Kristy Zanany. Fa nandefa ny Anjeliny teo amin'i Jaona Izy, mba ampahafantatra an'ireo zavatra izay nisy; izay nisy, izay misy, ary izay hisy. Oh, tena tsara petraka izany!

⁸⁵ Ankehitriny, tao amin'io taona lehibe hitan'i Jaona io! Eny, ireo, io Fanambarana izay nomena azy io, dia izao fotsiny ihany,

ny hanambara ny fikasana manokan'i Kristy, hoe ho inona Izy sy ho tahaka ny inona, isaky ny taona tsirairay. Izay no antony nilazako, izao maraina izao hoe, tazony eo amin'ilay Fianganana tena izy ny fisainanareo. Ilay Fianganana tena izy dia nanomboka tamin'ny Andro Pentekosta.

⁸⁶ Tsy misy teolojiana, na mpianatra Baiboly, na mpahay tantara, afaka hilaza fa nanomboka tamin'ny andron'i Martin Luther izy io, Wesley, ny taona Katolika, na ireo taona hafa. Fa nanomboka tamin'ny Pentekosta izy io. Io no fanokanana ny Fianganana. Io no fiandohana. Koa, noho izany, raha misy adihewitra amin'ny olona na iza na iza, dia mijanona ianareo eo amin'io varavarano'ny Pentekosta io, fa tsy afaka handeha n'aiza n'aiza intsony ireo.

⁸⁷ Tahaka ny mametraka bitro anankiray ao anaty saha iray. Fantatrareo izay misy ny lavaka tsirairay, dia tampenanareo izany. Fa tsy maintsy hiverina avy eo amin'io toerana izay nidiarany io ihany izy.

⁸⁸ Eny, toy izany koa, izay rehetra miresaka ny amin'ny fianganana sy ireo taonan'ny fianganana, ary ireo asan'ny Fanahy Masina, dia tsy maintsy miverina any amin'ny voalohany ianareo, ny fiandohana. Tsy maintsy miverina eo satria Andriamanitra dia tsy manam-petra, ary Izy dia manam-pahefana indrindra. Noho izany, satria tsy manam-petra Izy, dia tsy afaka hanao zavatra anankiray Izy *eto*, ary avy eo hanao zavatra mifanohitra amin'io indray, *eto*. Fa tsy maintsy Ataony tahaka ilay nanaovany azy tamin'ny voalohany hatrany foana ilay izy.

⁸⁹ Tahaka ny nolazain'i Petera, tamin'ny andro nandraisany Jentilisa ny Fanahy Masina, hoy izy hoe, "Moa mahazo mandrara ny rano va isika, rehefa nahita fa efa nandray ny Fanahy Masina tahaka antsika tany am-piandohana koa izy ireo?"

⁹⁰ Jesosy, fony Izy tety an-tany, dia niteny sy nilaza hoe, "Io..."

⁹¹ Nisy olona anankiray tonga ka nilaza hoe, "Araka ny lalàna ve amintsika ny misaotra ny vadintsika na inona na inona antony?"

⁹² Hoy Jesosy hoe, "Ilay nahary ny lahy, no nahary ny vavy koa. Ary noho izany ny lehilahy dia..."

⁹³ Hoy izy hoe, "Fa Mosesy no nandidy hanome taratasy fisaoram-bady."

⁹⁴ Hoy Jesosy hoe, "Fa tamin'ny voalohany dia tsy mba toy izany."

⁹⁵ Miverena any amin'ny voalohany. Noho izany raha hiresaka ny amin'ny taonan'ny fianganana isika, dia tsy maintsy miverina any amin'ny voalohany, ka hanilika an'izay fanambarana rehetra nataon'ny olona nandrity ny taona.

⁹⁶ Ity no Boky ofisialy indrindra amin'ny Boky rehetra ato amin'ny Baiboly. Ity no Boky tokana nasian'i Kristy ny Tombokaseny. Manomboka amin'ny fitahiana anankiray izany ary mafara amin'ny ozona anankiray. "Sambatra izay mamaky." Ary, "Voahozona izay rehetra manaisotra zavatra anankiray amin'Ity."

⁹⁷ Ity no Boky tokana nosoratan'i Kristy, Izy Tenany, amin'ny Baiboly manontolo. Ireo Didy folo, dia Nosoratany tamin'ny Rantsan-tànanay. Marina izany. Niankina tamin'izany ireo Jiosy. Fa, ankehitriny, dia ny—ny Apokalypsy.

⁹⁸ Ary raha misy Boky halan'i Satana ao amin'ny Baiboly, dia ny Apokalypsy. Misy anankiroa. Halany avokoa ny Soratra Masina rehetra, fa ity no fitsipika manontolon'ny Soratra Masina. Saingy, raha misy zavatra, tena ankahalaindy indrindra, dia ny Apokalypsy sy ny Genesisy Satria, ny Genesisy dia miresaka ny fiandohana. Ny Apokalypsy manambara an'izay hanjo azy amin'ny andro farany. Hofatorana mandritry ny arivo taona; avy eo izy, ilay mpaminany sandoka, ny bibidia, dia hatsipy, velona, ao anatin'ny Farihy Afo.

⁹⁹ Ary hanafika ny Bokin'ny Genesisy izy noho izy io—izy io tena marina. Hilaza izy, fa, "Tsy marina io." Ary hanaitra ny sain'ny olona izy. Jereo hoe aiza ny Devoly no mitoetra, ny Bokin'ny Genesisy na ny Bokin'ny Apokalypsy, ny voalohany sy ny farany.

¹⁰⁰ Ary ny Bokin'ny Apokalypsy no manana endrika mafina be indrindra noho ny Boky sisa rehetra ao amin'ny Baiboly. Manana endrika mafina maro izy satria Bokin'ny faminaniana anankiray izy io. Boky ara-paminaniana io. Noho izany dia ny andian'olona ara-paminaniana ihany no tsy maintsy hahazo azy. Ity Boky ity dia tsy natao ho an'ny rehetra. Zara raha misy olona mahazo an'ity, zara. Ity Boky ity dia natao ho an'ny andian'olona hafa karazana. Any amin'ny Deotornomia any, dia izao no Lazainy hoe, "Ny zava-mafina dia an'ny—ny Tompo." Marina izany. Ary Ambarany amintsika, isika Zanany, ny zava-mafina. Koa io dia tsy ho . . .

¹⁰¹ Ny fisainana ara-nofo tsy afaka hahazo an'ireo zava-dehibe ao amin'ny Soratra Masina ireo, satria fahadalana aminy izany. Fa ho an'ireo izay mpitia ny Tenin'Andriamanitra kosa, dia ho azy no nanoratana ny Boky, ho an'ny Fiangonana. Ny Fanambaran'i Jesosy Kristy, "Ho an'ny fiangonana ao Efesosy, ho an'ny fiangonana ao Smyrna, ho an'ny fiangonana, ho an'ireo fiangonana," izay foana. Ny Fanambaran'i Jesosy Kristy ho an'ny Fiangonana. Tiako izany.

¹⁰² Ary mariho, fa io ihany koa no fahatanterahan'ny Soratra Masina, ny fahatanterahana feno. Ary voapetraka ao amin'ny tena toerany marina mihitsy ilay izy, any amin'ny faran'ny Baiboly. Napetraka any amin'ny farany ilay Fanambarana ny

zavatra rehetra miaraka amin'ny fitahiana ho an'izay mamaky Azy sy mandre Azy, ary miaraka amin'ny ozona ho an'izay manampy na manaisotra. Fitsipika feno izany, oh, ny fara-teny. Tsy azo hampiana na inona na inona Io. Ary raha misy olona mitady hanaisotra zavatra avy Ao, na hanampy zavatra Ao, dia nilaza Andriamanitra fa hanaisotra ny anjarany ao amin'ny Bokin'ny Fiainana. Hitanareo? Hesoriny ny anjarany ao amin'ny Boky, raha manampy Ao izy.

¹⁰³ Noho izany, rehefa hitantsika ireo Fanambarana maro isankarazany an'ny Tompontsika, Iza Izzy, inona Izzy, raha misy olona hanampy zavatra amin'IZany na hanala zavatra avy Ao, dia faminaniana sandoka izany. Maro no niezaka nilaza fa nahazo zavatra amboniny tao aorian'ITY. Saingy Ity no Fanambarana feno an'ny Jesosy Tompo ao amin'ny taonan'ny Fiagonany sy ao amin'ny Androny, ny Fanambaran'ny Tompontsika.

¹⁰⁴ Ankehitriny—ankehitriny, *fampisehoana*, amin' ny teny Grika, dia hoe zavatra nafenina, tsy voam-... “manambara” an'i Kristy.

¹⁰⁵ Eny, ny andininy manaraka, hitantsika, eo amin'ny andininy faha 2.

¹⁰⁶ Ny andininy 1 dia maneho an'i Kristy, ny Fanambarana, na ny fanehoana. Oh! Toy ny inona re no—no nahavoafina an'ilay andro farany sy ny Fihavian'Tompo, tamin'ireo apostoly! Nametra-panontaniana izy ireo, nefo anankiray ihany no velona mba hahazo ny Fanambarana. Na izany aza, dia mbola tsy azony ilay izy, satria mbola tsy natao ilay tantara teo.

¹⁰⁷ Fa, ny tantaran'ity Boky ity, na ny—ny lahatenin'ity Boky ity, dia nivantana tamin'ireo fiagonana fito tao Asia Ambany, izay nisy tamin'izany. Nivantana tamin'ireo fiagonana fito ireo izy. Nisy fiagonana maro ankoatr'ireo fito ireo, tamin'izany andro izany. Fa ny tsirairay tamin'ireo fiagonana ireo dia naneho hevitra, naneho hevitra mikasika ny toetran'io fiagonana io, izay nanaraka azy nandritry ny taona, ny toetran'io fiagonana io. Ny Efesosy ohatra, nanana ny toetrany izy. Smyrna, Pergamosy, sy ny hafa, Filadelfia, ny tsirairay tamin'ireo fiagonana ireo dia nanana toetra tao aminy, izay hivoaka indray amin'ireo taona izay ho avy ireo. Oh! Raha mba azonareo fotsiny...

¹⁰⁸ Misy olona anankiray ve mahita ny—ny fampiharana arapanahy ny Soratra Masina ka hilaza hoe tsy avy amin'ny tsindrimandry izy ireo? Ny fihetsikareo mihitsy, ny tena antony mihitsy, ireo tanjon'ny olona mihitsy, eny, izany no manaporofa avy amin'ny tsindrimandry ny Soratra Masina, ahitana hoe ahoana no ampiharan'Andriamanitra an'ireo zavatra ireo. Izay ataoareo fotsiny ihany, *eto* dia tandindon'ny zavatra anankiray.

¹⁰⁹ Tahaka an'i Abrahama nanolotra an'i Isaka, zanany lahitokana; tandindon'ny nanomezan'Andriamanitra ny Zanany, an-jato taonany taty aoriana. Ahoana raha namidy i Josefa ka tao an-tranomaizina, nankahalain'ireo rahalahiny nefatian'ny Rainy; Jesosy, tao amin'ny tandindona. Ahoana no niasan'ny Fanahy tamin'ny alalan'i Josefa, lehilahy anankiray, fa dia tandindona tsotra izao ny amin'ny fiainan'i Kristy, tanteraka. Ahoana, i Davida, ilay Zanak'i Davida nipetraka teo amin'io tendrombohitra io ihany. Rehefa nolavina tsy ho mpanjaka i Davida ka lasa niakatra teny amin' ny havoana, ny Tendrombohitra Oliva, dia nitodika tany aoriana, nitomany, toy ny mpanjaka nolavina; taon-jato vitsy taorian'izany, ilay Zanak'i Davida niakatra an'io havoana io ihany, toy ny Mpanjaka nolavina, sady nitomany an'ny Jerosalema. Ny Fanahy tao amin'ny tandindona sy tao amin'ilay tenan'ny zavatra. Oh!

¹¹⁰ Koa hitanareo ve ilay Fiangonana pentekotista lehibe amin'izao andro farany izao? Hitanareo ve hoe ahoana no nanokanan'Andriamanitra azy io tamin'ny Andro Pentekosta? Tsy maintsy nitoetra tao amin'ny Fiangonana io Fanahy io nandritry ny taona rehetra.

Lasa mpanaraka fomba sy tsy niraika izy ireo. Nila anaram-piangonana anankiray izy ireo. Nila nampiray ny fiangonana sy ny fanjakana hiaraka, ary dia nataony tokoa izany tamin'ny farany ka niteraka ny fanenjehana an-jato taonany maro. Avy eo, dia ny Fanavaozana, nivoaka izy ireo. Fa isan-taona, dia nesorin'izy ireo ny avy amin'ny Fanahy ka nampiary ny avy amin'ny ara-nofo, nanalavitra ny Fanahy ary nanampy ny aranofo, mandraka ankehitriny dia tena mbola vonona hanao an'izany indray izy ireo. Miaina amin'ireo farany isika izao, mamarana ny ora, dia ny fahataperan'ny fiangonana. Ao amin'ny Filadelfia isika izao...na ny Taonan'ny Fiangonana Laodikia.

¹¹¹ Ankehitriny, ny toko 1, andininy 1, dia naseho tamin'i-tamin'i Jaona. Eny, iza no mpanoratra? Jaona. Jaona. Tsy fanambaran'i Jaona akory io, ary fantatsika fa tsy izany io, satria Fanambaran'i Jesosy Kristy Tompo io. Izy dia izao, voafidy ho mpianatra izy. Ary ilay Boky Tenany mihitsy no manambara an'izany zavatra izany, Jesosy Kristy, Izy no Ambarany.

¹¹² Ary izany dia nalefa tamin'ny... “Ary naniraka ny anjelinny Izy hanambara amin'i Jaona.” Tsy fantatsika hoe iza ilay anjely. Ny Baiboly dia tsy milaza hoe iza ilay anjely. Saingy fantatsika kosa fa mpaminany anankiray izany, satria milaza ny Baiboly aty aoriana, hoe, “Izaho Jesosy no naniraka ny Anjeliko hanambara aminareo an'ireo zavatra izay tsy maintsy hitranga tsy ho ela ireo.”

¹¹³ Hitantsika avy teo fa rehefa nanomboka hivavaka tamin'ilay anjely i Jaona, dia hoy ilay anjely hoe, “Tandremo aza manao izao ianao.” Apokalypsy 22, mino aho fa izay ilay izy. Ary hoy izy hoe,

“Fa mpanompo namanao ihany aho sady naman’ny mpaminany.” Mety ho Elia io. Mety ho ny anankiray amin’ireo mpaminany io. Jaona dia apostoly. Fa ity mpaminany ity kosa dia nirahina.

Ary i Jaona, izay apostoly, jereo ny toetran’ireo epistiliny hafa rehetra, izany no manaporofo fa tsy i Jaona no nanoratra an’io, satria tsy manana ny toetran’i Jaona izy io. Raiso ny Jaona Voalohany, Jaona Faharoa, sy ny sisa, dia vakio izany. Ary jereo ny toetran’izany, avy eo jereo ny toetran’ity. Jaona dia mpanoratra sady apostoly, fa ity kosa dia ny fanahin’ny mpaminany anankiray. Olona samy hafa izany, daholo. Hitanareo? Tsy zavatra nosoratan’i Jaona io. Tsy fanambaran’i Jaona io. Fa ny Fanambaran’i Jesosy Kristy avy amin’Andriamanitra ho an’ny fiangonana io. Ary izany dia... Mpanoratra fotsiny i Jaona, mpandray an-tsoratra, ary—ary izany ihany koa no lazain’ny Boky.

¹¹⁴ Ankehitriny, tsy nalefa ho an’i Jaona io. Nalefa ho an’ny Fiagonana io. Marina izany. Jaona, tamin’io fotoana io, dia pastoran’ny fiagonana tao Efesosy. Fa eto ny Boky dia nalefa tamin’i Jaona...na tamin’ny fiagonana, fa tsy tamin’i Jaona.

¹¹⁵ Ankehitriny ny andininny faha 3, milaza an’ireo fitahiana Izy. Henoy ity.

*Sambatra izay mamaky, sy ireo mihaino ny tenin’ity
faminaniana ity, ka mitandrina izay voasoratra ato
anatiny: fa antomotra ny andro.*

¹¹⁶ Andro inona no antomotra? Ny andro hahatanterahan’ireo zavatra ireo, rehefa tanteraka ao amin’ny taonan’ny fiagonana tsirairay ity Fanambaran’i Jesosy Kristy ity.

¹¹⁷ Izao no antony Nanoratany an’io tahaka izany. Raha toa izy nilaza hoe, “Eny, ankehitriny, Izy...” Mba niandry Azy koa izy ireo; raha izay no voambara taminy, raha (izy) izay no mety ho voambara tamin’i Jaona, fa hoe ho tonga Izy vantany vao tapitra ireo fiagonana ireo. Fa izay no fomba fiheveran’i Jaona an’ilay izy. Saingy raha izay, ireo fiagonana ireo, vantany vao tapitra ireo, dia lasa... Raha fantany, raha izay no voambara taminy fa hoe hisy taonan’ny fiagonana fito lavabe, aman’arivo taonany maro, na aman-jato taonany maro, dia tsy hisy antony mihitsy ny hiandrasana. Niaina fotsiny tamin’ny taonan’ny fiagonany izy ireo.

¹¹⁸ Noho izany, nilaza an’io Andriamanitra, fa tsy voambara tamin’izy ireo izany. Tsy voambara tamin’i Martin Luther izany, ireo zavatra fantatr’i John Wesley ny amin’ny Soratra Masina. Tsy voambara tamin’i Batista izany, izay fantatry ny Pentekotista ny amin’ny Soratra Masina, satria tao amina taona hafa izany. Fotoana hafa io. Fa Andriamanitra dia manambara an’ireo Zavany amin’ny fotoany mihitsy. Oh!

¹¹⁹ Tsy afaka ny hamboly katsaka amin’ny lohataona ianareo ka hijinja azy amin’io fotoana io ihany. Mamboly voa ianareo ary

mitombo mankany amin'ny fahamasahany izany. Namboly ny Teniny Andriamanitra ary mitombo Izany avy eo. Avy eo isika dia mitodika any aoriana ka manao hoe, "Izany tokoa ilay izy." Eny, izany tokoa, mahita Azy isika rehefa voambara Izy.

¹²⁰ Ankehitriny, "Sambatra," ilay Teny, filazana miharihary ny fitahiana, eo amin'ny andininy faha 3, "izay mamaky na mihaino an'ireo zava-miafiny ireo."

Mampanalavitra ny fisainana ara-nofo izany, satria tsy mahafantatra na inona na inona mikasika an'izany ny fisainana ara-nofo. Tsy mahagaga raha tsy mahafantatra an'izany ny fisainana ara-nofo, satria Satana no ao amin'izany fisainana ara-nofo izany. Ary miharihary Satana, nefo Satana tsy te-hampiharihary ny tenany.

¹²¹ Mba tsikaritraiseo ve hoe mampihoron-koditra toy ny inona izany ho an'i Satana rehefa nihevitra izy fa hiharihary? Jereo ao anatin'ny iray amin'ireo favoriana. Jereo ny fihetsiky ny olona. Jereo tsara, mandritry ny favoriana. Alohan'ny hampiharihary an'i Satana mihitsy, eo amin'ny olona anankiray, hitanareo miova ny tarehiny. Hitanareo, tsy fantany izay ho saininy. Tampoka eo, midina ny Fanahy Masina ka mampiharihary an'io devoly io. Oh! Hàlany ny karazana favoriana toy izany. Izay no antony hananantsika ady toy izao, satria mampiharihary ny Devoly ny Tenin'Andriamanitra. Hitanareo? Milaza ny aminy Izy.

¹²² Miteny ianareo ohatra hoe, "Itsy vehivavy mipetraka etsy itsy," eo ambanin'ny hosotry ny Fanahy Masina, hoe, "Ramatoakely Jones no anarany. Avy any amin'izao sy izao izy." Inona no ataon'izany? Mandrombaka ny fanahiny izany, ka mitondra azy amin'ny toerana iray.

¹²³ "Ahoana no ahafantaranao ahy? Tsy mahafantatra ahy io lehilahy io, koa dia tsy maintsy ho fanahy izany. Karazana fanahy inona ary io?"

¹²⁴ "Ny Fanahin'Andriamanitra izany."

¹²⁵ "Ahoana? Inona ny olana eo amiko?"

¹²⁶ "Voan'ny raboka ianao, homamiadana," na inona izany na inona, "nefa HOY NY TOMPO HOE . . ."

¹²⁷ "Oh!" Oh, toy inona no fankahalan'i Satana an'izany, satria mampiharihary azy Io.

¹²⁸ Eny, mijery an'io ny fisainana ara-nofo, ka miteny hoe, "Famakiana eritreritra, fanakarana fisainana." Tsy fantany. Fa fahadalana ho azy ireo izany.

¹²⁹ Fa ho an'ireo izay mahafantatra kosa hoe inona Izany, oh, fitahiana toy inona re izany! Inona io? Fanambarana anankiray. Fanambarana an'iza? An'ilay olona eo amin'ny polipitra ve? An'i Jesosy Kristy amin'izao taonan'ny fiangonana farany izao,

manambara ny Tenany araka izay efa Nampanantenainy fa Hataony. Hitanareo?

¹³⁰ Fanambarana izany, hitanareo, ary halan'i Satana izany. Oadray, toy ny inona re no hankahalany an'io! Miharihary izy, miharihary ny tetiny. Hàlan'i Satana ny Apokalypsy sy ny Genesisy, voasoratro eto izany. Tena marina izany.

Eny, nahoana no halany ny fanambarana? Nahoana izy no manohitra mafy ny fanambarana? Satria izany no fitsipika manontolon'ny Tenin'Andriamanitra ary miorina tanteraka eo ambonin'ny fanambarana ny Fianganon'Andriamanitra.

¹³¹ Tsy ho amin'ny alalan'ny—ny sekoly mihitsy, na toy inona hatsaran'ny seminera ananantsika. Miverina any amin'ny taonan'ny fahamaizinana indray izy ireo. Ny Baiboly sy ny Fianganana dia fanambarana tanteraka.

¹³² Ndeha isika hivadika. Nisy Soratra Masina vitsivitsy voasoratro ireto, Matio, ny—ny toko faha 16 ary ny andininy faha 18. Ndeha isika hijery kely ny amin'ny Matio 16:18, hijery hoe aiza ho aiza ny Soratra Masina, aiza ny fanambarana. Nidina avy eny an-tendrombohitra izy ireo, ny andininy faha 17.

Dia namaly Jesosy ka nanao taminy hoe: Sambatra ianao, ry Simona Bar-jona: fa tsy nofo aman-drà no naneho anao izany, fa ny Raiko izay any an-danitra.

Ary Izaho milaza...aminao,...ianao no Petera, ary ambonin'ity vatolampy ity no Haoriko ny fianganako; ary ny vavahadin'ny fianan-tsi-hita tsy haharesy azy.

¹³³ Ankehitriny, ny fianganana Katolika dia milaza hoe, “Naoriny eo ambonin'i Petera io.” Eny, izany, izany no tena fisainana ara-nofo. Tsy azonareo neverina hoe fissainana arapanahy anankiray no manana fahazoan-javatra toy izany; ny hoe Andriamanitra, miaraka amin'ny Tena Zanany nitsangana teo, nefo dia hanorina ny Fianganany eo ambonin'ny lehilahy valavalava anankiray, efa fahita, olona nateraka tao amin'ny ota. Noporofoin'i lehilahy io izany. Izy io, niaraka tamin'io fanahy teo aminy io, dia tsy nanaiky an'i Jesosy sady nandà Azy teo Anatrehany izy. Tsy Petera izany io.

Na, sady tsy hoe—hoe vatolampy anankiray izay nipetraka teo koa io, araka ny filazan'ny fianganana sasany. Tsy vatolampy izany. Satria, Petera . . .

¹³⁴ Ny vatolampy izay Resahiny eto, dia tsy Petera, sady tsy ny Tenany ihany koa.

¹³⁵ Ankehitriny, maro amin'ireo olona Protestanta no miezaka milaza hoe, “Jesosy izany. Izy no Nanorina ny Fianganana teo amboniny. Izy!” Tsia, mbola diso ihany izany. Raha tsikaritrareo, dia tsy i Jesosy izany, sady tsy Petera ihany koa. Fa ny fanambarana izany.

...tsy nofo aman-drà no naneho anao izany, fa ny Raiko izay any an-danitra no nanao izany fanambarana izany.

¹³⁶ Jereo. Te-hantony anareo aho. Tao amin'ny sahan'i Edena, tsy nisy Soratra Masina voasoratra tao. Fa indro nisy tovolahy anankiroa, Kaina sy Abela, ary izy roa samy te-hanao fanatitra sy hahita fitia tamin'Andrianamanitra. Rehefa nataony izany, dia tonga i Kaina ka nanorina alitara anankiray; Abela nanorina alitara anankiray. Eny, raha izay ihany no takian'Andrianamanitra, dia tsy ho marina Andriamanitra raha nanameloka an'i Kaina. Izany tokoa. Avy eo dia nanao fanatitra i Kaina; dia nanao koa i Abela. Samy nanao fanatitra izy roa. Nanompo i Kaina, ary nanao koa i Abela. Nataon'i Kaina avokoa izay rehetra nataon'i Abela.

¹³⁷ Koa raha ny fandehanana any am-piangonana, ny fikambanana amin'ny fiangonana, ny fanaovana fanatitra, sy fivavahana, ary ny fanompoana an'Andriamanitra, ihany no takian'Andriamanitra, dia tsy ho marina Andriamanitra raha nanameloka an'i Kaina tamin'ny nanaovany tanteraka izay Nasainy hatao.

¹³⁸ Saingy, hitanareo, Abela, tamin'ny alalan'ny fanambarana, dia nahalala fa tsy voankazo akory no nandroaka azy ireto niala ny sahan'i Edena, tahaka ny fiheveran'ny fisainana aranofo ankehitriny. Tonga i Abela ka nanolotra ny vokatry ny tany, dia nolavin'Andriamanitra izany, fa voambara fa... Ny tiako lazaina, dia ny nataon'i Kaina, mamelà ahy. Nanolotra ny vokatry ny tany i Kaina satria noheveriny fa izay no nandroaka azy ireo niala ny sahan'i Edena. Jereo io fanambarana io. Jereo ny tsy fifanarahana eo aminy. Jereo ny fanimban'izany ankehitriny. Fa tsy voankazo no nandroaka azy ireo. Tsy nihinana paoma mihitsy i Eva. Izany tokoa. Ahoana no nahatsapany hoe nitanjaka izy, raha nihinana paoma? Miresaka ny firaisansa aranofo izany. Tsy maintsy izay!

¹³⁹ Ankehitriny, raisintsika toy ny fianarana io, ary isika dia, hiverina eo. Tsy nanana Soratra Masina izy ireo.

¹⁴⁰ Ny sasany amin'izy ireo dia milaza hoe, "Fa, nilaza izy hoe, 'nahazo zazalahy tamin'ny Tompo aho.'" Eny, tompoko. Izany koa no nataon'ilay vehivavy janga. Andriamanitra no tsy maintsy manao ny fiainana rehetra.

¹⁴¹ Saingy fiainana voavadika io. Jereo anie ny toetran'io zazalahy io. Avy amin'ny dadabeny izy, dia ny Devoly; mpankahala, ratsy fanahy, mpamono olona. Hitanareo?

¹⁴² Ary avy eo ahoana, Abela, raha nilaza taminy angamba ireo ray aman-dreniny fa—fa ny hazo dia nisy voa teo aminy, sy ny sisa. Saingy, voambara tamin'i Abela kosa ilay izy. Lasa i Abela ka naka zanak'ondry, ahazoana ny rà, nanala ny ainy. Tsy hazo fihinam-boa akory, izay mitondra paoma sy akondro sy poara.

“Fa i Abela, tamin’ny fanambarana ara-panahy,” Hebreo 11, “no nanolotra fanatitra tsara indrindra ho an’Andriamanitra. Andriamanitra no nanamarina an’izany, satria voambara taminy tamin’alalan’ny finoana izany.”

¹⁴³ Eo no toerana anorenan’Andriamanitra ny Fianganany. “Fa tsy ny nofo aman-drà no naneho anao Izany.” Tsy mba nianarana tany amin’ny seminera mihitsy Izany. Tsy nisy olona nampianatra anao an’Izany mihitsy tany ho any. “Fa ny Raiko izay any An-danitra no naneho anao Izany.” Koa, ny zavatra manontolo dia eo ambonin’ny fanambarana avokoa, ny Fianganana manontolo, “Eo ambonin’io vatolampin’ny Fanambaran’i Jesosy Kristy io, no Hanorenako ny Fianganako.”

¹⁴⁴ Azonareo raisina izay lazain’ny pastora. Azonareo raisina izay hampianarin’ny seminera. Azonareo raisina izay lazain’ny fianganana. Kanefa mbola tsy marina ihany izany, eo. Azonareo atao ny hanazava izany amin’ny fahaiza-miteny. Saingy mandra-panambaran’Andriamanitra aminareo fa Jesosy Kristy no Zanany, ary ianareo dia voavonjy tamin’ny alalan’ny Ràny; eo ambonin’izany fanambarana izany, dia ny hoe, “Izy no Mpamonjiko.”

¹⁴⁵ “Eo ambonin’ity vatolampy ity no Haoriko ny Fianganako, ary ny vavahadin’ny fainan-tsi-hita tsy haharesy azy.”

¹⁴⁶ Koa dia hitanareo ny antony tena anoheran’i Satana ny Bokin’ny Apokalypsy. Izay rehetra voambara, fanambarana arapanahy, dia toherin’i Satana izany. Izay no antony anoherany ny asa fanompoana ankehitriny. Satria, inona izany? Ny fanambarana an’i Kristy.

¹⁴⁷ Avelao ny fianganana hanohy miaraka amin’ireo anaram-piangonany lehibe sy ireo rafi-piangonany, sy ireo hafany feno voninkazo sy ny sisa. Avelao izy hanohy, fa tsy hanelingelina an’izany i Satana. Tsy manana olana izy ireo. Ny olona rehetra mikapokapoka ny lamosiny avokoa.

¹⁴⁸ Fa rehefa tonga ny fotoana izay, amin’ny alalan’ny Fanahy Masina, hanambaran’Andriamanitra indray an’i Kristy ao amin’ny Fianganana, miaraka amin’ny hery sy fampisehoan’ny fanasitranana ny marary, ka hanehoana ny famantaranana izay efa Nolazainy fa hanaraka ny mino, hitranga, dia mitodika eo amin’ny fandriany indray i Satana. Hanao zavatra mikasika an’io izy. Mandra-pahatongan’io fotoana io, dia tsy raharahainy i Satana izay isan’ny fianganana hikambananareo. Tsy raharahainy hoe firy. Fa rehefa ambaran’i Kristy aminareo fa Izy no Zanak’Andriamanitra, ka ny asa izay Nataony no ataonareo koa; tsy asa hafatsy akory, fa asa mitovy ihany.

¹⁴⁹ “Izay mino ahy...” Masindahy Jaona 14:7. “Izay mino ahy, ny asa Ataoko no hataony koa. Hanao asa mitovy, ary lehibe noho izany aza.” Satria, tsy afaka nitory ny amin’ny batisan’ny Fanahy Masina i Kristy teo, ilay lehibe kokoa. Tsy afaka nitondra

izany teo amin'izy ireo Izy, satria tsy mbola nomena ny Fanahy Masina teo. Saingy rehefa tonga i Jesosy ka nanolotra ny Ainy, ka niverina ny Fanahy Masina, tamin'izay vao afaka nanolotra ny Fiainana Mandrakizay ho an'ny olona izy ireo. Izay ilay "lehibe kokoa."

¹⁵⁰ Fa ireo famantarana sy fahagagana, nilaza tsotra Jesosy, ao amin'ny Marka 16, "Mandehana any amin'izao tontolo izao, ka mitoria ny filazantsara amin'ny olombelona rehetra." Hatraiza? Manerana an'izao tontolo izao. Firy? Amin'ny olombelona rehetra. Na oviana na oviana no hitoriana ny Filazantsara, dia ireo famantarana ireo no hanaraka izay mino. Fa rehefa tonga fanambarana izany, ry rahalahy, dia akaikin'ny Fanjakan'Andriamanitra ianareo izay. "Eo ambonin'ity vatolampy ity no Haoriko ny Fiagonako, ary ny vavahadin'ny fiainan-tsi-hita tsy haharesy azy."

¹⁵¹ Satria, raha sendra misy lehilahy na vehivavy anankiray irery any amin'ny faran'ny tany efitra any, tahaka an'i Mosesy, ka tonga voaseho taminy amin'ny alalan'ny Fanahy Masina ny fanambaran'Andriamanitra, dia tsy hisy na inona na inona afaka hanozongozona azy. Mijoro tsara fotsiny sy miorina mafy arak'izay azony atao izy.

¹⁵² Mankahala ny fanambarana i Satana. Tsy tiany izany, izy rehetra; fa mampikorontana ny tetiny.

¹⁵³ Ny toetran'ilay Boky dia maneho fa tsy i Jaona no nanoratra azy. Marina izany. Satria izy ireo dia—izy ireo dia misy hafa... Izy ireo no impanoratra azy, fa tsy tsindrimandrin. Ny tsindrimandrin'Andriamanitra no manoratra ny Boky. Marina izany.

¹⁵⁴ Ndeha ho jerena izay lazainy izao.

*Sambatra izay mamaky, sy ireo izay mihaino... an'ity
faminaniana ity, ka mitandrina izay zavatra voasoratra
ato anatiny: fa antomotra ny andro.*

¹⁵⁵ Ankehitriny, "Antomotra ny andro." Inona? Rehefa natao fantatry ny Fiagonany ny Fanambaran'i Jesosy Kristy. Ka arakaraky ny handrosoan'ireo taona, no maha-voambara izany amin'izy ireo.

¹⁵⁶ Tonga eo amin'ny andro farany mihitsy isika izao, ary tena eo amin'ny faran'izao tontolo izao mihitsy isika ankehitriny. Eo amin'ny famaranana ny tantaran'izao tontolo izao isika. Ary alohan'ny hiafarany'ity herinandro ity, raha momba antsika Andriamanitra, ka hanampy antsika, dia ho poroointsika fa eo amin'ny famaranana ny taonan'ny fiagonana isika. Eo amin'ny taonan'ny Filadel-...na ny Taonan'ny Fiagonana Laodikia isika, ny famaranana ny taona rehetra. Eo amin'ny famaranana ny tontolo politika isika. Eo amin'ny famaranana ny—ny tontolo natoraly isika. Eo amin'ny famaranana ny zavatra rehetra isika.

Eo amin'ny faran'ny zavatra ara-natoraly rehetra isika, efa vonona ny hiditra.

¹⁵⁷ Indray andro, mino aho fa nandeha tany Shreveport aho, na tonga tany an'anona tany. Nijery aho. Hoy aho hoe, "Eo an-dàlam-pahafatesana ny hazo. Eo an-dàlam-pahafatesana ny ahitra. Eo an-dàlam-pahafatesana ny voninkazo. Eo an-dàlam-pahafatesana aho. Eo an-dàlam-pahafatesana izao tontolo izao. Eo an-dàlam-pahafatesana ny zavatra rehetra. Ny zavatra rehetra eto amin'ity izao tontolo izao ity dia eo an-dàlam-pahafatesana avokoa." Mipetraka eto isika izao maraina izao, eo an-dàlam-pahafatesana.

¹⁵⁸ Azo antoka fa misy tontolo anankiray any ho any, izay tsy hahafaty ny zavatra rehetra. Raha misy anankiray izay mahafaty ny zavatra rehetra, dia tsy maintsy misy anankiray hahavelona ny zavatra rehetra. Izany no mahatonga antsika misento, mba ho tonga eo amin'io toerana io izay misy ireo—ireo hazo tsy mety maty izay mitsangana. Mandehana any amin'izay misy ny zavatra rehetra tsy mety maty ka hitsangana ao amin'ny—ao amin'ny voninahitr'Andriamanitra.

¹⁵⁹ Eny, eny, tamin' ireo andininy telo voalohany dia nahazo isika ankehitriny, nametraka sary. Ny 1, "Ny Fanambaran'i Jesosy Kristy." Ny faha 2, "Nomena an'i Jaona ilay izy tamin'ny alalan'ny anjely anankiray." Ary ny faha 3, dia, "Sambatra, ny fahasambarana ho an'izay mamaky, ary," raha tsy mahay mamaky ianareo, dia "sambatra izay mihaino." Tsy mahay mamaky ve ianareo? Henoy fotsiny ary Izy. Izay ihany. "Sambatra izay mamaky, ary," raha tsy mahay mamaky ianareo, dia "sambatra izay mihaino, fa antomotra ny andro."

¹⁶⁰ Ankehitriny eritrereto hoe karazana fitsipika inona, izy io, Jaona, ilay mpanoratra eto, nanoratra azy io, izy. *Ity i Jaona eto, nilaza fotsiny hoe "fahasambarana" sy ny sisa.* Ankehitriny, izay niheverako azy, ao amin'ny Testamenta Taloha, dia hoe nitsangana ny mpisorona indray maraina ary namaky Soratra Masina. Nihaino ny mpivory. Maro no tsy nahay namaky. Koa dia hoy izy hoe, "Sambatra izay mamaky, sy izay mihaino." Hitanareo? Ny mpamaky sy ny mpihaino; ny iray izay mamaky, sy mihaino, dia sambatra. Koa raha mipetraka fotsiny ianareo ka mihaino an'ity, dia sambatra ianareo. "Sambatra izay mamaky, sy izay mihaino, fa antomotra ny andro."

¹⁶¹ Ankehitriny, ny faha 4 hatramin'ny faha 6 dia ny fiarahabana ny Fianganana. Tiantsika izao ny haka an'io faha 4 sy faha 6 io.

¹⁶² Eny, alohan'ny hikasihantsika an'io, dia tiako ny tsirairay hiezaka ny hisaina lalina ankehitriny. Inona àry Izy ity izao? Ity no fanambaran'i Jesosy Kristy, izay teo no nanesoran'Andriamanitra ny sarona teo amin'ny fotoana. *Ity ilay fotoana, izay tsy hitan'i Jesosy fony Izy tety antany, ireo taonan'ny fianganana izany, sy izay hiseho.* Koa,

nalan'Andriamanitra ny sarona, nendahiny io, ka namela an'i Jaona hijery sy hahita izay ho atao'nny taona tsirairay, ary nanoratra an'izany tao anaty boky anankiray ka nandefa azy ho amin'ireo fiangonana fito.

¹⁶³ Inona izany? Kristy voambara amin'ireo andron'Ny—Ny asany. Feno asa izy io, izany ilay Boky. Ary izy io dia—dia Boky ara-paminaniana izay nomen'i Kristy, nomen'Andriamanitra antsika tamin'ny alalan'ny Anjeliny, nosoratan'i Jaona. Ary fahasambarana ho an'izay rehetra mamaky Azy na mihaino Azy voavaky, fa—fa antomotra ny andro rehefa tanteraka avokoa izany.

¹⁶⁴ Manana fototra tsara isika izao. Ary tsarovy, fa mitazona an-tsaina ilay Fiangonana isika. Etsy andaniny, nanomboka ny Fiangonana; etsy ankilany, mifarana ny fiangonana. Hiditra betsaka amin'io, amin'ny Alatsinainy hariva, rehefa hikasika ny taonan'ny fiangonana isika.

Jaona mamangy ny fiangonana fito any Asia: ho aminareo anie ny Fahasoavana, sy ny fiadanana, avy amin'ilay ankehitriny, . . . ilay taloha ary ny ilay ho avy; ary avy amin'ny Fanahy fito izay eo anoloan'ny seza fiandrianany.

¹⁶⁵ Hiditra ao amin'ireo zava-miafina isika ankehitriny sy ireo ampahany lalin'ireo endrika. Nalefa ho an'ireo fiangonana fito tao Asia Ambany izany. Izy ireo dia—izy ireo dia . . . Ireo—ireo taona, tamin'izany fotoana izany, dia hitranga amin'ny ho avy. Ary nampahery azy ireo izy ka—ka nidera azy noho ny asany sy izay nataony. Saingy, eny, nalefa ho an'ireo fiangonana izany, ireo fiangonana fito izay tao Asia Ambany.

¹⁶⁶ Ankehitriny, ny Asia Ambany dia tsy ny Asia rehetra akory, ny kontinantran'ny Asia. Fa ampahany kely fotsiny io. Lazain'izy ireo fa, toerana mitovitovy habe amin'ny fanjakan'ny Pennsylvania izany, hitanareo, na zavatra toy izany, na Indiana; toerana kely fotsiny no nisy an'ireo fiangonana fito. Nisy maro noho ireo ny fiangonana tamin'io fotoana io. Fa, saingy, ity no naneho an'ireo toetrary. Ankehitriny ho vakiako eto izay azoko avy tamin'ny famakiana ny tao amin'ny tantaran'izany.

¹⁶⁷ “Ary izy dia . . . Voahozona izay mandre nefä, na, nefä tsy mihaino Izany.”

¹⁶⁸ Fa—fa ankehitriny, tonga eo amin'ny fotoan'ity andinin faha 4 ity izany izay tantsika hanazavana zavatra eto. “Avy amin’Ilay taloha, sy ilay ankehitriny, ary ilay ho avy, sy ilay manana ny Fanahy fito; avy amin'ny Fanahy fito izay eo anoloan'ny Seza fiandrianany.” Ankehitriny, “Ireo Fanahy,” ho eo amin'ireo isika rehefa avy eo.

¹⁶⁹ Ankehitriny, mampiseho izy eto, raha mahatsikaritra ianareo ao—ao amin'io. Ary eo amin'ny andinin faha 7 koa, na ny andinin faha 8, miverina indray Izy ka milaza, mampiseho

indray. Ankehitriny jereo. Ny fiangonana fito no iresahana. "Avy amin'Ilay ankehitriny, ilay taloha, ary ilay ho avy. Ilay taloha, indray mandeha; no ankehitriny; ary ilay ho avy." Ankehitriny, mampiseho ny Fisehotelony Izy eto, ny Fisehotelon'ny fanehoana ny Asany.

¹⁷⁰ Ankehitriny raha haka ny andininy faha 8 ianareo. Ho tonga eo isika, afaka iray minitra. Haka ny andininy faha 8 isika.

Izaho no Alfa sy Omega, ny fiandohana sy ny fiafarana, hoy ny Tompo, ilay ankehitriny, . . . ilay taloha, ary ilay ho avy, dia ny Tsitoha.

¹⁷¹ Ankehitriny tazonintsika eo amin'ny masontsika ny andininy faha 4 sy faha 6, mitovy izy roa ireo. Ny anankiray, hoy Izy, "Ho an'Ilay taloha, ilay ankehitriny, ilay ho avy." Inona no Ezahany apetraka eo anoloan'ny Fiangonana? Ny maha-Andriamanitra Azy. Ankehitriny, miezaka ny hanao Azy ho-ho mpaminany ny olona. Mihoatra noho ny mpaminany Izy. Ary ny olona sasany miezaka ny hanao Azy ho Andriamanitra telo. Tsy Andriamanitra telo Izy. Andriamanitra tokana Izy izay nipetraka tao amin'ny andraikitra telo, fampisehoana telo ny amin'ilay Andriamanitra iray ihany.

¹⁷² Ankehitriny, tsarovy, izao ilay Fanambarana, "Ary na iza na iza mandre izany ka tsy mitandrina an'izay voalazan'ity Boky ity, dia hesorina amin'ny Bokin'ny Fiaainana ny anjarany." Tsy manambara ny Tenany ho Andriamanitra telo Jesosy, fa Andriamanitra tokana sy andraikitra telo. Oh! Ho zavatra tena manan-karena izany aty aoriane kely, rehefa hiditra ao amin'ireo taonan'ny fiangonana ireo isika ka hahita ny toerana nanarian'izy ireo an'izany. Niteraka fisarahana lehibe tao amin'ny Fivoriamben'i Nicée izany. Izy roa ireo dia lasa tany anaty fiafarana lalina.

¹⁷³ Zavatra mitovy amin' izany indray koa no nataon'izy ireo amin'izao andro farany izao, tahaka ny hoe Fivoriamben'ny Nicée indray fotsiny, satria hisy anankiray hafa indray. Tena azo antoka tahaka ahy mitsangana eto izao, fa ny fiangonana Katolika sy ny Protestanta dia hanakambana zavatra miaraka, na hifanaraka amin'ny anankiray hafa. Jereo ny arsevekan'ny Canterbury izay ao amin'izao fotoana izao. Izy rehetra ireo manao antontany iray miaraka. Fa tsy misy fampianarana ny amin'ny Andriamanitra telo ao amin'ny Baiboly. Andriamanitra tokana no misy.

¹⁷⁴ Fa voambara eto amin'ny Bokin'ny Apokalypsy eto izany, izay no azon'ny fitsipiky ny Soratra Masina iray manontolo porofoina, ary mamestraka ny Tombokaseny eo ambonin'izany Kristy. Izany Ity. Raha misy manala na manampy ao, dia mitovy samy hesorina amin'ny Bokin'ny Fiaainana, izay azy. Koa ndao isika hanatona azy ity amin'ny tsi-fitiavan-tena, hanatona amin'ny fo misokatra sy fisainana misokatra.

¹⁷⁵ Eny, tamin'ny Fivoriamben'i Nicée, dia tonga teo amin'ny fanapahan-kevitra lehibe anankiroa izy ireo. Eo amin'ny... Oh, maro tamin'izy ireo tamin'io andron'ny rain'ny fiangonana voalohany io, nanana fomba fijery anankiroa nifanohitra izy ireo. Ny anankiray tamin'izy ireo mino Andriamanitra telo, trinitera. Ary ny anankiray hafa dia ny—ny Andriamanitra tokana. Ary samy tonga teo amin'ny fisiana izy roa ireo ka nivoaka teo amin'ny taho mahitsy anankiroa, nivoaka toy *izao*. Ny trinite dia lasa toerana anankiray ho an'andriamanitra olona telo. Izay nino ny tokana dia lasa onitera, nefà samy diso avokoa izy roa ireo. Koa dia samy lasa taho izy roa, saingy ato amin'*Ity* no manambara ny Fahamarinana.

¹⁷⁶ Tsy afaka ny ho Rain'ny Tenany ihany Jesosy. Ary tsy, raha nanana ray ivelan'ny Fanahy Masina Izy, dia zaza sary Izy amin'izay fotoana izay. Ary tsy... Ny Fanahy Masina no torontoronina Azy, ary nilaza Izy fa Andriamanitra no Rainy. Noho izany ny Fanahy Masina sy Andriamanitra... Izay ny Matio 1:18. Raha... Ny Fanahy Masina sy Andriamanitra dia tsy maintsy Olona iray ihany, fa raha tsy izany dia nanana dada roa Izy. Ary nantsoina hoe *Imanoela* Izy, izany hoe, "amintsika Andriamanitra." Nanambara Izy, fony Izy tety an-tany, fa Izy sy ny Ray dia Iray ihany.

¹⁷⁷ Nosoratako eto avokoa ny Soratra Masina rehetra mba ahafahanareo hahita, raha manana an'io—io fanontaniana io isika, na zavatra anankiray.

¹⁷⁸ Ankehitriny, rehefa voaseho Izy eto, tao amin'ny maha-andraikiry ny fisehotelon'ny maha-Izy azy, "Izy ilay taloha, Izy ilay ankehitriny, Izy ilay ho avy, ny Tsitoha." Ankehitriny, dia tsy misy Andriamanitra telo eo. Andriamanitra tokana no misy.

¹⁷⁹ Ary tamin'ny Fivoriamben'i Nicée, mba hanaovana an'io, araka ny fanaovana azy, dia tsy maintsy naka trinite anankiray izy ireo, satria tao amin'ny tontolo Romana dia nanana andriamanitra maro izy ireo. Nivavaka tamin'ireo razam-beny efa maty izy ireo. Eto amiko eto mihitsy ny tantara izay azontsika hamakiana an'izany. Hitanareo? Nivavaka tamin'ireo razam-beny efa maty izy ireto. Izay no antony nananany andry Masimbavy Cecilia, sy Masindahy Marcus, sy masindahy, masindahy, masindahy, masindahy, masindahy.

¹⁸⁰ Rehefa, nilaza ny Apostoly Petera hoe, "Tsy misy mpanalalana hafa eo amin'Andriamanitra sy ny olona, afatsy Jesosy Kristy izay Olona." Iray.

¹⁸¹ Nila nanana andriamanitra trinitera anankiray izy ireo. Noho izany, izy ireo—izy ireo dia nanana an-dry Jopitera, Marsa, Venosy. "Nefa tsy mety raha ny hametraka an'izany rehetra izany eo amin'Andriamanitra tokana," ka dia nosarahiny fotsiny izany, ka nanao ilay andraikiry ny fisehotelon'Andriamanitra ho Andriamanitra telo samy hafa izy ireo.

¹⁸² Saingy milaza mazava Izy eto, ao amin'ny Apokalypsy hoe, Iza Izy. "Izaho Ilay taloha, Ilay ankehitriny, ary Ilay ho avy, ny Tsitoha." Ho azontsika Izany rehefa afaka kelikely eto, hoy Izy hoe, "Izaho no Alfa sy Omega," A hatramin'ny Z, ilay manontolo, raha ny alfabeta Grika. "Ilay Lisin'ny Lohasaha, ilay Raozin'ny Sarona; Ray, Zanaka, Fanahy Masina; Ilay taloha, ankehitriny, ary ho avy; ilay Solofo sy Taranak'i Davida." Andriamanitra Izy. Andriamanitra Izy. "Miaraka- . . ." Timoty Voalohany 3:16, "Ary iaraha-manaiky mihitsy, fa lehibe ny zava-miafina ny amin'ny toe-panahy araka an'Andriamanitra: fa Andriamanitra naseho teo amin'ny nofo, hitan'ny Anjely, ninoana teny amin'izao tontolo izao, nakarina tamin'ny Voninahitra." Andriamanitra! Tsy olona telo na mpaminany, fa Andriamanitra Tenany mihitsy, tonga voaseho tamin'ny endrika olombelona. Ankehitriny, izay no fanambarana, tsarovy.

¹⁸³ Ankehitriny, Andriamanitra, tamin'ny voalohany, dia ilay Jehovah lehibe izay nitoetra tao amin'ny Andry Afo anankiray, nihantona teo ambonin'ny Isiraely, ary nitarika azy ireo. Andriamanitra izany, ilay Anjelin'ny Fanekena. Nidina teo antendrombohitra; tratry ny Afo ny tendrombohitra manontolo. Nivoaka avy teo amin'ny tendrombohitra ny Afo, ka nanoratra ny Didy folo. Izy dia nantsoina hoe "Andriamanitra Rain'ny mandrakizay," teo amin'ireo Zanany, dia ilay tarana-bahoaka Voafidiny, dia ny Jiosy.

¹⁸⁴ Avy eo io Andriamanitra io ihany no tonga voaseho tao amin'ny vatana anankiray nateraky ny virijiny izay Noforoniny tao an-kibon'i Maria, ary nitoetra sy nonina ka namelatra ny Lainy, arak'izany, teo anivon'ny olombelona. Ary io Andriamanitra io ihany no tonga nofo ka nonina tamintsika. Milaza an'izany koa ny Baiboly. "Andriamanitra dia tao amin'i Kristy." Ilay vatana dia Jesosy. Jesosy, "Tao Aminy no nitoeran'ny fahafenoan'ny fomban'Andriamanitra rehetra." Tsy azonareo atao olona telo Izy, ankehitriny. Aza manao batisa ho amin'ny Andriamanitra telo. Andriamanitra tokana no misy. Hitanareo? Andriamanitra tokana. Eny, io Andriamanitra io ihany no tonga nofo.

Hoy Izy, "Avy tamin'Andriamanitra Aho, ary hankany amin'Andriamanitra Aho."

¹⁸⁵ Taorian'ny Nialany teto an-tany, tamin'ny alalan'ny Fahafatesany, fandevenana, sy fitsanganana, ary ny fiakarany, dia nifanena Taminy i Paoly teny amin'ny lâlan'ny Damaskosy, tamin'izy mbola nantsoina hoe "Saoly." Dia tonga ny Feo anankiray, ka nanao hoe, "Ry Saoly, ry Saoly, nahoana ianao no manenjika Ahy?"

¹⁸⁶ Hoy izy hoe, "Iza moa Ianao?"

¹⁸⁷ Hoy Izy hoe, "Izaho no Jesosy."

¹⁸⁸ Ary Izy ilay Andry Afo teo, ilay Hazavana nanajamba ny mason'ilay apostoly. Niverina tamin'io indray Izy. Ilay Jesosy io ihany no niverina tamin'Andriamanitra, ilay Ray, indray. Izay no antony Nilazany eto hoe, "Izaho no Tsitoha," ilay endrika izay naха-Izy Azy talohan'ny nahatonga Azy ho nofo ihany; sy ilay Vatany izay Nitoverany, nantsoina hoe Jesosy, ilay Lehilahy izay fantatsika, Jesosy.

¹⁸⁹ Ankehitriny, tahaka ny maro aminareo olona onitera malala izay manao batisa amin'ny, "anaran'i Jesosy," diso hianareo. Misy Jesosy aman-jatony eto amin'izao tontolo izao amin'izao fotoana izao, fa iray ihany kosa no Jesosy Kristy Tompo. Nateraka ho Kristy Izy. Marobe ny Jesosy. Efa nifanenana tamin'ny maro tamin'izy ireny aho. Fa Jesosy Kristy Tompo iray ihany kosa no misy, Izy no Andriamanitra.

¹⁹⁰ Ary ny Ray, Zanaka, sy Fanahy Masina dia tsy *anarana*. Fa titra ireo izay ho lasa Anarana tokana. Manao batisa izy ireo, "Amin'ny anaran'ny 'Ray, Zanaka, Fanahy Masina.'" Ny *Ray* dia tsy anarana, ary ny *Zanaka* dia tsy anarana, ary ny *Fanahy Masina* dia tsy anarana. Fa titra izany, tahaka ny hoe "olombelona." Izany izy io, ny *Fanahy Masina*. Olona anankiray...Na, fanahy anankiray, *Fanahy Masina*. Dia hoy izy ireo hoe, "Amin'ny anaran'ny 'Ray.'" Jereo ireo ray, ary ireo zafikelinareo. Jereo ireto olona eto ireto. Hitanareo? "Ray, Zanaka, sy Fanahy Masina" dia tsy anarana. Fa titra izay lasa ny Anaran'ny "Jesosy Kristy Tompo."

¹⁹¹ Izay no fomba nanaovan'ny Fiagonana apostolika batisa, tamin'ny voalohany. Ary hanontany ny rehetra aho mba hamoaka lahateny anankiray ao amin'ny Soratra Masina, na indray mandeha ao amin'ny tantara, ka nisy olona mba natao batisa tao amin'ny Fiagonana Kristiana ka tamin'ny fomba hafa afa-tsy tamin'ny Anaran'i "Jesosy Kristy" talohan'ny niorenan'ny fiagonana Katolika. Fa nolian'izy ireo ny "Ray, Zanaka, sy Fanahy Masina" no ho foto-pampianarana. Ankehitriny dia ento ny tantaranareo, ry mpahay tantara sasany. Eny. Tsy misy zavatra tahaka an'izany. Tao aorian'ny taona 304 tj, 304, no nivoahan'ny batisa trinitera ho an'ny Andriamanitra telo, "Andriamanitra ilay Ray, Andriamanitra ilay Zanaka, Andriamanitra ilay Fanahy Masina." Fanompoan-tsampy izany.

¹⁹² Alohan'ny hiafaran'ity herinandro ity, dia ho vakiko aminareo avy ato amin'ny boky izany ka hasehoko anareo amin'ny alalan'ny Baiboly. Miresaka ny amin'ny Fanambarana isika izao maraina izao, sady manaporofo izay nihavian'izany, sy ny fomba niatombobhany ho nisy. Miverena amin'ny Fahamarinana, ry rahalahy! Eo amin'ny andro farany isika.

¹⁹³ Andraso mandra-pahatongantsika eo amin'io fiagonana Efesosy io sy ny ampitahana an'izany amin'ny Laodikia, ka hijery izay niseho teo anelanelan'izy ireo. Ho hitanareo ny fomba

nitsofohan'io zavatra io. Tonga eo amin'ny taonan'ny Luther, dia voalaza hoe, "Manana anarana ho 'velona' ianao, kanjo maty ihany." Ny tena dikan'ny teny hoe *Sardisy* dia "maty." Tao anatin'ny diman-jato sy arivo taona an'ny Taonan'ny Fahamaizinana no nanarian'izy ireo an'izany. Ny tsirairay tamin'ireo fiangonana ireo dia nitazona an'izany hatramin'io fotoana io. Avy eo rehefa nanana ny Fivoriamben'i Nicée izy ireo tamin'ny 606, dia teo no nanafoanany an'io Anarana io ka nanaovany Andriamanitra telo avy tamin'Izany.

¹⁹⁴ Milaza Izy eto hoe, "Izaho Ilay taloha, Ilay ankehitriny, ary ilay ho avy, dia ny Tsitoha." Eny tokoa.

¹⁹⁵ Nanana vatana fisehotelo Izy teto an-tany. Fony teto an-tany Izy, dia Vatana fisehotelo Izy. Teto an-tany, dia Mpaminany Izy. Any An-danitra koa Izy, dia Mpisorona. Ary rehefa miverina eto an-tany indray Izy, dia ho Mpanjaka Izy. Mpaminany, Mpisorona, ary Mpanjaka. Ilay taloha, ankehitriny, ary ho avy. "Ilay taloha," dia Jesosy, mpaminany anankiray. "Ilay ankehitriny izao," dia Mpisorona, manao fisoronana ara-panahy, Mpisoronabe izay azo kasihin'ny fahalementsika, ka mampiseho ny Tenany sy manaporofa fa eto afovoantsika Izy. Mpaminany, Mpisorona, ary Mpanjaka, nefä Andriamanitra Tokana ihany.

¹⁹⁶ Fony teto an-tany Izy, dia Mpaminany anankiray Izy, ny Teny. "Ilay vavolombelona mahatoky," no fiantsoan'ny Baiboly Azy, rehefa kelikely eo. Ny vavolombelona mahatoky anankiray, dia ny mpaminany izany.

Mpisorona Izy teo, ary mbola Mpisorona Izy ankehitriny izao.

Rehefa ho tonga Izy, dia ho Mpanjaka Izy.

¹⁹⁷ Raha mandeha lavidavitra ianareo, vakio Apokalypsy 15:3, dia ho hitanareo ao amin'ny Apokalypsy 15:3. Ndeha isika hivadika dia hahita fa Izy...raha lasa Mpanjaka Izy, raha Mpanjaka Izy rehefa tonga. Handeha ao amin'ny Apokalypsy isika izao, ny toko faha 15 ary ny—ny andininy faha 3.

*Ary mihira ny fihiran'i Mosesy
mpanompon'Andriamanitra izy ireo, sy ny fihiran'ny
Zanak'ondry, manao hoe, Lehibe sy mahatalanjona
ny asanao, Tompo Andriamanitra Tsitoha; mahitsy sy
marina ny lâlanao, ry Mpanjakan'ireo masina.*

¹⁹⁸ Inona Izy tety an-tany? Mpaminany. Ahoana no nahalalan'ny olona fa Mpaminany Izy? Nanao ny famantarana ny Mesia Izy, izay mpaminany anankiray. Oh, isaorana anie ny Anaran'ny Tompo! Ahoana no nahadiso azy ireo Taminy? Satria njery zavatra hafa izy ireo. Nefa Izy dia nanao ny famantarana ny Mesia, saingy tsy te-handre an'izany izy ireo. Mpaminany Izy teo.

¹⁹⁹ Hoy Mosesy hoe, “Ny Tompo Andriamanitrareo dia hanangana Mpaminany tahaka ahy. Izao no hiseho raha tsy hihaino an’io Mpaminany io izy ireo, ho fongorana tsy ho eo anivon’ny vahoaka izy ireo.”

²⁰⁰ Mpaminany Izy tety an-tany, ankehitriny, satria inona Izy tamin’izany? “Vavolombelona mahatokin’ny Tenin’Andriamanitra.” Amena. Izy no Tenin’Andriamanitra tonga voaseho.

²⁰¹ Masindahy Jaona, ny toko 1.

Tamin’ny voalohany ny Teny, ary ny Teny tao amin’Andriamanitra, ary ny Teny dia Andriamanitra.

Ary ny Teny dia tonga nofo ka nonina tamintsika.

²⁰² Izy no vavolombelona marina sy mahatoky ho an’ny Tenin’Andriamanitra Mandrakizay. Izy no Teny, dia ny Tenin’Andriamanitra. Ary, amin’ny maha-Teny azy, dia Mpaminany Izy. Satria ny Tenin’Andriamanitra no nikoriana tao Aminy. Nila niteny fotsiny an’ilay Zavatra Izy. “Tsy mahefa na inona na inona Aho, afa-tsy izay asehon’ny Ray Ahy hatao ihany. Tsy Izaho no manao ny asa. Fa ny Ray izay mitoetra ato amiko, Izy no manao ny asa. Izaho sy ny Ray dia iray ihany. Ny Ray dia ato Amiko,” hoy i Jesosy, ilay Lehilahy, ilay tabernakely.

²⁰³ Nanana titra maro Andriamanitra: Jehovah, Jehovah-jire, -rafa. Manase. Oh, maro! Nanana anarana nakambana fito Izy, anaram-panavotana. Nanana titra maro Izy: Raozin’ny Sarona, Lisin’ny Lohasaha, Kintan’ny Maraina; Ray, Zanaka, Fanahy Masina. Izany rehetra izany. Saingy manana Anaran’olona anankiray Izy. Andriamanitra ihany no manana Anarana tokana, ary izany dia “ny Tompo Jesosy Kristy.”

²⁰⁴ Fony teraka Izy, dia Kristy, ny Tompo. Valo andro taty aoriana, ny Fanahy Masina dia niantso ny Anarany hoe “Jesosy.” Nasain’ny reninynoforaina Izy, ka niantso Azy “Jesosy.” Fa teraka Kristy Izy.

Ohatra, teraka Branham aho. Efa Branham aho fony vao teraka, ary nomena anarana hoe “William.”

Amena. Ary Izy dia teraka Kristy, ilay Mpamonjy. Fa rehefa valo andro Izy, dia nomena Azy ny anarana hoe “Jesosy.” Ary Izy no Tompon’ny Voninahitra, tonga voaseho. Koa, Izy no Tompo Jesosy Kristy, ilay Andriamaniry ny Voninahitra tonga voaseho eo anivontsika. Oh, izay Izy!

²⁰⁵ Teto an-tany, dia Mpaminany Izy. Ao amin’ny Voninahitra, Mpisorona Izy. Tonga, Mpanjaka Izy. Oh! Tiako izany.

Mpaminany, “Vavolombelona mahatoky ny amin’ny Teny.”

Mpisorona, “Niaraka tamin’ny Ràny mihitsy teo anatrehan’Andriamanitra.”

Mpanjaka, "Mpanjakan'ireo masina." Tsy mpanjakan'izao tontolo izao, ankehitriny. Mpanjakan'ireo masina Izy. Manana mpanjakan'ny tany isika eo amin'ny vahoaka. Nefa manana Mpanjaka, koa isika, sy Fanjakana. Izay no antony maha-hafa ny fanaantsika.

²⁰⁶ Tahaka ilay nolazaiko vao tsy ela akory, mikasika ny vadiko, nandeha nankany amin'ny magazay eto izahay ka nahita fahagagana, saiky. Fahavaratra ny andro tamin'izay, nisy vehivavy anankiray niakanjo lava. Dia hoy aho hoe, "Zavatra hafahafa ity." Hoy aho hoe, "Raha tety amiko ny fakan-tsarko, dia nalaiko ny sarin'io ramatoa io." Hitanareo? Satria izahay... Io no vehivavy voalohany hitanay nanao zipo, fantatrareo, niakanjo tahaka izay tokony hataon'ny ramatoa anankiray, ny vehivavy rehetra.

²⁰⁷ Hoy izy hoe, "Eny, fa nahoana, ry Bill, ny vahoakan-tsika no manao akanjo, izany ve—izany ve no nandidiana antsika?"

²⁰⁸ Hoy aho hoe, "Tsy vahoakan-tsika io. Vahoakan'Andriamanitra io. Ny vahoakan'Andriamanitra, dia mitaky fahamasinana."

²⁰⁹ Hoy izy, "Eny, tsy mankany am-piangonana ve izy ireo?"

²¹⁰ Hoy aho hoe, "Misy ramatoa anankiray mihitsy io *eo* io, izay mihira ao amin'ny antokom-pihira ao amin'ny fiangonana anankiray eto."

²¹¹ "Eny, dia, ahoana izany?"

²¹² Hoy aho hoe, "Satria tsy nampianarina zavatra hafa izy." Tena marina izany.

²¹³ Misy an'ilay fiangonana ara-nofo, izay horaisintsika amin'ity herinandro ity; Fiangonana ara-panahy, fiangonana ara-nofo. Nanara-drenirano niverina tany amin'ireo renim-piangonana izy rehetra. Ny Baiboly dia milaza, ao amin'ny Apokalypsy 17, fa hataon'izy ireo izany. Eo am-piverenana mihitsy izy ireo izao, izy rehetra, manao tahaka izany, manangana rafitra. "Tovolahy, izahay no *marina*. Manangana rafitra izahay. Izahay *izao* ary izahay no *izatsy*." Tsy mba toy izany ny tamin'ny voalohany. Nesorin'izy ireo tao amin'ny fiangonana ny hery ka napetrany teo ny eveka anankiray na papa anankiray. Andriamanitra dia ao amin'ny Fiangonany, eo anivon'ny Vahoakany, maneho ny Tenany amin'ny alalan'ny mpiangona ary n'aiza n'aiza, ankehitriny. Saingy amin'izao andro izao kosa..."

²¹⁴ Hoy izy hoe, "Eny, tsy Amerikana angaha isika?"

²¹⁵ Hoy aho hoe, "Tsia. Mipetraka eto isika, saingy tsy Amerikana akory isika. Kristiana isika. Ny Fanjakantsika dia any Ambony."

²¹⁶ Ary raha avy Any ambony any ny fiainantsika, dia manao toy izay koa isika. Satria, isika dia avy... Ny Fiainantsika dia

avy any amin'ny Toerana masina anankiray. Hafa endrika izany. Hafa fitafy izany. Ny vehivavy avy Any ambony any dia lava volo. Ary tsy manao lokoloko amin'ny tarehiny izy ireo. Ary—ary tsy manao pataloa fohy izy ireo. Izy ireo, izy ireo dia manao zipo, ary akanjo ary fitafiana lava. Sady lava volo izy ireo, sy ny sisa. Koa ny—ny toetran'izany, avy Any ambony any, dia hita taratra eo amintsika.

²¹⁷ Ny lehilahy tsy mifoka, tsy mihinam-paraky, tsy mandainga, tsy mangalatra. Izy ireo dia avy, ny fanahiny, dia avy amin'ny toerana Masina anankiray, ka mahatonga azy ireo miasa am-pahamasinana, mandray ny hafa ho toy ny rahalahy. Izany io.

²¹⁸ Avy amin'ny Fanjakana anankiray isika, ary manana Mpanjaka anankiray isika. Ary Izy no Mpanjakan'ireo masina. Ny teny hoe *masina* dia avy amin'ny teny hoe "ireo nohamasinina." Ary rehefa nohamasinina ny olona anankiray, Kristy, ilay Fanahy Masina no miditra ao am-po ka tonga Mpanjaka ao amin'izy ireo. Oh, oadray! Tokony ho tafiditra tsara izany. Oh! Rehefa ilay sambon'Andriamanitra nohamasinina... Kristy, ilay Mpanjaka, ilay Fanahy Masina, no miditra ao. Ary ny mpanjaka anankiray dia manana ny taniny. Amena. Ary ny maha-izy anareo rehetra dia tapahan'ilay Mpanjakan'ireo masina. Fanjakana anankiray! Ny fanjakana tsirairay amin'ity tany ity dia hihozongozona, ho viravirain'ny hery atomika. Saingy ny Baiboly no milaza hoe, "Mandray Fanjakana tsy azo ampihorohoroina isika!" Amena. Mpanjakan'ireo masina.

²¹⁹ Tiako ho tsikaritraiseo ireo endrika hisehoan'i Kristy, koa, ato amin'ny Baiboly sy eto an-tany. Eto an-tany, dia Mpaminany Izy. Mino izany ve ianareo? [Hoy ny fiangonana hoe, "Amena."—Mpand.] Ny mpaminany dia ny Teny. Fantatsika izany. Ny teny hoe *mpaminany* dia midika "mpandika ny Teny avy amin'Andriamanitra." Ny Teny avy amin'Andriamanitra dia nosoratana, ary ny mpaminany no manana ny Fanahy avy amin'Andriamanitra ao aminy. Ary, fantatrareo, fa ny mpaminany tao amin'ny Testamenta Taloha dia nantsoina hoe "andriamanitra." Firy no mahafantatra an'izany?

²²⁰ Hoy Jesosy, "Raha nantsoin'izy ireo hoe andriamanitra... Tsy izany ve no voasoratra, ao amin'ny lalànareo, hoe izy ireo, 'andriamanitra ianareo?' Raha nantsoin'izy ireo hoe 'andriamanitra,' ireo izay nihavian'ny Tenin'Andriamanitra, ny mpaminany, ahoana no hanamelohanareo Ahy raha hoy Izaho hoe Zanak'Andriamanitra Aho?"

²²¹ Satria, nantsoina hoe "andriamanitra" izy, satria nentiny tao anatin ny Tenin'Andriamanitra, HOY NY TOMPO HOE. Noho izany, ny dikan'ny teny hoe *mpaminany* dia...ny—ny fandikana azy dia tsy azo afangaro. Hitanareo? Raha ilay Andriamanitra... Hoy Izy hoe, "Raha misy eo aminareo, izay ara-panahy, na mpaminany, dia Izaho Tompo no hiresaka

aminy. Raha tanteraka izay voalazany, dia henoy izy, satria Izaho no miaraka aminy. Fa raha tsy tanteraka kosa izany, dia aza mihaino azy; tsy naniraka azy Aho.” Izay no fomba ahafantaranareo azy. Ary koa, hitanareeo, fa ny fandikana avy amin’Andriamanitra ny Teny dia tsy maintsy mifanarakaka amin’izao fanambarana farany ho an’ny fiangonana izao.

²²² Andriamanitra Izy, ny Tsitoha. Teto an-tany, dia mpaminany Izy, izay voromahery. Firy no mahafantatra fa ny mpaminany anankiray dia atao ho toy ny voromahery? [Hoy ny fiangonana hoe, “Amena.”—Mpand.]

²²³ Ny voromahery no vorona tena matanjaka indrindra izay ananantsika, mahery indrindra. Ny sasany amin’ireo elany dia mahatratra efatra ambin’ny folo dian-tongotra, avy eny amin’ny fotony mankenya amin’ny tendrony. Afaka maka zavatra sy manidina avo dia avo izy ka raha misy vorona hafa manandрана hanaraka azy, dia ho potika tanteraka, hihintsana ny volony ary ho ravarava izy. Satria nahoana? Hafa mihitsy ny fomba nanaovana azy. Ary inona moa ny soa ho azy hiakarany eny amin’ny avo eny raha toa ka tsy ho hitany izay ataony rehefa eny ambony eny izy? Ny masom-papango ve no resahinareo? Tokony ny masom-boromahery no jerenareo.

²²⁴ Ny papango anankiray dia afaka, mety mijery akoho anankiray. Marina izany. Izay no olana amin’ireo papango ireo amin’izao andro izao. Ha-hah. Saingy, lazaiko anareo kosa, mandeha ny voromahery, ka raha misy papango mitady hanaraka azy, dia ho faty izy. Ho sempotra izy. Tsy afaka miditra ao anatin’ireo faritra izay idiran’ny voromahery izy.

Ary noho izany dia manana maso izy, izay ahafahany mahita lavitra, rehefa eny ambony eny izy. Ka izay no antony iantsoan’Andriamanitra ny *Mpaminaniny* hoe, “voromahery.” Miakatra eny ambony eny izy, fa voromahery anankiray izy. Afaka mahita izy, lavitra be.

²²⁵ Ary Kristy, teto an-tany, dia Voromahery anankiray. Rehefa maty Izy, dia Mpisorona, ka izay no nahatonga Azy ho Zanak’ondry. Tsy marina ve izany? [Hoy ny fiangonana hoe, “Marina izany.”—Mpand.] Ary rehefa miverina indray Izy, dia Mpanjaka, ka ho Liona Izy, amena, ilay Liona avy amin’ny fireneni’ny Joda. Amena. Voromahery Izy, Zanak’ondry, ary Liona; amena; Ray, Zanaka, ary Fanahy Masina; Mpaminany, Mpisorona, ary Mpanjaka; Ilay taloha, ankehitriny, ary ho avy; ilay Tsitoha; Alfa sy Omega, ny fiandohana hatramin’ny fiafarana, ilay Andriamanitra Mandrakizay.

²²⁶ Te-hanontany anareo aho, ny sasany aminareo Katolika malala, izay miantso an’izany hoe, “Ilay zanaka Mandrakizain’Andriamanitra; Andriamanitra, Jesosy Kristy zanaka mandrakizay miaraka amin’Andriamanitra.” Ahoana no ahafahanareo milaza teny tahaka izany? Izaho dia olona tsy

misy dikany, miaraka amin'ny fampianaran'ny kilasy fahafito, saingy mbola mba mahay tsaratsara kokoa noho izany kosa aho. Ny teny hoe zanaka dia tsy maintsy manana fiandohana. Noho izany dia ahoana ary no Hahafahany sady ho Mandrakizay no ho zanaka? Ny Mandrakizay dia tsy manam-piandohana na fiafarana. Noho izany, dia tsy afaka ny ho zanaka Izy, ho zanaka Mandrakizay, sady manana fiandohana indray koa avy eo, satria tsy misy zavatra toy izany raha zanaka Mandrakizay. Ny zanaka dia manana fiandohana, noho izany dia tsy mety ho Mandrakizay izy.

²²⁷ Hitanareo, Andriamanitra Mandrakizay Izy, fa tsy zanaka Mandrakizay. Voninahitra! Ny Tsitoha, Jehovah-jire, Jehovah-rafa, naseho teo amin'ny nofo, "Ao Aminy no itoeran'ny fahafenoan'ny fomban'Andriamanitra rehetra."

²²⁸ Ary tamin'ny Andro Pentekosta, rehefa nidina teo amin'ny olona io Andry Afo io, voatsikaritrareo ve, fa Izy mihitsy no nizarazara ny Tenany? Ary lela mitarehin'Afo no nipetraka teo ambonin'ny tsirairay tamin'izy ireo. Afo, tahaka ny lela, nipetraka teo ambonin'ny tsirairay. Inona no zavatra nataon'Andriamanitra? Nizarazara ny Tenany tao amin'ny Fiangonana, tao anivon'ny tsirairay; nanome ho an'ny vehivavy, ho an'ny lehilahy, sy izy rehetra, ampanhan'ny Fanahiny izany, nizarazara ny Tenany teo anivon'ny Fiangonany.

²²⁹ Ahoana no ahafahan'ny olona anankiray tonga eo ka hilaza hoe, "Ny lehilahy masina dia ny papa. Ny lehilahy masina dia ny eveka"? Ny Lehilahy Masina dia Kristy, ilay Fanahy Masina ao anatintsika. Ahoana no ahafahanareo milaza fa tsy mahazo miteny mihitsy ny mpiangona? Ny tsirairay aminareo dia samy manana zavatra ho lazaina. Ny tsirairay aminareo dia manana asa atao. Ny tsirairay aminareo dia tokony hitondra ny Hafatra. Voninahitra!

²³⁰ Ny Fanahy Masina no nizarazara ny Tenany tamin'ny Andro Pentekosta. Andriamanitra, nizarazara ny Tenany. "Amin'izany andro izany dia ho fantatrareo fa Izaho ao amin'ny Ray, ny Ray ato amiko; Izaho ao aminareo, ary ianareo ato Amiko."

"Amin'izany andro izany," ny Fanahy Masina, "teo amin'ny rehetra, tao amin'ny rehetra, nanerana ny rehetra." Amena. Izay no izy. Ny Fanahy Masina dia afaka mifindrafandra na aiza na aiza Tiany hifindrana, eo ambonin'iza na iza Tiany hidinana. Tsy mila mandray an'izay lazain'ny eveka na pretra ianareo. Izy irery ihany no Mpisorona ho antsika, izany, Mpisoronabe anankiray. Ankehitriny: Mpaminany, Mpisorona, ary Mpanjaka.

²³¹ Ankehitriny:

*Ary...Jesosy Kristy, izay vavolombelona marina,...
sy lahimatea amin'ny maty,...(Hiditra amin'io
isika.)...ary lehiben'ny mpanjaka amin'ny tany. Ho*

an'izay tia antsika, ka nanasa antsika ho afaka amin'ny fahotantsika tamin'ny ràny,

²³² Ny teny hoe *nanasa* eto, raha ny marina, amin'ny Grika, dia midika hoe “mamaha.” Izy no namaha antsika tamin’ny... Voafatotra tamin’ny tany isika, tamin’ireo fahotantsika. Tsy afaka nahita isika, tsy afaka nandre, tsy nahalala akory ny amin’ny Lanitra sy ny hafa. Saingy rehefa nidina ilay Rà, nanapaka ny kofehy Izy dia voavaha isika. Oh!

²³³ Namaky tantara anankiray aho indray mandeha, izany dia tena mety tsara tokoa eto. Nisy mpiompy anankiray nahatratra goaika ka namatotra azy. Dia hoy izy hoe, “Hampianatra lesona anankiray an’ireo goaika hafa aho.” Ka dianofatorany ilay goaika antitra, teo amin’ny tongony, tamin’ny tady kely, ka dia tahaka ny hoe matin’ny hanoanana ity zavatra antitra mampalahelo ity. Tena nalemy izy, ka tena zara raha afanandehandeha nanodidina teo.

²³⁴ Izay ny antony hoe, ny sasany tamin’ireo rafi-piangonana sy fiangonana ireo, dia namatotra ny olona tao. “Tsy azonareo atao! Eny, *ity* ihany no farany azonareo aleha. Efa lasa ny andron’ny fahagagana.” Hia. Voafatotra fotsiny ianareo. Izay ihany. “Tsy misy izany zavatra atao hoe Fanahy Masina izany. Tsy miteny amin’ny teny tsy fantatra toy izay Nataony tany aloha intsony Izy.”

²³⁵ Andriamanitra Izy. “Mbola Izy ihany no tsy miova omaly, anio, ary mandrakizay,” Hebreo 13:8, velona ao amin’ireo fiangonana rehetra. Haka an’io isika rehefa avy mametraka ny fototra izao maraina izao. Hitanareo? Andriamanitra Izy, izay velona tao amin’ny taonan’ny fiangonana tsirairay. Ho velona ao amin’ny taonan’ny fiangonana tsirairay Izy, ary hivelona ao amin’ny Vahoakany Mandrakizay. Satria efa ananantsika ankehitriny, ao anatintsika, ny Fiainana Mandrakizay.

²³⁶ Koa, io anaram-piangonana io àry no namatotra azy teo, hitanareo, “Eny, efa lasa ny andron’ny fahagagana. Tsy misy izany hoe fanasitranana avy amin’Andriamanitra izany.” Nandringaringa teo ilay namana kely ka tena nampalahelo izy fa zara raha afa-namindra.

²³⁷ Fa indray andro dia nisy lehilahy tsara fanahy nandalo teo, dia hoy izy hoe, “Fantatrareo, fa ity goaika antitra mampalahelo ity, tena malahelo azy aho. Raha ny tena marina, mety ho nahazo ny katsany ihany izy. Fa izany ihany no fomba nahatonga azy ho velona. Nila mahazo zavatra ho hanina izy. Noho izany dia tsy nisy fantany ny ankoatr’izany, tonga teo fotsiny izy mba hahazo katsaka.” Fa rehefa nalaindy ny... Dia nalaindy ny antsiny ka notapahiny ny kofehin’ilay goaika antitra. Ary fantany...

²³⁸ Indro fa tonga ireo goaika sasany, tonga teo, nanao hoe, “Avia aty, ry Johnny Goaika. Ndeha isika ho any Atsimo. Fa ho tonga ny andro mangatsiaka.”

²³⁹ Mba fantatrareo moa? Nandeha lavitraindrindra araka izay azony naleha fotsiny io goaika io teo. Hoy izy, “Tsy vitako izany. Tsy ho...tsy ho antsika amin’izao andro izao fotsiny izany. Isika—isika tsy mahavita an’izany fotsiny.” Hitanareo? Tena efa voafatotra ela loatra izy, ka nihevitra izy fa mbola voafatotra foana ihany. Hitanareo?

²⁴⁰ Ary izay no fomban’ny olona maro, voafatotra tamin’ny fampianaram-piangonana sy ny anaram-piangonana ianareo, avy amin’ilay reny mpijangajanga tany aloha tany, izay nilaza taminareo, hoe, “Jesosy Kristy dia miova. Ary tsy misy intsony izany karazana fansitranana izany. Tsy misy izany batisan’ny Fanahy Masina izany. Tsy misy intsony ny karazana zavatra toy izany.” Miezaka milaza izany aminareo izy. Tena efa voafatotra ela loatra ianareo ka mbola mihevitra foana ianareo fa voafatotra.

²⁴¹ Ilay Lehilahy tsara, Kristy, dia nanolotra ny Ràny mba Hanadiovany antsika ka nanafaka antsika tamin’ny otantsika. Inona ny ota? Manontany ny rehetra aho mba hilaza amiko. Inona ny ota? Ny ota dia ny “tsi-finoana.” Marina izany. “Izay tsy mino dia efa voaheloka sahady.”

²⁴² Ary ny otanareo ihany no zavatra tokana manakana anareo tsy ho afaka. Satria Andriamanitra efa nanapaka ny fatoran’ny tsi-finoanareo, saingy voafehin’ny fampianaram-piangonana loatra ianareo ka mbola mihevitra foana ianareo fa voafatotra. Matin’ny hanoanana fotsiny, hitanareo, mandringandringa manodidina, “Presbyterian aho. Metodista aho. Batista aho. Nolazain’izy ireo tamiko fa izaho no fiangonan’i Kristy, ‘Efa lasa ny andron’ny fahagagana. Tsy misy intsony ny zavatra toy izany.’”

²⁴³ Ianareo goaika matin’ny hanoanana ireo! Nahoana ianareo no tsy manatona izao maraina izao? Nahoana ianareo no tsy manidina mandositra? Haleloia! “Mitsangàna miaraka amin’ireo elatry ny maraina, ka manidina mandosira mankany amin’ilay Masoandron’ny Fahamarinana, miaraka amin’ny fansitranana eo amin’ny Elany.” Amena. Izay no izy. Izay no izy, rahalahy, ranabavy. Oh! “Raha ny Zanaka no hahafaka anareo, dia ho afaka tokoa ianareo.” Eny, tompoke!

²⁴⁴ “Eny, ny pastorako...” Tsy misy idiran’izany mihitsy. Ny Baiboly no milaza fa afaka ianareo. Marina izany. Afaka hianareo.

²⁴⁵ “Ny fiangonako...”

²⁴⁶ Eny, tapaho ny fatorana. “Izy no nanadio antsika sy nanafaka antsika tamin’ireo anaram-piangonantsika, tamin’ny Ràny Manokana,” sy nanafaka antsika ka mahatonga antsika mieritreritra amin’ny alalan-tsika ihany, sy manao amin’ny alalan-tsika ihany, ary miresaka amin’ny alalan-tsika, sy miasa amin’ny alalan-tsika ihany.

²⁴⁷ “Eny, raha hiverina aho ka hilaza amin’ny pastora fa tokony haverina hatao batisa indray, izy dia ho . . .”

²⁴⁸ Ahoana ary ilay hoe, “Afaka ianareo”? Fanambarana izany, fantatrareo. Izany tokoa. Afaka ianareo.

²⁴⁹ Raha nofafazana rano voahasina kely nahifikifika toy *izao* ianareo, tamin’ny anaran’ny “Ray, Zanaka, ary Fanahy Masina,” dia misy dobon-drano eto, efa vonona *izao* maraina *izao*, misy rano ao anatiny. Hitanareo? Eny, tompoko. Fa tsy marina izany.

²⁵⁰ Koa, tsy voafatotra intsony ianareo. Afaka ianareo, saingy tsy fantatrareo angamba izany. Saingy avelao aho hilaza aminareo *izao* maraina *izao*, hoy ny Baiboly hoe, “Izy no nanafaka antsika tamin’ny otantsika, ny tsi-finoantsika, mba ahafahantsika handray ny Fanambaran'i Jesosy Kristy.” Mandehana, afaka! . . . aza maka izay lazain’ny fiangonana mikasika an’Io. Fa raiso izay lazain’Andriamanitra mikasika an’Io. Ity no Fanambarany izay manambara hoe Iza moa Izy.

²⁵¹ “Izaho dia nino foana taloha fa ilay Andriamanitra Ray dia manana volombava lava, fotsy, fotsy volo; fa ilay Zanaka kosa dia lehilahy tanora; ary ilay Fanahy Masina dia zatovo maskôty.” Rahalahy, fanompoan-tsampy izany. Manompo sampy izany, mino Andriamanitra telo ianareo.

²⁵² Ny tena didy voalohany, inona no Didy voalohany? “Mihainoa ianareo, ry Isiraelô ô: Izaho no TOMPO Andriamanitro, Andriamanitra tokana.” Izay no izy.

²⁵³ Andriamanitra tokana Izy, fa tsy andriamanitra telo. Nivelona tao amin’ny andraikitra telo Izy, niasa tamin’ny toerana telo. Mpaminany Izy, Mpisorona, ary Mpanjaka. Voromahery Izy, Zanak’ondry, ary—ary Liona. Izy ilay Lisin’ny Lohasaha, ilay Raozin’ny Sarôna, ilay Lisin’ny Lohasaha, ary Kintan’ny Maraina. Izy ilay Solofo sy Taranak’i Davida. Izy no A ka hatramin’ny Z. Izy no Ray, Zanaka, ary Fanahy Masina. Izany rehetra izany Izy, nefà Tokana Izy. Andriamanitra tokana Izy. Io dia Titrany izay nomena Azy, fa Andriamanitra tokana kosa no misy.

²⁵⁴ Tsy mbola nisy mihitsy olona, tsy misy pejin’ny Baiboly na ao amin’ny tantara, ankoatra ny fiangonana Katolika, ka natao batisa nasitrika tamin’ny anaran’ny “Ray, Zanaka, Fanahy Masina.”

²⁵⁵ Raha asehonareo amiko ny pejy na zavatra hafa, soraty izany, velaro eto amiko eto, rahariva, fa hivoaka an’ity fiangonana ity aho, hilaza hoe, “Mpihatsaravelatsihy aho. Nampianatra zavatra diso ny olona aho;”; raha afaka hampiseho amiko andininy anankiray ao amin’ny Soratra ianareo, na hitondra amiko tantara anankiray, tantara tena marina, izay hampiseho amiko fa nisy olona efa natao batisa, ao amin’ny Baiboly, tamin’ny anaran’ny “Ray, Zanaka, Fanahy Masina.” Na, hitondray lahatsoratra aho, na bokin’ny tantara

anankiray, pejy anankiray, na filazàna anankiray ao amin'ny tantara, izay nisy olona natao batisa, tamin'ny anaran'ny "Ray, Zanaka, ary Fanahy Masina," talohan'ny Fivoriamben'i Nicée an'ny fiangonana Katolika. Avia, ento aty amiko izany; fa hopaingoriko ato an-damosiko ny takelaka anankiray ka handeha manerana an'i Jeffersonville aho, ary ianareo ao aoriania miaraka amin'ny trompetra anankiray, mitsoka. Hasiako an'izao eo, "Mpaminany sandoka, mitarika ny olona ao amin'ny fahadisoana."

²⁵⁶ Koa, ry pastora, raha eto ianareo izao maraina izao, raha hanao izany ianareo, dia tsy maintsy mba hanaiky kosa ny hanaovako an'izany aminareo ianareo. Hitanareo? Avia, asehoy amiko. Saingy matahotra ianareo.

²⁵⁷ Ankehitriny, inona ity? *Ity* no Fanambarana. *Ity* no Fanambarana. Ary ity no Fanahy Masina, Kristy, izay mandefa ny Hafany ho an'ireo fiangonana. Henoy Izy. Henoy Izy. Izay no hampianarin'ny Baiboly.

²⁵⁸ Taiza no nidiran'izany? Raha tsy ho tezitra fotsiny ianareo, dia mandehàna, mandritra ity herinandro ity, ianareo... Alaivo ny Fivoriamben'i Nicée. Alaivo ny *Two Babylons* an'i Hislop. Alaivo...

²⁵⁹ Ankehitriny, tena tsara ny tantara an'i Josephus, saingy andalany anankiray ihany no nosoratany mikasika an'i Kristy, hoe, "Nisy Lehilahy anankiray nantsoina hoe Jesosy Izay nandehandeha teo, nanasitranà ny olona. Ary—ary maty Izy, na Pilato no namono Azy, ary—ary, na Heroda, na namono Azy ho faty. Ary avy teo dia tonga ny mpianatra nangalatra ny Vatany, ka nanafina izany. Ary isan-kariva izy ireo dia tonga nanapaka kely tamin'izany ary nihinana an'izany." Hoy izy hoe, "Mpihinan'olona izy ireo." Koa, izany no nanaovan'izy ireo ny fandraisana, hitanareo. Fisainana ara-nofo! Olona tsy azo henoina i Josephus.

²⁶⁰ Fa alaivo kosa ny *Book Of The Martyrs an'i Foxe*. Io no tena marina tsara. *Book Of The Martyrs an'i Foxe*, firy no efa namaky azy? [Hoy ny fiangonana hoe, "Amena."—Mpand.] Eny tokoa. Ny *Early Ages* an'i Pember, na—na ny *Two Babylons* an'i Hislop, na—na ireo hafa tena marina. Kanefa, ny—ny tsara indrindra ananantsika dia ny Fivoriamben'i Nicée, ny Fivoriambe talohan'ny Nicée sy ny Fivoriamben'i Nicée. Ary ho hitanareo avy ao, fa tsy voalaza ao mihitsy izany, tsy nisy olona.

²⁶¹ Raiso ny Soratra Masina ka jereo raha mba nisy olona tao amin'ny Baiboly natao batisa, nampiasa an'izany titra izany, anarana "Ray, Zanaka, ary Fanahy Masina." Milaza andriamanitra telo izany. Natao ho an'ny fivavahan'ny fanompoan-tsampy izany. Ary ny Katolisima dia tsy hafa tsy akory eto amin'izao tontolo izao fa ny—ny endrika fanompoan-tsampin'ny Kristianisma. Ary avy tao amin'ny fiangonana

Katolika no nivoaka ry Martin Luther, John Wesley, Batista, Presbyteriana, sy ny sisa.

²⁶² Saingy tamin'ny andro farany dia nisy varavarana anankiray nipetraka teo anelanelany teo, izay nanokatra indray ny Fahamarinana, hoe, “Izao no lazain’ny Baiboly,” sy ilay mpaminany lehibe izay ho tonga eto an-tany amin’ny andro farany. Ary isika dia mino fa ho avy izy. Miambena. Ary hanana Fiangonana anankiray izy. Eny, ho hitantsika izany, eny.

²⁶³ Ankehitriny, tsarovy, Fanambarana ity. Tsy azonareo hanesorana Izany. Ankehitriny, fihaikàna toy inona re izany! Mitadiava olona anankiray ao amin’ny Baiboly, toerana anankiray izay mba nanaovana batisa olona tamin’ny anaran’ny “Ray, Zanaka, Fanahy Masina,” na efa nisy olonanofafazana, tadiavo ao amin’ny Baiboly izany, ho famelàna an’ireo otany. Tsy mbola nisy. Ary ny olona rehetra, na inona na inona fomba nanaovana batisa azy, dia tokony ho tonga ka hatao batisa, indray, amin’ny Anaran’i “Jesosy Kristy,” mba handraisana ny Fanahy Masina.

²⁶⁴ Asa 19, “Nitety ny tany ambony Paoly ka tonga tany Efesosy, dia nahita ny mpianatra sasany.” Hoy izy hoe, “Ry mpianatra.” Nanao favoriana lehibe izy ireo tamin’izany. Nanaraka lehilahy nantsoina hoe Apolosy izy ireo, izay mpanaraka lalàna niovation; Batista anankiray izay nino an’i Jaona mpanao Batisa, sady nanaporofotamin’ny Soratra Masina fa Jesosy no Kristy.

²⁶⁵ Nitety tany Paoly ka nahita an’i Akoila sy Presila, ao amin’ny toko faha 18 ao amin’ny Asa. Dia nandeha tany izy mba hisakafo, na zavatra hafa toy izany, niaraka tamin’i Akoila sy Presila. Nolazain’izy ireo taminy ny amin’ity lehilahy malaza ity. Nandeha nihaino azy izy ireo. Nihaino azy izy tamin’io hariva io. Hoy izy hoe, “Tena mahafinaritra izy. Tena mety izany. Tsara izany. Saingy,” hoy izy, “efa noraisinareo ve ny Fanahy Masina fony vao nino ianareo?”

²⁶⁶ Ahoana ny aminareo Batista mampalahelo eto ireo, izay mino fa nandray ny Fanahy Masina ianareo *rehefa* nino?

²⁶⁷ Hoy izy hoe, “Efa noraisinareo va ny Fanahy Masina *fony* vao nino ianareo?”

²⁶⁸ Nisy anankiray nilaza hoe, “Tsy voasoratra ato anatin’ity izany.”

²⁶⁹ Mihika an’izany aho. Manana ny teny Grika marina mihitsy aho ity eto ity, ny Hebreo, koa. Hoy ny Baiboly amin’ny teny Grika, sy miaraka amin’ny Hebreo, ary amin’ny Aramiana koa. Ary izy telo ireo, dia ananako eto mihitsy, izay milaza hoe, “Efa noraisinareo ve ny Fanahy Masina *fony* vao nino ianareo?” Marina izany. “Efa noraisinareo ve ny Fanahy Masina fony vao nino ianareo?”

²⁷⁰ Koa, hoy izy hoe, “Tsy fantatray akory fa hoe misy an’izany Fanahy Masina izany.”

²⁷¹ Dia hoy izy hoe, “Ho amin’inona àry no nanaovana batisa anareo?”

²⁷² Hoy izy ireo hoe, “Izahay dia efa nataon’ny lehilahy anankiray batisa dia ilay nanao batisa ny Tompo Jesosy Kristy. Ho amin’ny batsian’i Jaona no nanaovana batisa anay,” tamin’ny lava-drano iray ihany, angamba, “ilay lehilahy iny ihany.”

²⁷³ Hoy i Paoly hoe, “Tsy hety izany. Nanao batsian’ny fibebahana fotsiny izy, fa tsy ho amin’ny famelàna ny ota.”

²⁷⁴ Ankehitriny, ny sasany aminareo Onitera dia tonga eo ka—ka manao batisa izay, diso. Ianareo manao batisa ho amin’ny, ho famonjena. Tsy mamonjy olona anankiray ny rano; fa ny Rà izany, fibebahana. Tsy batisa ho amin’ny fanavaozana. Tsia, tompoko. Ny fanavaozana dia tonga amin’ny alalan’ny Fanahy. Ny batisa dia—dia fanehoana ivelany ny asan’ny fanavaozana ao anaty izay efa vita. Hitanareo? Izany tokoa. Mariho.

²⁷⁵ Hoy izy hoe, “Efa noraisinareo va ny Fanahy Masina fony vao nino ianareo?” Hoy ireo . . .

²⁷⁶ Hoy izy hoe, “Tsy fantatray akory fa hoe misy izany Fanahy Masina izany.”

²⁷⁷ Hoy izy hoe, “Ahoana no nanaovana batisa anareo?”

²⁷⁸ Hoy ireo hoe, “Natao batisa tamin’i Jaona izahay.”

²⁷⁹ Hoy izy hoe, “Nanao batsian’ny fibebahana tokoa i Jaona, ho amin’ny fibebahana, nilaza fa ‘tsy maintsy mino Azy ianareo,’ ilay Zanak’ondry, ilay Fanatitra izay ho avy, eo amin’ny Tompo Jesosy Kristy.” Koa rehefa nahare Izany izy ireo, dia naverina natao batisa indray ho amin’ny Anaran’i Jesosy Kristy. Ary Paoly nametra-tànana taminy dia nandray ny Fanahy Masina izy ireo, ary niteny tamin’ny fiteny tsy fantatra sy naminany.

²⁸⁰ Lazao amiko àry fa tsy Soratra Masina izany, ary asehoy ahy, na aiza na aiza, na iza na iza ka natao batisa tamin’ny fomba hafa tao amin’ny Testamenta Vaovao afa-tsy tamin’ny Anaran’i Jesosy Kristy Tompo. Asehoy ahy.

²⁸¹ Masindahy Agabo sy maro hafa koa izay natao batisa, hatreо amin’ny fotoan’ny—an’ny—an’ny Fivoriamben’i Nicée, ary ny tsirairay tamin’izy ireo dia natao batisa tamin’ny Anaran’i Jesosy Kristy. Niasa teny amin’ny saha niaraka tamin’ny Anaran’i Jesosy Kristy ireo misionera.

²⁸² Saingy rehefa tonga ny Fivoriamben’i Nicée, dia nila nanana andriamanitra telo izy ireo. Nahintsana i Paoly . . . na nahintsana i Jopitera, ary Paoly no nasandratra. Nahintsana i Venosy, ary Maria no nasandratra. Nanana ny karazan’andriamanitra rehetra izy ireo, karazana olo-masina rehetra, zavatra hafa,

ka nanao ny batisa trinitera arynofahanany an'izany ireo Protestanta. Ary mbola mitelina an'izany foana izy ireo.

²⁸³ Saingy tonga kosa ny Hazavan'ny hariva ankehitriny. Hoy ny mpaminany hoe, "Fa rehefa hariva dia hisy Mazava."

Hisy—hisy Mazava rehefa hariva,
Ny lâlan'ny Voninahitra dia tena ho hitanao tokoa;
Eo amin'ny lâlan'ny rano, izany no Mazava
ankehirtriny,
Milevina amin'ny Anarana sarobidin'i Jesosy.
Tanora sy antitra, mibebaha amin'ny otanareo
rehetra,
Azo antoka fa hiditra ny Fanahy Masina;
Tonga ny Hazavan'ny hariva,
Zavatra misy ny hoe Andriamanitra sy Kristy dia
Iray ihany.

²⁸⁴ Mino Izany ve ianareo? [Hoy ny Fiagonana hoe, "Amena."—Mpand.] Hoy Petera, tamin'ny Andro Pentekosta, "Koa aoka ho fantatra izao, ho an'ny taranak'Isirael rehetra, fa Andriamanitra dia efa nanao an'io Jesosy io ihany, Izay nohomboanareo, ho Tompo sy Kristy." Andininy faha 16, ny toko faha 2. Eny. "Andriamanitra efa nanao an'io Jesosy io ihany, Izay nohomboanareo, ho Tompo sy Kristy. Aoka ho fantatry ny taranak'Isirael rehetra, izany tokoa."

²⁸⁵ Niresaka tamin'ny Jiosy anankiray aho vao tsy ela akory izay, tao amin'ilay Tranon'i Davida, hoy izy hoe, "Tsy mahavita manapaka an'Andriamanitra hizara telo izany ianareo Jentilisa ka hanome Azy ho an'ny Jiosy. Mahay kokoa noho izany izahay."

²⁸⁶ Hoy aho hoe, "Tena izany tokoa ilay izy, raby. Tsy manapaka an'Andriamanitra hizara telo akory izahay." Hoy aho hoe, "Mino an'ireo mpaminany ve ianao?"

Hoy izy hoe, "Izany tokoa."

Hoy aho hoe, "Mino ny Isaia 9:6 ve ianao?"

Hoy izy hoe, "Eny."

Hoy aho hoe, "Iza àry no resahin'ny mpaminany eo?"

"Mesia."

Hoy aho hoe, "Inona no fifandraisana hisy eo amin'ny Mesia sy Andriamanitra?"

Hoy izy hoe, "Ho Andriamanitra Izy."

Hoy aho, "Marina izany." Amen.

²⁸⁷ Hitanareo, eo àry ianareo. Koa tsy hainareo ny manapaka Azy hizara telo.

²⁸⁸ Raha ianareo misionera eto... Ny iray amin'izy ireo dia handeha ho any amin'ny Jiosy, mino aho, io lehilahy mipetraka eto io. Aza manandrana mihitsy hanome ny Jiosy ny "Ray, Zanaka, ary Fanahy Masina." Ho lazainy anao avy hatrany,

fantany hoe avy taiza izany, “Ny Fivoriamben’i Nicée.” Tsy hihaino an’izany izy ireo. Fa avelao izy hahita hoe taiza no nahatonga nofo an’io Andriamanitra io, ary Izy ihany no Andriamanitra tokana misy. Andriamanitra, tonga nofo tamin’ny endrika olombelona ka nivelonan teto anivontsika, hanamasina antsika; nakarina, mba ahafahan’Izy Tenany ihany ho tonga endriky ny Fanahy Masina. Andriamanitra, ilay Ray, Fanahy Masina, tao amin’ny Olona iray ihany.

²⁸⁹ Ny Baiboly dia milaza ao amin’ny—ao amin’ny filazana ny razan’i Jesosy Kristy, ao amin’ny toko 1-n’ny Matio, hoy Izy, “Abrahama niteraka an’i Isaka. Isaka niteraka an’i Jakoba.” Eo ambany eo, manao hoe, ary teo ny . . . Avelao aho hamaky an’io, dia ho fantatrareo fotsiny hoe mikasika ny inona no resahiko. Matio, ny toko 1. Ary isika . . . Ankehitriny dia ndeha isika hanomboka amin’ny andininify faha 18.

Ary ny nahaterahan’i Jesosy Kristy dia tamin’izao fomba izao: Rehefa . . . nofofoin’i Josefa ho vady i Maria reniny, talohan’ny niarahan’izy ireo, dia efa nitoe-jaza izy avy amin’ny . . .

²⁹⁰ “Andriamanitra ilay Ray”? Izay ve no fomba hamakiana an’io? [Hoy ny fiangonana hoe, “Tsia.”—Mpand.] Hita fa nitoe-Jaza avy tamin’Iza? [“Ny Fanahy Masina.”] Ny . . . [Elanelana tsy voarakitra.] Noheveriko fa Andriamanitra Ray no Rainy? Koa, Andriamanitra, ny Ray sy ny Fanahy Masina, dia Fanahy iray ihany, raha tsy izay dia nanana Ray anankiroa Izy.

Ary Josefa vadiny, izay lehilahy marina, . . . tsy nivonona ny hanala baraka azy, dia nikasa . . . hametraka azy mangingina.

Fa raha mbola nisaina izany izy, indro, nisy anjelin’ny Tompo niseho teo aminy tamin’nynofy, nanao hoe: Ry Josefa, zanak’i Davida, aza matahotra . . . hampakatra an’i Maria vadinao: fa ilay izay ao an-kibony dia avy amin’ny . . .

²⁹¹ “Andriamanitra ilay Ray”? Hah? [Hoy ny fiangonana hoe, “Tsia. ‘Ny Fanahy Masina.’”—Mpand.] “Ny Fanahy Masina.” Koa iza àry no Rain’i Jesosy Kristy? [“Ny Fanahy Masina.”] Ny Fanahy Masina. Inona Ilay ao anatinareo? [“Ny Fanahy Masina.”] Koa, Andriamanitra izany, ilay Ray, ihany koa. Tsy Izany ve? [“Amena.”] Azo antoka.

Ka hiteraka zazalahy izy, ary ny anarany hataonao hoe JESOSY: . . .

²⁹² *Ity Andriamanitra ilay Ray, ity Andriamanitra ilay Fanahy Masina, ary ity Andriamanitra ilay Zanaka, jereo, io ilay Andriamanitra telo. Tsy milaza an’izany ny Baiboly. Tsy maintsy iray ihany ireo roa ireo, raha tsy izay dia manana ray anankiroa Izy. Hitanareo? Tsy mety banana ray anankiroa Izy. Fantatrareo izany.*

Koa, hiteraka zazalahy izy, ary ny anarany hatao hoe JESOSY: fa izy no hamonjy ny olony ho afaka amin'ny fahotany.

Ary izany rehetra izany dia tonga, mba hahatanteraka izay nampilazain'ny Tompo ny mpaminany, hoe,

. . . ny virijina hitoe-jaza, ka hiteraka zazalahy, ary ny anarany hataony hoe Imanoela, izany hoe, raha adika, amintsika Andriamanitra.

²⁹³ Izay no ao amin'ny Matio toko 1.

²⁹⁴ Matio 28:19, rehefa nilaza Jesosy hoe, “Mandehana, manaovalatrisa azy ho amin’ny Anaran’ny Ray, Zanaka, Fanahy Masina.” Iza àry no Anaran’ilay Ray, Zanaka, Fanahy Masina? [Hoy ny fiangonana hoe, “Jesosy Kristy.”—Mpand.] Jesosy Kristy, mazava ho azy.

²⁹⁵ Mamaky tantaram-pitiavana hianareo, hoe, “John sy Mary dia niaina sambatra foana avy eo.” Iza moa John sy Mary? Miverena, any amin’ny voalohan’ny tantara, dia hahita.

Raha tsy misy àry zavatra toy izany, tsy misy anarana, “Ray, Zanaka, na Fanahy Masina,” dia Iza, Anaran’Iza àry izany? Miverena, any amin’ny voalohan’ny tantara, dia ho hitanareo hoe Iza no Resahany.

²⁹⁶ Petera, tamin’ny Andro Pentekosta, nanao hoe, “Mibebaha, ianareo rehetra, ary aoka samy hatao batisa amin’ny Anaran’i ‘Jesosy Kristy’ mba hahazo famelàna ny helokareo.” Nanana ny fanambarana izy.

Nanana ny fanambarana i Jaona.

²⁹⁷ Jesosy no ilay Fanambarana, Izy mihitsy no nampiseho ny Tenany eto amin’ny Soratra Masina, “Izaho ilay taloha, ilay ankehitriny, ary ho avy, ny Tsitoha.” Oay! Marina izany.

²⁹⁸ Ankehitriny ndeha isika ho eo amin’ny andinininy faha 7, haingakaingana mihitsy, alohan’ny hivoahantsika, haingana araka izay azo atao.

. . . ny Tsitoha.

. . . fanjakana, voninahitra sy ny fanjakana mandrakizay mandrakizay. Amena.

Sady . . . nanao antsika ho fanjakana sy mpisorona ho an’Andriamanitra . . . Rainy; ary ho Azy anie ny voninahitra sy ny fanjakana mandrakizay mandrakizay. Amena.

²⁹⁹ Hitanareo ve ny fanambarana eto, ahoana no nanambaràna Azy? Ahoana Andriamanitra . . . Mihaotra loha ny olona sady misintonia ny volony, sy ny hafa koa, miezaka hahita hoe “Ray, Zanaka, Fanahy Masina” inona, no lasa telo, ao amin’ny iray.

Aza misintonia ny volonareo na mihaotra ny lohanareo. Mijere ambony fotsiny. Avy any Ambony ny fanambarana. Ary

marina izany. Hanambara Izy, io tsy hoe “Ray, Zanaka, ary Fanahy Masina.” Andraikitra telo izay niainan’Andriamanitra tokana io.

³⁰⁰ Tao amin’ilay andraikitra izany, “Fanahy,” tamin’ny alalan’ny Tenany ihany, satria ny vatan’olombelona dia mihamihena. Ka dia Izy ihany no nanao vatana ho an’ny Tenany, nivelona tao, mba hamokatra ny Rân’ny Tenany; tsy tamin’ny alalan’ny firaisan’ny nofo, tahaka izay nisy tao amin’ny saha Edena, fa namokatra vatananoforonina. Ary avy tamin’ilay vatana nateraka virijina, dia nanome Rà anankiray Izy izay nanamasina antsika sy nanafaka antsika tamin’ny tsifinoantsika, mba hino Azy. Koa, ataontsika izany, raisintsika ato am-pontsika Izy, izany no Andriamanitra ato amintsika; Andriamanitra: Ray, Zanaka, ary Fanahy Masina. Hitanareo? Tahaka ny hoe Mpaminany, Mpisorona, ary Mpanjaka fotsiny, zavatra mitovy ihany izany. Marina izany.

³⁰¹ Ankehitriny, ny andininy faha 7, ity ilay filazana miharihary. Izao ilay filazana miharihary:

Indro, izy avy amin’ny rahona; ary ny maso rehetra hahita azy, . . . na dia ireo nandefona azy aza: ary hitomany azy ny firenena rehetra ambonin’ny tany.

³⁰² Oh! Firy sisa ny fotoana ananantsika? Tena mahafinaritra ity. Afaka mihafy kely telopolo, roapolo minitra ve ianareo? [Hoy ny fiangonana hoe, “Eny.”—Mpand.] Afaka ianareo? [“Amena.”] Tsara izany. Ankehitriny, koa, rahampitso... Izao hariva izao, dia hiezaka isika ny haka ny ambiny, *Ny Fahitana tao Patmo*, izao hariva izao. Androany, dia hamarana eo amin’ilay filazana miharihary isika.

³⁰³ Oh! Mahazo aina ve ianareo? [Hoy ny fiangonana hoe, “Amena.”—Mpand.] Tianareo ve ity Baiboly tranainy ity? [“Amena.”] Io no Fanambarana. Inona, inona izany? Naninjitra ny tànany Andriamanitra, ato amin’ity Boky ity, ka nanala ny sarona, nanao hoe, “Indro Izy no: Mpaminany, Mpisorona, Mpanjaka; Ray, Zanaka, Fanahy Masina; Ilay taloha, ilay ankehitriny, ary ho avy. Izany rehetra izany, dia Andriamanitra.”

³⁰⁴ Ankehitriny ndeha esorintsika ny sarona, mandritra ny minitra vitsy fotsiny eto, hanampy antsika ny Tompo, hanala ny sarona eo amin’ny masontsika. Ary raiso... .

Indro, izy avy amin’ny rahona; . . .

³⁰⁵ Ankehitriny, ahoana no fomba Hihaviany? “Miaraka amin’ny rahona.” Rahona toy ny ahoana? Rahon’ny voninahitra. Tsy ny anankiray amin’ireny rahon’ny kotro-baratra ireny tsy akory, na rahon’orana, fa rahon’ny voninahitra.

Ho hitanareo hoe karazana rahona inona no Nisaronany rehefa nahita ny Fahitany teo amin’ny Tendrombohitry ny

Fiovan-tarehy i Petera sy ny sasany, nisy rahona anankiray nanarona Azy. Namirapiratra ny Fitafiany. Voasaron'ny rahona anankiray Izy, dia ny herin'Andriamanitra.

³⁰⁶ Oh, ho tonga eo isika izao, ao amin'ireo taonan'ny fiangonana ireo. Milaza aminareo aho, fa izany—izany dia manitikitika ny ati-lalin'ny tenako izany, ny fieritreretana an'io, inona, Ny Fihaviany. Hitako izao andro izay hivelomantsika izao, tsy misy na inona na inona, tsy misy fanantenana tavela intsony afa-tsy ny Fihaviany.

³⁰⁷ Ho raisintsika haingana izany izao. Ankehitriny tsarovy.

. . . ny maso rehetra hahita azy, . . .

³⁰⁸ Ankehitriny, tsy ny Fampakarana io, raha izany. Sa tsy izany? [Hoy ny fiangonana hoe, “Tsia.”—Mpand.] Hitanareo? Tsy ny Fampakarana. Tsy ny Fampakarana io. Inona àry no Resahany eto? Ilay Fihaviana faharoa.

. . . na dia ireo nandefona azy aza: ary hitomany azy ny firenena rehetra ambonin'ny tany.

³⁰⁹ Ankehitriny hiverina isika ka haka tantara vitsy. Ndeha isika hiverina ao amin'ny Zakaria, ary haka ny toko faha 12 ao amin'ny Zakaria. Zakaria. Eny àry.

³¹⁰ “Ary ny Tompo nanampy ny olom-bonjena isan’andro tao amin’ny fiangonana.” Toy inona ny fankasitrabantsika ny fanambarana tsaran'i Jesosy Kristy! Tsy faly noho ny Aminy ve ianareo? [Hoy ny fiangonana hoe “Amena.”—Mpand.] Ankehitriny, hataontsika endrika boky izany haingana indrindra arak’izay azo atao, ho an’ny olona, ka rehefa azonareo izany, dia hamaky azy ao amin’ny efitranonareo mangina ianareo sy ny sisa, ka hianatra azy tsara, ianareo ihany. Eny àry.

³¹¹ Zakaria, ny Zakaria, ny toko faha 12 ao amin’ny Zakaria ankehitriny. Ary tiantsika ny handray an’izao amin’ny fanahy feno vavaka tokoa izao. Ary tiako ny haka an’izao ho voninahitr’Andriamanitra. Ankehitriny, Zakaria 12, ndeha hatombotsika amin’ny andininny faha 9. Henoy eto am-pamaranana. Miresaka ny amin’ny Fihaviana izy eto. Zakaria 12, ary manomboka amin’ny faha 9, andininny faha 9, “Ary izao no hiseho.” Zakaria, maminany, fito amby valo-polo amby efajato taona talohan’ny nihavian'i Kristy.

Ary izao no hiseho amin’izany andro izany, fa Izaho hitady handringana ny jentilisa rehetra . . . izay avy hamely an'i Jerosalema. (Eritrereto izany.)

Ary haidiko ho amin’ny taranak'i Davida, sy amin’ny mponina any Jerosalema, ny fanahin’ny fahasoaavana sy ny fifonana: ka hijery ahy izay nolefoniny izy, . . .

³¹² Ankehitriny, rahoviana no miverina amin’ny Jiosy ny Filazantsara? Rehefa tapitra ny andron’ny Jentilisa, dia vonona ny Filazantsara, ho any amin’ny Jiosy. Oh, azoko atao, raha

azoko atao, ny hilaza mialoha aminareo fotsiny zavatra kely anankiray izay efa voatendry fa hiseho mihitsy eto, hitanareo, amin'izao andro izao mihitsy. Hitanareo? Efa voatendry fa hiseho izany. Ho hitantsika izany ao amin'ny Taonan'ny Fiagonana. Fa io zavatra lehibe io dia efa voatendry hiseho, hitohy hatrany amin'ny Apokalypsy 11 mba haka an'ireo mpaminany roa, Elia sy Mosesy izay miverina indray ho an'ny Jiosy. Vonona ny amin'izany isika. Mipetraka amin'ny toerany avokoa ny zavatra rehetra, efa vonona. Ity Hafatra ho an'ny Jentilisa ity, tahaka ny nitondran'ny Jiosy azy ho an'ny Jentilisa, no hitondran'ny Jentilisa azy koa hiverina ho an'ny Jiosy indray. Dia ho tonga ny Fampakarana.

³¹³ Ankehitriny tsarovy, fa hitranga io, aorian'ny fahoriambe... Ny Fiagonana dia tsy mandalo Fahoriambe. Fantatsika izany. Ny Baiboly no milaza. Hitanareo? Marina izany.

³¹⁴ Ankehitriny, Haidiny amin'ny taranak'Isirael, (inona?) io Fanahy Masina io ihany, hitanareo, rehefa lassa ny Fiagonan'ny Jentilisa.

...ka nijery ahy izay nolefoning izy, ary hisaona azy, toy ny olona izay misaona ny zananilahy tokana izy, sady halahelo azy, toy ny olona malahelo ny lahimatoany.

Ary amin'izany andro izany dia hisy...fisaonana lehibe any Jerosalema,...ary fisaonana...eo—eo amin'ny lohasaha Megido.

Ary—ary hisaona ny tany, samy isam-pianakaviana avy; ny fianakavian'i Davida mitokana, ary...ny fianakavian'i Natana mitokana, ary ny taranaka isan'isany mitokana;

³¹⁵ Rehefa mahita izy ireo, dia inona no hitranga? Inona no hiseho rehefa avy amin'ny rahon'ny voninahitra Izy, amin'ny Fisehoany faharoa. Ary rehefa ireo Jiosy izay nandefona Azy ireo...Fantatrareo, ny Soratra Masina hafa milaza fa hanontany Azy izy ireo hoe, “Taiza no Nahazoany ireo ratra ireo?”

³¹⁶ Hoy Izy hoe, “Tao an-tranon’ny Sakaizako.”

³¹⁷ Ary tsy ho andro fisaonana mafy fotsiny ho an'ny Jiosy izay nandà Azy, tsy ho Mesia, fa ho andro fisaonana mafy ihany koa ho an'ireo Jentilisa sisa tavela eto, izay nanaiky...izay nandà Azy tsy ho Mesiany ho an'izao andro izao. Hidradradradra sy hitomany izy ireo. Ireo virijina natory dia hidradradradra. Io ilay fiagonana izay nandà ny hahazo Solika tao amin'ny Jirony. Nisy virijina folo nivoaka, samy olona mahafinaritra avokoa, saingy ny dimy tamin'izy ireo nanana Solika tao amin'ny fanaovan-jirony. Ireo dimy hafa dia olona mahafinaritra, olona mahafinaritra, saingy nanadino ny naka Solika tao amin'ny fanaovan-jirony. “Ary nariana ho any amin'ny maizina tany

ivelany izy ireo izay hisy fitomaniana, fidradradadrana, sy fikitroha-nify."

³¹⁸ Io izy io, "Hidradradradra izy ireo." Milaza ny Baiboly eto, "Fa hidradradradra izy ireo, ka tena ho vaky fo! Mandrapaha . . ."

³¹⁹ Eto, dia hanome anareo anankiray hafa aho, Genesisy 45, raha tianareo ny haka izany. Ndeha ho raisintsika vetivety izany ka hamaky ihany koa ao amin'ny Genesisy, ny . . . Mino aho fa, ny toko faha 45 ao amin'ny Genesisy. Tiako ny haka an'izany eto, Josefa mampahafantatra ny tenany amin'ny—amin'ny ankohonany. Ary haka an'izany isika, mba hanehoana fotsiny ny—ny endrik'izay hiseho amin'izany andro izany, avy eo dia hakambantsika izany.

Ary Josefa tsy nahatsindry fo intsony teo anatrehan'. . . ireo rehetra izay teo aminy; dia niantso mafy hoe: Lazao ny olona rehetra hiala . . . eto amiko.

Ankehitriny tsarovy, Josefa, rehefa nampahafantatra ny tenany, dia niantso mafy hoe, "Ny olona rehetra mialà eto anatrehako."

Ary dia tsy nisy olona na dia iray aza nijanona teo aminy, raha nampahafantatra ny tenany tamin'ireo rahalahiny Josefa.

Dia nitomany mafy izy: ary ny Egyptiana sy ny tao an-tranon'i Farao nandre azy. (Tsy maintsy ho nihiaka mafy izy.)

Ary hoy Josefa tamin'ny rahalahiny, Izaho no Josefa; mbola velona ihany va ny raiko? Ary tsy nahavaly azy ny rahalahiny; fa toran-kovitra teo anatrehany ireo.

Ary hoy Josefa tamin'ny rahalahiny: Avia, manatona . . . ahy, miangavy anareo aho. Dia nanatona ireo. Ary hoy izy, Izaho no Josefa rahalahinareo, izay—izay namidinareo ho aty Egypta.

Ary ankehitriny aza malahelo, na tezitra amin'ny tenanareo, fa hoe ianareo no nivarotra ahy ho aty: fa Andriamanitra no nandefa taty hialoha anareo aty mba hamonjy aina. (Oh, mahafinaritra izany!)

Fa roa taona izao no . . . mosary teto amin'ny tany: ary . . . mbola hisy, tsy hisy na fiasan-tany na fijinjana.

Ary Andriamanitra efa nampandeha ahy hialoha anareo mba tsy hahalany taranaka anareo amin'ny tany, sy hamonjy ny ainareo amin'ny fanafahana lehibe.

³²⁰ Avelao fotsiny aho haka ankehitriny ka hampitaha an'izany amin'ny Zakaria, ny faha 12, fotoana fohy monja. Ankehitriny, fantatsika izany, ara-tandindona. Raha mampianatra ny

tandindona ianareo, dia ho azonareo tsara foana ilay izy, heveriko, ara—ara-tandindona.

³²¹ Ankehitriny, Josefa, rehefa teraka izy, dia nankahalain'ireo rahalahiny izy. Tsy marina ve izany? [Hoy ny fiangonana hoe, "Amena."—Mpand.] Ankehitriny dia tiako haseho anareo, fa Josefa dia maneho ny Fiagonana feno ny Fanahy. Josefa dia nankahalain'ireo rahalahiny. Nahoana? Satria ara-panahy izy. Tsy afa-nanoatra Josefa satria nahita fahitana izy. Tsy afa-nanoatra izy satria nanonofy izy, hitanareo, sady afaka nandika nofy. Izy, izany no zavatra efa tao aminy. Tsy afaka naneho zavatra hafa afa-tsy izay efa tao aminy izy. Eny, koa, nankahala azy ireo rahalahiny, tsy amin'antony. Saingy ny rainy kosa tia azy, satria mpaminany ny rainy.

³²² Jereo hoe ahoana izany teo amin'i Jesosy? Andriamanitra tia ny Zanany. Saingy ireo rahalahy, ireo Fariseo sy Sadiseo, no nankahala Azy, satria afaka nanasitrana ny marary Izy, sy nilaza zavatra mialoha, sy nahita fahitana, nandika. Hitanareo ve ny tiako lazaina? "Nankahalainy Izy, tsy amin'antony."

³²³ Ary inona no nataon'izy ireo tamin'i Josefa? Mody nolazainy hoe maty izy, dia natsipiny tao an-davaka izy. Nalainy ny fitafiana nisy rà, misy loko fito, izay ny rainy . . .

³²⁴ Loko fito ihany no eo amin'ny avana. Ary ny avana, fantatsika izany . . . Ho azontsika io ao aoriane kely, heveriko, rahariva. Ny avana no eo Amboniny eto, Jesosy, izay, "Miloko tahaka ny vato jaspy sy karneola Izy, ary nisy avana." Ny avana dia fanekena iray.

³²⁵ Ary io ilay faneken'Andriamanitra teo amin'i Josefa. Ary avy eo dia nasian'izy ireo rà teo amin'ny fitafiany, ka nentiny niverina tany amin'ilay ray. Ary efa natao ho toy ny efa maty izy. Ka . . .

Nefa nivoaka avy tao an-davaka izy ka napetraka teo amin'ny—ny . . . namidy tamin'i Farao, tany Egypta tany, ary nisy—nisy jeneraly anankiray nitazona azy. Ary rehefa nanao izany izy ireo, izy, dia nisy zavatra ratsy niseho teo aminy, ka nalefa tao an-tranomaizina izy. Ary naminany izy tao, ary nilaza tamin'ny roa lahy hoe ho aiza ny anankiray ary ho aiza ny anankiray hafa; ilay mpitonundra kapoaka sy—sy ilay mpanao mofo, arakaraka nynofiny avy.

³²⁶ Ary avy eo nasandratra izy, avy tao, nankeo an-tànana ankavan'an'i Farao. Ka tsy nisy olona nahazo nanatona an'i Farao, raha tsy tamin'ny alalan'i Josefa ihany. [Elanelana tsy voarakitra—Mpand.]

³²⁷ Jereo ity ankehitriny, ny . . . rehefa namidy tamin'ny Egyptiana i Josefa. Ary, jereo, fa ny zavatra rehetra nataony dia naneho an'i Kristy. Jereo ity mpitonundra kapoaka sy ity mpanao mofo ato ity, fa samy nanonofy izy roa ireo. Ary Jesosy, rehefa tao amin'ny Tranomaiziny Izy. Tsarovsky, fa tao an-tranomaizina

i Josefa. Ary rehefa tao an-Tranomaiziny i Jesosy, (ahoana?) voafantsika teo amin'ny hazo fijaliana, dia nisy anankiray voavonjy ary anankiray very. Josefa, rehefa tao an-tranomaiziny izy, ny anankiray voavonjy, ny anankiray very.

³²⁸ Ary mariho fa taorian'ny nanesorana an'i Jesosy teo amin'ny hazo fijaliana, dia nasandratra any amin'ny Lanitra Izy, ka mipetraka eo an-tànana ankavanana'ilay Fanahy lehibe, Jehovah. "Tsy misy olona mahay manatona an'Andriamanitra raha tsy amin'ny Alàlako." Tsy ny *arahaba ry Maria*, tsy masina *izao* na masina *izaroa*. Fa, amin'ny alalan'i Jesosy Kristy, "Ilay mpanalalana tokana misy eo amin'Andriamanitra sy ny olona," hitanareo, io vatana sarobidy izay nitoeran'Andriamanitra io, eto anivontsika, izay naka ny Anaran'Andriamanitra. Ary Andriamanitra naka ny anaran'olombelona. Andriamanitra naka . . .

³²⁹ Jereo eto. Tamin'ny voalohany, Adama rehefa . . . Tsy haiko fotsiny ny miala amin'ity. Toa mbola misy olona tsy mahazo Azy, any ho any. Jereo. Tamin'ny voalohany . . . Mamela ahy hampiseho zavatra aminareo indray. Mampitandrina ahy ny Fanahy Masina mba hanao an'izao. Avelako iray minitra aloha ny loha-hevitro. Rehefa tonga tany amin'ny Voninahitra ilay vaovao voalohany, fa hoe very ilay zanaka, Adama, dia nandefa Anjely anankiray ve Andriamanitra? Nandefa zanaka anankiray ve Izy? Nandefa olon-kafa anankiray ve Izy? Izy no tonga, Izy Tenany, mba hanavotra ny Zanany very. Haleloia! Andriamanitra tsy nanankina an'izany tamin'ny hafa afa-tsy ny Tenany ihany. Tonga nofo Andriamanitra ka nonina tamintsika, ary nanavotra ny olona, Izy Tenany. Izany no, "Isika dia voavonjy," hoy ny Baiboly hoe, "tamin'ny Ràn'Andriamanitra." Ilay mety maty, Andriamanitra dia . . . Ilay Andriamanitra tsy mety maty no tonga mety maty, mba hanaisotra ny ota, tonga Zanak'ondry, Izy Tenany; mba hiditra ao amin'ny Voninahitra, voasarona, ary niaraka tamin'ny Ràn'ny Tenany teo Anoloany, tany ambadiky ny voaly.

³³⁰ Ankehitriny, Josefa, dia nidina nankany Egypta. Ary nasandratra avy tao an-tranomaiziny izy tany, ho eo an-tànana ankavanana'i Farao, ary natao ho mpanapaka. Ary ny zav-drehetra dia nambinina tamin'ny andron'i Josefa.

³³¹ Ankehitriny, rehefa miverina Jesosy, na dia ny an-efitra aza dia hamony toy ny raozy. Izy no Zanaky ny fanambinana, tandindon'i Josefa.

³³² Napetrak'izy ireo Josefa tao . . . Nataon'ilay jeneraly tao an-tranony izy; izay rehetra nataony, dia nambinina izy. Nataon'ilay ireo tao an-tranomaizina izy, dia nambinina ny tranomaizina manontolo. Izay rehetra nataon'ilay ireo, dia nambinina izy. Ary rehefa nasandratra izy, ilay ambony indrindra, teo amin'i Farao, teo anilan'i Farao, dia ny zavatra rehetra tao Egypta

dia nambinina teo ambonin'ny zavatra rehetra teto amin'izao tontolo izao.

³³³ Rehefa miverina Izy, dia ho tanin'ny fanambinana ity. Ilay an-efitra fahiny dia hamony, ary hisy sakafo amin'ny toerana rehetra. Ary isika dia afaka, isika rehetra, hipetraka eo ambanin'ny tena aviavin-tsika avy, ka hihomehy sy hifaly, ary ho velona mandrakizay ao amin'ny Fanatrehany, rehefa miverina Izy amin'ny maha-Mpanjaka.

³³⁴ Zanak'olona Izy teo, Mpaminany. Amena. Zanak'olona Izy teo, Fanatitra, Mpisorona. Zanak'olona Izy izao, amin'ny maha-Mpanjaka, ilay Žanak'i Davida mipetraka eo amin'ny sezan'ny Fiandrianany. Zanak'olona, Izy no ilay Andriamanitra voaseho amin'ny maha-Zanak'olona. Nidina Izy ka tonga olona, mba hanaisotra ny fahotan'izao tontolo izao. Tonga olona Izy, mba ho Mpaminany. Tonga olona Izy, mba ho Mpisorona. Tonga olona Izy, mba ho Mpanjaka; Mpanjakan'ny Lanitra, Mpanjakan'ireo masina, ilay Mpanjaka Mandrakizay; efa Mpanjaka foana, ho Mpanjaka foana, Mpanjaka Mandrakizay.

³³⁵ Ankehitriny mariho, koa, Josefa. Talohan'ny nandrosoan'i Josefa teo, dia tsy maintsy nampaneno ny trompetra izy ireo, aloha. Ary niantso mafy ny olona hoe, "Mandohaleha amin'i Josefa." Na inona zavatra nataon'ny olona anankiray, nivarotra vokatra teny amin'ny lâlana izy, fa rehefa naneno io trompetra io, dia nalefiny ny lohaliny. Nisy olona anankiray efa vonona ny haninji-tânana haka ny volany, nefo nalefiny ny lohaliny, avy i Josefa. Oh! Ilay—ilay—ilay ionoka efa vonona ny hanao ny asany, dia inona no nataony? Tsy maintsy nijanona izy. "Avy i Josefa." Naneno ny trompetra.

³³⁶ Indray andro any, ny zavatra rehetra, na dia ny fotoana aza, dia hijanona. "Rehefa haneno ny trompetran'Andriamanitra, dia izay maty ao amin'i Kristy no hitsangana, ary hiposaka ilay maraina Mandrakizay, mamirapiratra sy mahafinaritra." Hampilefitra ny lohaliny ny zavatra rehetra. "Ny lohalika rehetra hilefitra, ary ny lela rehetra hanaiky an'Ity."

Manomboha ankehitriny. "Ny fahotan'ny olona sasany mialoha, ny an'ny sasany manaraka."

³³⁷ Fa mariho ankehitriny ny zavatra miseho. Be voninahitra izany! Josefa àry...rehefa avy naka vady Jentilisa anankiray izy dia nahazo fianakaviana iray, Efraima sy Manase, ny zanany. Mba tsikaritraiseo ve tamin'ny farany? Josefa rehefa... Nanomboka nitso-drano an'i Efraima sy i Manase i Jakoba. Rehefa nanomboka nametraka ny Tânana izy, dia napetrany teo an-kavanana i Efraima, Manase teo an-kavia, mba ahazoan'ny Tânana ankavanana mitso-drano ny zokiny. Saingy rehefa nanomboka nivavaka izy, dia nifamototra ny Tânany, ka nomeny an'ilay zandriny ny fitahian'ny Tânana ankavanana raha tokony ho azon'ilay teo ankavanana.

³³⁸ Ary hoy i Josefa, “Tsy izao, ry Ikaky.” Hoy izy, “Napetrakao teo amin’i Manase ny tso-drano raha tokony ho eo amin’i Efraima.”

³³⁹ Dia hoy izy hoe, “Andriamanitra no nampifamototra ny tànako.”

³⁴⁰ Inona izany? Avy tamin’ny Jiosy, ilay zokiny, ilaynofidin’Andriamanitra voalohany, teo amin’ilay Hazo fijaliana no niverina ho any amin’ny Jentilisa ilay fitahiana, mba haka ny Ampakarina. Ny fitahiana dia avy tamin’ny alalan’ny Hazo fijaliana, avy tamin’ny Jiosy ho amin’ny Jentilisa. Nolavina! Nolavin’izy ireo ny Hazo fijaliana, noho izany dia naka ny Ampakarina Jentilisa Izy.

³⁴¹ Ankehitriny Josefa rehefa, talohan’izao, rehefa noratran’ireo rahalahiny izy, izay... Tsy nanana firaissana intsony izy ireo nandrity ny taona maro, ny Jiosy.

³⁴² Ankehitriny jereo. Hiverina ao amin’ny Zakaria isika izao, izay nidradradradran’izy ireo, ary nisaona sy nidradradradra. Ary na dia ireo fianakaviana aza dia hisaraka amin’ireo fianakaviana hafa, nivoaka, nanao hoe, “Ahoana no nanaovantsika an’izao? Ahoana no tena nahavitantsika nanao an’izao?” Rehefa nilaza izy ireo hoe, “Taiza no nahazoanao ireto ratra ireto, ireto marika amin’ny Tànanaao ireto?” na dia izay nandefona Azy aza. “Avy amin’ny rahona Izy. Ary hahita Azy izy ireo, na dia ireo izay nandefona Azy aza. Ary hisaona ny fianakaviana rehetra, ary hidradradradra izy ireo.” Tsy ho hain’izy ireo izay hatao.

³⁴³ Ary Josefa rehefa... Fantatrareo ny tantara. Rehefa hitany ireo rahalahiny, dia mody tsy nahay niteny Hebreo izy, ka naka mpandika teny handika ho azy. Ary tsy niteny Hebreo izy, toy izany no nataony; saingy mba te-hahita izy. Ary tamin’ny farany, indray andro, rehefa nentin’izy ireo ilay rahalahy keliny, tsikaritraiseo ve? Fa Benjamina no nampirehitra ny fanahin’i Josefa?

³⁴⁴ Inona àry izany, amin’izao andro izao, no hampirehitra ny Fanahiny, ilay Josefantsika, Jesosy? Ilay fiangonana tanora izay tany lavitra tany, izay nitandrina ny didin’Andriamanitra. Ary io dia vahoaka nateraka indray izay miangona ao Palestina, izay tafaverina indray. Io Kintan’i Davida misy zorony enina io, ilay saina tranainy indrindra eto amin’izao tontolo izao, firenena anankiray no nateraka tao anatin’ny taona farany izao. Io Israely.

Rava ireo firenena, mifoha ny Israely,
Ireo famantarana nambaran’ny Baiboly mialoha;
Voaisa ny andron’ny Jentilisa, feno fahorianana
maro;
Miverena, ry niely O, ho amin’ny anareo.

Akaiky ny Andron'ny Fanavotana,
 Resin-tahotra ny fon'ny olona; (Jereo ny baombanareo, ireo hazavana atomika.)
 Aoka ho fenoina ny Fanahy ianareo, ny fanaovan-jironareo ho voadio sy hazava,
 Miandrindrà, akaiky ny fanavotana anareo.

Mandainga ireo mpaminany sandoka, lavin'izy ireo ny Fahamarinan'Andriamanitra,
 Fa Jesosy Kristy no Andriamanitsika;
 Voninahitra! Fa tonga ny Fanambarana,
 Koa dia mamindra eo amin'izay nitsahan'ireo apostoly isika, tena eo amin'ny toeran'izy ireo ihany.

Satria akaiky ny Andron'ny Fanavotana,
 Resin-tahotra ny fon'ny olona;
 Aoka ho fenoina ny Fanahin'Andriamanitra ianareo, ny fanaovan-jironareo ho voadio sy hazava,
 Miandrindrà, akaiky ny fanavotana anareo.

³⁴⁵ Oh! Oh, Josefa, rehefa nahita an'i Benjaminia kely nitsangana teo izy! Io ilay rahalahy keliny. Hitanareo Benjaminia kely ankehitriny mbola tanora mipetraka teo. Ireo foko avy amin'ny—avy amin'ny tany, avy amin'ny Jiosy, dia niverina eo amin'izay hijoroan'ireo efatra arivo amby efatra alina amby iray hetsy, mba handray an'i Kristy rehefa mahita ny Fihaviany izy ireo. Hilaza izy ireo hoe, “Indro, ity ilay Andriamanitsika Izay nandrasantsika.” Avy eo dia ho hitan'izy ireo ilay voalefona . . . “Avy taiza ireto?”

³⁴⁶ Hoy Izy hoe, “Tao an-tranon’ny sakaizako.”

³⁴⁷ Ary hidradradra sy hitomany izy ireo. Ary ny fianakaviana tsirairay, ireo fokon'i Davida sy Naftaly ary izy rehetra, dia hitsitokatokana avy, ny fianakaviana tsirairay, ka hitomany ny tenany rehefa mahita Azy mitsangana eny amin'ny habakabaka, dia Ilay nohomboanareo’izy ireo.

³⁴⁸ Ho inona no Hafany? Jereo izay nolazain'i Josefa. Rehefa hoy izy . . .

³⁴⁹ Jereo ny zavatra hafa anankiray. Rehefa teo anoloan'i Josefa ireo zanaka, dia njery azy ireo izy, nahita an'i Benjaminia kely izy. Nahita an'i Efraima izy, nahita ny sisa rehetra teo izy, Gada sy izy rehetra. Ary ireo foko roa ambin'ny folo, ireo foko folo teo, nitsangana teo anoloany. Hitany izy rehetra nitsangana teo. Fantany fa rahalahiny izy ireo. Fa njery an'i Benjaminia kely izy, avy hatrany, nanomboka niha-tery ny tendany. Fantany fa ny azy ireo. Inona no nolazainy? “Avoahy ny olona rehetra hiala eto amiko.” Inona no nanjo ny vadiny sy ireto zanany? Nankao amin'ny lapa izy ireo.

³⁵⁰ Aiza no toerana handehanan'ny Fianganan'ny Jentilisa amin'ny Fampakarana? Ao amin'ny Lapa. Ny Ampakarina, haleloia, ny Ampakarina dia ho esorina hiala amin'ny tany, amin'ny Fampakarana. Ary rehefa miverina Izzy, dia tsy ho eo ny Ampakariny rehefa mampahafantatra ny Tenany amin'ireo Rahalahiny Izzy, ireo Jiosy, ireo izay nandefona Azy, ireo izay nandà Azy. Fa ny vadiny sy ny malalany kosa, ireo sakazany akaiky teo, ilay—ilay namany nalefan'Andriamanitra ho azy dia tao amin'ny tempoly.

³⁵¹ Ary rehefa njery izy, dia nilaza izy fa izy ireo dia... Tsy nahafantatra izy ireo. Hoy izy ireo hoe, "Oh, ity andriana lehibe ity!" Nanomboka niteny izy ireo, izy samy izy, oh, ny amin'ireo zavatra izay nataon'izy ireo.

³⁵² Mino aho fa i Efraima, na tsy i Efraima, fa adiniko hoe iza tamin'izy ireo ilay izy, izay—izay nilaza hoe, "Eny, tsy tokony namono ny rahalahintsika isika, dia Josefa." Hoy izy hoe, "Hitanareo, mandray ny valiny isika." Robena, hoy Robena hoe, "Tsy tokony namono ny rahalahintsika isika," hoy izy hoe, "satria, hitanareo, mandray ny valin'ny nataontsika isika."

³⁵³ Ary nitsangana teo i Josefa; tsy nihevitra izy ireo hoe mahazo teny Hebreo izy. Oh, oh, oh, oh! Fa hainy izany.

³⁵⁴ Mieritreritra ny sasany hoe, "Tsy mahazo ny fiteny amin'ny teny tsy fantatra," fa Fantany ny amin'izany rehetra izany. Hia. Fantany. Ny fanjakan'ny Jentilisa dia tonga niaraka tamin'ny fiteny amin'ny teny tsy fantatra sy ny fandikana, tao amin'ilay loha volamena (ilay loha voalohany) talohan'ny nianjerany. Inona no namarana an'io vanim-potoanan'ny Jentilisa voalohany io? Nisy tånanana nanoratra tamin'ny teny tsy fantatra teo amin'ny rindrina, ary nisy lehilahy anankiray nahay nandika sy nilaza hoe inona ilay izy. Io fomba io ihany koa no hiafarany. Amena. Manomboka sy mifarana amin'io fomba io ihany izany.

³⁵⁵ Noheverin'izy ireo fa tsy ho azony ny fiteny izay nitenenan'izy ireo, saingy hainy ilay izy. Hoy izy ireo hoe, "Hitanareo ve ny mahazo antsika?"

³⁵⁶ Ary Josefa nahita avy eo fa nanenina izy ireo noho ny zavatra nataony.

³⁵⁷ Eto dia Hitany ireo alahelo sy nenin'izy ireo nohon'ny nandavany Azy, hany ka voadona mafy Izzy tao amin'ny Tendany tao. Vonona Izzy ny handefa ny Fianganany hiala amin'ny tany, haka Azy ho ao amin'ny Voninahitra. Avy eo dia hiverina, ary hisaona ny foko rehetra eto an-tany.

³⁵⁸ Inona no nataon'izy ireo? Robena, izy rehetra, dia nanomboka nitomany, hoy izy ireo hoe, "Oh! Oh!" Natahotra izy ireo ka nanao hoe, "Izy ity. Fantatsika izao fa vita ny amintsika. Hamono antsika izy ankehitriny. Ankehitriny izy... Fantatsika fa ho levona isika izao ankehitriny izao, satria ity ilay Josefa

izay nanalavitra antsika efa ela. Josefa io, ilay rahalahintsika, tena vita ny amintsika ankehitriny.”

³⁵⁹ Hoy izy hoe, “Aza tezitra amin’ny tenanareo ianareo. Andriamanitra no nanao an’izao mba hamonjy aina.”

³⁶⁰ Inona no nataon’Andriamanitra? Nahoana ny Jiosy no nandà an’i Jesosy? Mba ahafahantsika Jentilisa, mba, ho, ilay vahoaka izay Nantsoiny nivoaka nohon’ny amin’ny Anarany. Nanao an’izao Andriamanitra mba hamonjy ain’ilay Fianganon’ny Jentilisa, Ampakarina.

³⁶¹ Ny foko rehetra izay nandà Azy dia hisaona. Hanafina ny tenany any anaty tranom-biby izy ireo, sy anaty vatomampy, sy ny sisà. Handeha eran’io tendrombohitra rehetra io izy ireo. Nandà an’Io izy ireo, Azy. Ny taranaka rehetra eto an-tany dia hidradradradra noho ny Amisy. Ary ny fianakaviana tsirairay ao amin’ny Isiraely hitsitokatokana avy. Hisaraka ny fianakaviana, ny iray miala amin’ny iray hafa, ka hanao hoe, “Nahoana isika no nanao an’izao? Ahoana no nahatonga antsika nandà Azy? Ahoana? Io mitsangana io Izy. Io ilay Andriamanitra izay nandrasantsika. Ary io Izy io, miaraka amin’ireo diam-pantsika eo amin’ny Tànany, ary isika no nanao an’io.”

³⁶² Izany marina tokoa no nolazain’ireto rahalahiny ireto teo, rehefa niverina izy ireo ka nanao hoe, “Io Josefa, ilay namidintsika.”

³⁶³ Hoy izy hoe, “Izaho no Josefa, rahalahinareo, izay namidinareo tany Egypta.”

³⁶⁴ “Oh!” Nangorohoro izy ireo. Ary nisaona sy nidradradradra izy ireo, ka nihazakazaka nifanantona amin’ny anankiray, “Inona no ataontsika?”

³⁶⁵ Hoy izy hoe, “Aza tezitra amin’ny tenanareo, satria Andriamanitra no nanao an’izao rehetra izao. Andriamanitra no nandefa ahy mialoha.”

³⁶⁶ Andriamanitra no namorona ny olona rehetra; olona fotsy, olona mainty, olona zarazara, olona mavo, ny olona rehetra. Andriamanitra no namorona ny olona tsirairay. Izy no namorona ny Jentilisa, namorona ny Jiosy. Izy no namorona ny rehetra. Izany rehetra izany dia ho an’ny Voninahiny. Ary tsy maintsy nanao an’izany ny Jiosy, nanda an’Ity, mba hakàna Ampakarina Jentilisa anankiray.

³⁶⁷ Izay no antony nisian’ireo tandindona rehetra ireo. Koa ilay Ampakarina Jentilisa sy ny Solofony miaraka Amisy, ilay Fianganana pentekotista be voninahitra izay voasasa tao amin’ny Ràn’ny Zanak’ondry, miaraka amin’ny herin’ny fitsanganana rehetra mitoetra ao anatin’izy ireo, dia hitsangana indray andro any ao amin’ny Fampakarana (ao anatin’ny fotoana fohy, ao anatin’ny indray mipi-maso) handeha ho ao amin’ny

Fanatrehan'i Jesosy, rehefa hiverina Izy (ka hanala lavitra ny rehetra) mba hampahafantatra ny Tenany amin'ireo Rahalahimy.

³⁶⁸ Jereo izay lazain'ny Soratra eto, eto am-pamaranana. Oh!

Indro, izy ary amin'ny rahona; ary ny maso rehetra hahita Azy, (ankehitriny dia miresaka ny amin'ny Fihaviana faharoa izy, fa tsy ny Fampakarana), ary na dia ireo izay nandefona azy aza: . . .

³⁶⁹ Ny toko faha 7, ny andininy 1 . . . Na, ny andininy faha 7 amin'ny toko 1.

. . . ary ny maso rehetra hahita azy, ary na dia ireo izay nandefona azy aza: ary hidradradradra ny firenena rehetra ambonin'ny tany noho ny aminy. Eny tokoa, Amena.

³⁷⁰ Avy eo dia Omeny izao tena, tena zava-dehibe izao. Iza moa Io? Iza moa Io tsy maintsy ho tadiavin'izy ireo io?

Izaho no Alfa sy Omega, Izaho no A sy Z, (ny A sy Z Grika, ny alfabeta Grika) . . .

³⁷¹ Asa 2:36, ny . . . hoy i Petera, “Tsy misy anarana hafa ambanin’ny Lanitra nomena mba hahavoavonjy ny olona.” Na, tsia, mamelà ahy ianareo; diso ilay izy. Hoy izy hoe, “Koa aoka ho fantatry ny taranak’Isirael rehetra marimarina, fa Andriamanitra no nanao an’iny Jesosy iny ihany, izay nohomboanareo tamin’ny hazo fijaliana, ho Tompo sy Kristy.”

³⁷² Jaona 14:7 sy 12, hoy i Tomasy hoe, “Tompoko, asehoy anay ny Ray, dia ampy ho anay izay.”

³⁷³ Hoy Izzy, “Izay ela izay no ef a nitoerako teto aminareo, ka tsy mbola fantatralo ihany va aho?” Hoy Izzy, “Izay nahita ahy dia nahita ny Ray. Ahoana no anaovanao hoe, ‘Asehoy anay ny Ray?’ Izaho sy ny Ray dia Iray ihany.”

³⁷⁴ Nolazaiko tamin’ny olona anankiray izany indray mandeha. Hoy ilay ramatoa hoe, “Iray minitra monja, Atoa. Branham.” Hoy izy hoe, “Ianao sy vadinao dia iray, koa.”

Hoy aho hoe, “Saingy tsy tahaka izany.”

Hoy izy hoe, “Azafady hoe.”

Hoy aho hoe, “Mahita ahy ve ianao?”

Hoy izy hoe, “Mahita aho.”

Hoy aho hoe, “Mahita ny vadiko ve ianao?”

Hoy izy hoe, “Tsia.”

³⁷⁵ Hoy aho hoe, “Koa dia zavatra tsy mitovy izany. Hoy Izzy hoe, ‘Raha nahita Ahy ianareo, dia nahita ny Ray.’” Tena ampy tsara ho an’io izany.

³⁷⁶ Ary ao amin’ny Masindahy Jaona, na ny Jaona Voalohany 5:7 sy 8, ho anareo rehetra mandray izany. Jaona Voalohany 5:7 sy 8, milaza ny Baiboly. Ilay miteny eto, ilay olona nanoratra an’ity

Apokalypsy ity ihany izay nomen'i Jesosy azy. Hoy izy hoe, "Misy telo izay manambara any An-danitra: ny Ray, ny Teny (ny Teny dia ny Zanaka) . . . ny Ray, ny Teny, ary ny Fanahy Masina, ary iray ihany ireo telo ireo. Misy telo izay manambara ety an-tany: rano, Rà, ary Fanahy, ary mifanaraka izy ireo; fa tsy hoe iray, fa mifanaraka ao amin'ny iray."

³⁷⁷ Tsy afaka manana ny Ray ianareo nefà tsy manana ny Zanaka. Tsy afaka manana ny Ray na ny Zanaka ianareo nefà tsy manana ny Fanahy Masina. Marina izany. Nefà ianareo . . . Ary ny rano, Rà, ary Fanahy, dia ireo no zavatra ilaina mba hidirana ao amin'ny Vatany.

³⁷⁸ Rehefa misy ny fahaterahana ara-nofo, inona no zavatra mitranga voalohany rehefa hiteraka zaza ny vehivavy anankiray? Ny zavatra voalohany, dia ny rano. Ny zavatra faharoa, dia ny rà. Marina ve? Ny zavatra manaraka, dia ny fanahy. Mandray ny fofon'ainy ilay zaza, manomboka miaina. Rano, rà, ary fanahy, izay no mikambana ao amin'ny fahaterahana ara-nofo.

³⁷⁹ Ary koa, ny Fahaterahana ara-panahy. Ny batisan'ny rano, ny Anaran'i Jesosy Kristy; fanamarinana amin'ny alalan'ny finoana, mino ny Tompo Jesosy Kristy. Rano! Inona no manaraka? Rà; fanamasinana, fanadiovana, mamoaka azy.

³⁸⁰ Teo no naha-diso anareo olona Nazareana; tonga hatreo fotsiny ianareo fa tsy mba nandeha lavidavitra. Ny siny izay nohamasininy teo amin'ny alitara, dia vonona ho amin'ny fanompoana, fa tsy hoe ao anaty fanompoana. "Sambatra ireo," fahasambarana, "izay noana sy mangetaheta ny fahamarinana, fa izy no hovokisana." Ny siny dia nohamasinina. Marina izany.

³⁸¹ Tahaka an'ireo virijina. Ny teny hoe *virijina* dia midika "madio, masina, tsy voajangajanga, nohamasinina." Ny dimy nanana solika, ary ny dimy tsia; ny dimy feno, ary ireo hafa kosa dia nijanona teo amin'ny fanamasinana. "Efa noraisinareo va ny Fanahy Masina *fony* vao nino ianareo," ianareo Batista, Presbyteriana?

³⁸² "Tsy fantatray akory fa hoe misy izany Fanahy Masina izany."

³⁸³ "Fa, ahoana no nanaovana batisa anareo?" Ah-hah

³⁸⁴ Rehefa avy nametrahany tånama izy ireo, ireo teo tamin'izany, rehefa novonjena sy nohamasinina, dianofenoina ny Fanahy Masina. Marina izany.

³⁸⁵ Rano, Rà, Fanahy! Jesosy dia tonga mba hanasa sy hanadio, ary hanamasina Fiagonana anankiray, mba Ahafahany ho tonga sy hivelona ao. Tamin'ny Ràn'ny Tenany; Nomeny ny Ràn'ny Tenany izay naterak'Andriamanitra, mba Ahafahany manadio antsika amin'ilay fahaterahantsika tamin'ny firaisan'ny nofo, ka manome antsika ny fanamasinana, siny masina izay ahafahan'ny Tenany mihitsy ho tonga.

³⁸⁶ “Vetivety foana, dia tsy hahita Ahy intsony izao tontolo izao; fa ianareo no hahita Ahy satria Aho,” mpanondro tena, “homba anareo, ho ao anatinareo, mandra-pahatongan’ny fahataperan’izao tontolo izao.” Amena. “Amin’ny lâlana rehetra, dia homba anareo Aho. Ny asa Ataoko no hataonareo koa. Izao famantarana izao no hanaraka izay mino.” Andriamanitra ao amin’ny Fiagonana! Oh, oadray! Ny maha-Andriamanitra Azy! “Misy telo izay manambara any An-danitra: Ray, Teny (Zanaka), Fanahy Masina. Iray izy ireo.”

³⁸⁷ Ankehitriny, mety ho voavonjy ianareo fa tsy nohamasinina. Mety nohamasinina ianareo, fa tsy manana ny Fanahy Masina; eny, fanahy nohamasinina, fa tsy nofenoina. Manamasina ny fonareo, manadio ny fonareo, fa tsy mameo zavatra azy. Izay no mahatonga an’Ity nilaza hoe, “Rehefa mivoaka amin’ny olona ny fanahy maloto, dia mandeha mitety ny tany hay izy. Miverina indray izy, dia mahita ny tranony voavotra tsara avokoa, ary miditra ao. Ary ny faran’izany olona izany dia im-betsaka, impito, ratsy noho ny tamin’ny voalohany.”

³⁸⁸ Izay no nahazo anareo ry Mpivahiny Masina, Nazareana, sy ny sisa. Nanaiky ianareo. Saingy rehefa tonga ny Fanahy Masina, nanomboka niteny tamin’ny fiteny tsy fantatra, ary nanome famantarana sy fahagagana, dia nantsoinareo hoe “ny Devoly” izany ka niteny ratsy ny asan’Andriamanitra ianareo, niantso Azy hoe “zavatra maloto.” Ary hitanareo ve ny nalehan’ny fiagonanareo? Mivoaha amin’izany. Izao no ora, efa ampianarina ny Fanambaran'i Jesosy Kristy, Andriamanitra voambara ao amin’ny herin’ny Fanehoany ny Fanahy Masina. Amena. Akaiky ny Andro Fanavotana.

³⁸⁹ Eny, ny maha-Andriamanitra tao Aminy, Timoty Voalohany 3:16.

. . . *iaraha-manaiky mihitsy fa lehibe ny zava-miafina ny amin’ny toe-panahy araka an’Andriamanitra: fa Andriamanitra dia naseho teo amin’ny nofo, . . . hitan’ny anjely, . . . ninoana teny amin’izao tontolo izao, nakarina tamin’ny voninahitra.*

³⁹⁰ Oh, mitohy dia mitohy hatrany izany. Fa aiza no misy antsika izao? Eo amin’ny faran’ny andininy faha 8.

³⁹¹ Rahariva isika dia hanomboka amin’ny—ny andininy faha 9, *Ny Fahitana tao Patmo*. Oh, misy zavatra lehibe voatahiry ho antsika. Tianareo ve Izy? [Hoy ny fiagonana hoe, “Amena.”—Mpand.]

Tiako Izy, Tiako Izy
Satria Nitia ahy mialoha
Ka nividy ny famonjena ahy
Teo amin’ny hazon’i Kalvary.

³⁹² Tena hataonareo tokoa ve izany? Andriamanitra ve no nampahafantatra ny Tenany taminareo, ka tonga voambara

fa Izy no Zanak'Andriamanitra, Jesosy Kristy, Andriamanitra voaseho amin'ny nofo, mba hanaisotra ny ota? Manambara ny Tenany Izy amin'izao andro farany izao ao amin'ny Fiagonana, mampahafantatra ny Tenany.

³⁹³ Ankehitriny, ireo zavatra mitranga amin'ny Fiagonana ireo, diniho ka jereo, amin'ny faran'ity Hafatra ity, raha tsy milaza ny Baiboly fa hitranga ireo zavatra ireo, tena marina mihitsy. Jereo raha tsy mitranga tokoa ireo zavatra ireo, ao amin'ny Taonan'ny Efesosy, sy ny Pergamosy, Tyatira, sy ny sisa, ny taona tsirairay.

³⁹⁴ Nilaza an'izay ho ataon'i Luther io, sy izay ho ataon'i Wesley. Ary izay fomba hidiran'ity anaram-piagonana Pentekotista ity ao amin'ny Laodikia, toerana matimaty, saingy, eo anivon'izany rehetra izany, no Hisintonany ny vahoaka. Marina izany. Tena izany tokoa. Eo amin'ny farany isika. Oh, tena faly tokoa aho! Ary, oh, rehefa nahita ny fomba nialan'ny tenako teo aho, ka mijery an'ireo sakaizako sy ny sisa, ary mahita an'izao tontolo izao sy ny—sy ny fahasimbana izay eo aminy. Ary koa mieritreritra fa tena manakaiky ny Fihavian'ny Tompo. Eo amin'ny fiafaran'ny taona isika.

³⁹⁵ Resin'ny tahotra ny fon'ny olona. Na aiza na aiza, ny olona rehetra, fanairana izany, ary amin'ny radio, amin'ny fotoana rehetra, "Aoka ho vonona amin'ny rivotra hamely tampoka. Alao ato *ity*, ary alao ato *izao*, ary mandehana any ambany rihana." Ahoana no ahafahanareo hiafina an'izany? Tsy hainareo hiafenana izany. Eny, io zavatra io dia hidina any amin'ny dimam-polo amby zato tongotra any anaty tany any, amin'ny dimam-polo amby zato maily, efa-joro. Eny, ny fihetsehana aterak'izany dia... Raha eto izany no milatsaka, dia hanapotika an'i Indianapolis hatrany amin'ny fotony. Eny, hanapotipotika an'i Indianapolis fotsiny izany, raha latsaka eto Louisville io, hitanareo, ny anankiray amin'izy ireo. Sarotra ny hilaza hoe inona no azon'izy ireo ankoatran'izany.

³⁹⁶ Ary, jereo, fa tsy ilainareo akory. Tsy ilainareo. Rosia tsy mila manao an'izany. Cuba no mahavita an'izany. Izay toerana kely, na—na toerana kely manana ny haben'i Alcatraz lavitra any aza, dia hahavita an'izany, hahasarona an'izao tontolo izao. Ny zavatra tokana hany hataonareo dia ny manitsy azy fotsiny dia misintona tady anankiray. Tsy mila tafika ianareo. Olona taitaitra anankiray fotsiny no ilainareo hanao izany, eo antantan'ny Devoly. Tena marina izany. Hataony izany, ary dia hifarana ny zavatra rehetra. Mifarana ny rehetra avy eo.

³⁹⁷ Saingy, oh, mamela ahy hanome anareo an'ity zavatra voatahy ity. Rehefa hitantsika fa manakaiky tokoa izany, raha hitantsika fa ho tonga izany alohan'ny rahampitso maraina. Tsarovy, fa mody any an-trano ny Fiagonana alohan'ny hitrangan'izany. Miseho aloha ny Fampakarana.

³⁹⁸ Ankehitriny, mba tsy hampikorontana anareo, dia tsarovy, hoy Jesosy hoe, “Tahaka ny tamin’ny andron’i Noa, tahaka ny tamin’ny andron’i Lota.” Tsarovy, fa talohan’ny nilatsahan’ny orana anankiray, dia efa tao anaty sambo fiara i Noa. Hitanareo? Tao anaty sambo fiara i Noa. Nentina teo ambonin’izany izy, namaky an’io. Ary ankehitriny, Noa dia tandindon’ireo Jiosy. Fa Enoka kosa nody tany an-trano tsy maty. Ary rehefa nahita an’i Enoka lasa i Noa, dia fantany fa tonga ny fotoana, hikarakarana an’ ilay sambo fiara. Marina izany. Io no famantaran’i Noa, rehefa nody tany an-trano i Enoka. Ary raha vantany vao alaina ny Fianganon’ny Jentilisa, dia mampahafantatra ny Tenany amin’ny Isiraely Izy. Hitanareo? Marina izany.

³⁹⁹ Tsarovy, fa tamin’ny andron’i Lota, araka ny nolazain’i Jesosy, talohan’ny nandonan’ny pitik’afy anankiray ny tany, hoy ilay Anjely, “Mihazakazaha. Haingàna. Mialà eto, fa tsy mahazo manao na inona na inona aho mandra-pialanao.” Talohan’ny nandonan’ny afo, dia efa nivoaka sy lasa i Lota sy ny fianakaviany. Toy izany koa, ny Fampakarana dia ho tonga mialohan’ny hanombohan’ny Fahoriambe.

⁴⁰⁰ Ny Fahoriambe, maro ny olona mampifangaro azy io. Ho hahitsintsika izany, amin’ity herinandro ity, raha sitraky ny Tompo, amin’ny alalan’ny fanampian’ny Tompo. Tsarovy, mitady ny Fotoana Fahoriambe goavana ianareo, izany dia, raha tianareo ny tandindon’izany ao amin’ny Baiboly, dia ireo Androm-pahorian’i Jakoba izany, hitanareo, rehefa ory izy. Tsy misy hidiran’izany amin’ny Jentilisa. Tsy misy hidiran’ny Jentilisa amin’izany. Tsy misy tandindon’izany ao amin’ny Baiboly. Nakarina ny Fianganon’ny Jentilisa.

⁴⁰¹ Ary ianareo mitady ny “rano hiova ho rà,” sy ny zavatra toy izany. Ho tonga eo amin’ny Isiraely indray izany, miverina miaraka amin’i Mosesy sy Elia, rehefa miverina izy ireo. Elia, efa faninefany, miverina indray, ao amin’ny Fanahy. Tsy nisy maty tamin’izy ireo.

Na, maty i Mosesy. Tsy fantatr’izy ireo ny toerana nandevenana azy. Tsy maintsy natsangana izy tany ho any niaraka amin’izay teo anelanelany, satria, teo amin’ny Tendrombohitra Fiovan-tarehy, dia teo izy, niresaka tamin’i Jesosy. Sa tsy izany? [Hoy ny fianganana hoe, “Amena.”—Mpand.] Hitanareo?

⁴⁰² Noho izany dia hiverina izy ireo ka hovonoina, ary apetraka eo an-dalambe antsoina araka ny hevi-panahy hoe “Sodoma,” teo amin’izay nanomboana ny Tompontsika, Jerosalema. Hitory amin’ny Jiosy izy ireo, ka hamely ny tany, sy handrindrina ny lanitra, sy ny sisa toy izany. Ary ny faran’ny asa fanompoan’ny Jentilisa dia hitohy ka hifandray amin’izany, dia hody any an-trano ny Jentilisa, ary io asa fanompoana io dia hitohy. Hisy fiafarana mahatsiravina ny zavatra rehetra. Ny roa am-

pahatelon'ny tany dia ho rava, sy ny sisa rehetra. Rehefa apetraka eo an-dàlambe ireo vatana maty ireo, telo andro, dia jereo hoe karazana inona izany.

⁴⁰³ Jereo anie ireto sary azoko avy tany Amerika Atsimo ireto, rehefa namono an'ilay misionera Pentekotista ry zareo tany, ny vadiny, nitsitra teo an-dàlambe, ary izy sy ankizy kely anankiroa. Vavy kely, ary nibontsina toy *izao* ny kibo-keliny. Tsy naleviny akory aza izy ireo. Nandehandeha teo izy ireo, nandrora azy ireo toy izany, nandrity ny telo na efatra andro. Nalain'i Rahalahy Kopp sary izany. Ananako izy ireo any an-trano, hitanareo, ny fomba atao'izy ireo.

⁴⁰⁴ Avy teo dia nifandefa fanomezana izy ireo, ny tsirairay. Jereo hoe ahoana ny tandindon'izany ao amin'ny Baiboly, dia ho hitanareo hoe fiangonana inona no hanao an'izany. Marina izany, tena antomotra, ary misokosoko tahaka ny menarana anankiray mihitsy amin'izao fotoana izao, tena fetsy araka izay atao, famantaranana zavatra maro amin'izao ankehitriny izao.

⁴⁰⁵ Jereo anie ny faminaniana izay nomen'ny Tompo ahy tamin'ny '33, ahoana no hitrangan'izany, "Hamela ny vehivavy hifidy izy ireo. Rehefa mifidy, dia hifidy izay olona ratsy izy." Zavatra fito no nomena, ary ny dimy tamin'ireo dia efa nitranga. Ny zavatra manaraka dia ilay vehivavy lehibe, fiangonana anankiray, hery anankiray na zavatra hafa, no hitondra an'ity Etazonia ity, hanapaka. Avy eo aho dia nahita azy tahaka ny lavenona, neparitaka, rehefa tonga teo amin'ny farany izy. Andro farany izany.

⁴⁰⁶ Hoy Izany, "Hanana milina afaka hamily ny tenany izy ireo. Tsy mila misy mpamily ao anatiny." Vao vitan'izy ireo izany. Hoy Izany, iraika ambin'ny folo taona . . .

Ny Fanahy Masina no nilaza tamiko. Ity eto amin'ny taratasy ity izany. Tsy azonareo atao . . . Tsy azonareo lavina izany. Ity eto amin'ny taratasy ity izany, arak'izay nolazain'ny Fanahy Masina.

Iraika ambin'ny folo taona talohan'ny nanorenana ny Maginot Line dia, hoy aho hoe, "Ny Alemana . . . Amerika dia hanao . . . Ny Filoha Roosevelt no ho karilahy indrindra amin'izy rehetra." Ary marina izany. Izany tokoa izy.

Tsy hoe handratra anareo mpitia Demokraty tsy akory, fa izaho dia milaza aminareo. Tsy ny Demokraty na Repoblikana izany. Fa Jesosy Kristy izany, ilay Zanak'Andriamanitra, no resahintsika. Izaho dia sady tsy Demokraty no tsy Repoblikana koa. Kristiana aho. Koa dia, izy ireo, na inona izany na inona, fa mariho eto.

⁴⁰⁷ Ary jereo eto, indray andro, raha tianareo ny hahita hoe andiana jiolahy toy inona ilay izy. Alainy ireny milina ireny dia amboariny, amin'izay, amin'ny fotoana rehetra hifidiananareo ho an'Atoa. Nixon, dia tsy maitsy mifidy an'ity sakaimba.

anankiray ity koa ianareo, amin'io fotoana io ihany. Hia! J. Edgar Hoover no nanala an'ireny milina ireny. Firy no efa namaky an'izany? Eny, azo antoka, ao amin'ny gazety izany rehetra izany, ny vaovao, ny zavatra hafa koa. Hitanareo ve hoe aiza no misy antsika?

⁴⁰⁸ Tsy misy mahitsy intsony afa-tsy i Kristy. Amena. Oh, ity Boky tranaity voatahy ity! Izany izy Ity. Io no hany Tokana milaza aminareo hoe iza ianareo, avy aiza ianareo, ary ho aiza hianareo. Eny, tompoko. Ity Boky tranaity voatahy ity, oh, no manao ahy ho tia Azy. Tsy mba ianareo koa ve? [Hoy ny fiangonana hoe, “Amena.”—Mpand.]

Finoana ny Ray, finoana ny Zanaka,
 Finoana ny Fanahy Masina, ireo telo ireo dia Iray;
 Hangovitra ny Demony, ary ny mpanota hifoha;
 Ny finoana an'i Jehovah no mampihorohoro ny
 rehetra.

⁴⁰⁹ Amena. Andro lehibe toy inona no eo anoloantsika, ry sakaiza! “Ny Fanambaran'i Jesosy Kristy izay nomen'Andriamanitra ny Anjeliny, izay tonga ka naneho an'izany tamin'i Jaona, mba ahafahany mampahafantatra amin'ireo Taonan'ny Fiangonana, ny zavatra izay efa voatahiry ho antsika.”

⁴¹⁰ Hitahy antsika anie ny Tompo ankehitriny, raha toa ka hitsangana isika. Ary aoka izay mitendry ny piano, hanome antsika feon-kira raha sitrany izany, *Raiso Eo Amino ny Anaran'i Jesosy*.

⁴¹¹ Ankehitriny henoy. Misy, tsy isalasalana, fa misy vahiny eto anivontsika izay ato amin'ity tabernakla ity izao maraina izao. Tiako ianareo handray tànana azy ireo. Asao izy ireo, hody hiaraka aminareo, sy ny inona koa. Ary ataovy tonga soa ny rehetra. Tiako ny rehetra hanana antoka fa hanao an'izany.

⁴¹² Ary tsarovy fa manomboka amin'ny fito ora ny fivoriana, rahariva. Fa amin'ny fito sasany, dia hiresaka ny amin'ny *Fahitana Tao Patmo* aho. Rahampitso hariva, raha sitraky ny Tompo, hiresaka ny amin'ny taonan'ny fiangonana voalohany aho, Efesosy, amin'ny Taonan'ny Fiangonana.

⁴¹³ Ankehitriny hihira ny hoe *Raiso Eo Amino ny Anaran'i Jesosy* isika, io no hira famaranana eto amin'ny tabernakla kelintsika. Ary aoka hihira ny rehetra ankehitriny. Eny àry.

Raiso eo amino ny Anaran'i Jesosy,
 Ry zanaky ny alahelo sy ny fahoriana;
 Hanome anao fifaliana sy fiononana io,
 Raiso io n'aiza n'aiza alehanao.

Anarana sarobidy, O tena mamy!
 Fanantenan'ny tany sy fifalian'ny Lanitra;
 Anarana sarobidy, Anarana sarobidy, O tena
 mamy!
 Fanantenan'ny tany sy fifalian'ny Lanitra.

⁴¹⁴ Ankehitriny alohan'ny hirantsika ny andininy manaraka, dia tiako ireo Metodista, Batista, Pentekotista, Katolika, Nazareana, Mpivahiny Masina, amin'izay rehetra manodidina, raiso tànana izay olona eo anoloanareo, eo anilanareo, ao aorianareo, lazao hoe, "Ry mpivahiny Kristiana, ry sakaiza, tena faly aho miaraka aminao teto izao maraina izao. Faly nanompo niaraka taminao, nanodidina an'ireo zavatr'Andriamanitra. Fantatro fa fotoana lehibe no azontsika. Manantena ny hahita anao indray rahariva." Zavatra tahaka izany, raha mandray tànana ny olona ianareo, eo anoloanareo, ao aorianareo, manodidina anareo.

Miondrika amin'ny Anaran'i Jesosy,

Mandrapihaona rahariva, Rahalahy Neville. Mandrapihaona
 rahariva.

. . . tongotra,
 Mpanjakan'ny mpanjaka, ao An-danitra,
 satrohantsika satroboninahitra Izy,
 Rehefa tapitra ny diantsika.
 O Anarana sarobidy, O tena mamy!
 Fanantenan'ny tany sy fifalian'ny Lanitra;
 Anarana sarobidy, O tena mamy!
 Fanantenan'ny tany sy fifalian'ny Lanitra.

Mandra-pihaonantsika! mandra-pihaonantsika!
 Mandra-pihaonantsika eo an-tongotr'i Jesosy;
 Mandra-pihaonantsika! mandra-pihaonantsika!
 Homba anao anie Andriamanitra mandra-
 pihaonantsika indray

⁴¹⁵ Ankehitriny raha manondrika ny lohantsika isika:

Mandra-pihaonantsika! mandra-pihaonantsika!



NY FANAMBARAN'I JESOSY KRISTY MAG60-1204M

(The Revelation Of Jesus Christ)

ANDIAN'NY FANAMBARAN'I JESOSY KRISTY

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady maraina, 4 Desambra, 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarin'ny Voice Of God Recordings.

MALAGASY

©2015 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org